

PROLOQUIUM.

P. MARTINUS SZENTIVANY

è Societate JESU.

Benevolo Lectori Salutem


Proposueram Dilemma-
ta XV. eaq; affectuosis-
simè in Hungaria obtu-
leram omnibus Domi-
nis Acatholicis, pro Xenio Novi
Anni 1699. Ad quæ quidem Ano-
nymus quidam sub ficto nomine
Timothei Philalethi, conatus fuit
respondere, sed tam malè id præsti-
tit, ut illius responsa; nec quidem
propositas difficultates in meis Di-
lemmatibus attigerint, minùs eas-
dem solverint. Unde etiam refuta-
tionem illorum merito intitulavi;
Responsa non Responsa, quam refu-
tationem Typis edidi Anno 1700.
Ante paucos autem dies, hoc An-
no 1702. pervenerunt ad meas ma-

A

nus

nūc alia Responsa, ad eadem XV.
Dilemmata, in Alma Prussiorum
Albertina Regio Montana Acade-
mia publicè in Auditorio majori
propugnata à M. Christophoro
Conrado Goerizio, quæ sanè sup-
ponebam (antequam eadem legis-
sem) plus salis habere, quàm prio-
ra illa Responsa *Timothei Philale-
thi*, sed cùm ea percurrissem, & exa-
ctiùs examinàssem, deprehendi ea-
dem vel nihil ad rem, vel nihil ad
propositum esse. Quæ duo licèt vi-
deantur idem sonare ac significare,
differant tamè inter se: Tunc enim
respondetur *nihil ad rem*, quando
respondetur contrarium rectæ re-
sponsioni, quæ dari deberet ad pro-
positam Quæstionem. Tunc verò
respondetur *nihil ad propositum*,
quando respondetur ad Quæstio-
nem propositam, id quod in se for-
tassis verum aut etiam bonum est,
sed

sed ad rem propositam omnino non pertinet. Exemplo sit Pædagogus examinans duos suos discipulos, & petens ab iisdem, ut dent exemplum in X. unus illorum respondet, & dat pro exemplo ad X. ut *Talpa*; alter locò responsi recitat aliquid ver. gr. ex *Pater noster*. Prior dicitur respondere *nihil ad rem*, alter *nihil ad propositum*: quia licet bonam rem recitet, sed ea ad questionem propositam à Pædago, nihil pertinet. Unde hæc Regios Montani Academici responsa merito intitulavi: *Lutheranicum nihil ad rem, nihil ad propositum*. Non repeto autem hîc ex integro illa XV. Dilemmata cum eadem repetierim in *Responsis non Responsis*, sed solum Questiones in illis contentas excerpo, & adversarij ad easdem responsiones adduco, easq; tanquàm ineptas & ludicras rejicio, & refuto, sit igitur: (A.) § I.



§ I.

Quæstiones ex primo Dilemmate.

IN hoc primo Dilemmate quærebam i. Utrum Religio seu Ecclesia Lutherana, aut Calviniana sit antiqua vel nova? Ad quam Quæstionem respondet Regio Montanus hic Academicus, *Religionis auctoritatem non esse tempore æstimandam, sed Numine, nec colere quâ die, sed quid cæperis, convenit intueri, inquit Arnobius lib. 7. contra Gentes.* Rejicio hanc illius responsionem. Primum ex eo, quia non respondet directè ad propositam Quæstionem Dilemmaticam, Ita, vel Non: sicut ad similes Quæstiones deberet responderi, sed per diversionem.

Secun-

Secundò. Quia hæc diversio *nihil facit ad propositum*. Non enim pono solam antiquitatem pro auctoritate Religionis, quis enim nescit antiquitate Gentilismum præcessisse multis Sæculis Christianismum, & ab Apostolis eidem prædicatum fuisse Evangelium, hoc est bonum nuncium, ab illo priùs nunquam auditum, de Christi vita, morte, ac cœlesti doctrina, atq; contra hos Gentiles valebat illa Arnobij instantia, sed meæ quæstionis vis in eo consistit, quòd cùm constet à Christo fuisse fundatam veram Ecclesiam, & per Apostolos propagatam per universum Orbem. Utrùm respectu hujus Ecclesiæ Veræ, à Christo fundatæ & ab Apostolis propagatæ, Ecclesia Lutherana, aut Calviniana sit Antiqua vel Nova? Et certè nemo nō dicet ex Christianis, alicujus doctrinæ, in Ecclesia

Christi Antiquitatem , maximæ
 esse authoritatis. Imò ab initio
 statim Ecclesiæ omnis nova doctri-
 na in rebus Fidei , Fidelibus erat
 suspecta , & pro falsa habita ; Sic
 & S. Paulus ad Roman. c. 16. v. 17.
*scribit : Observate eos , qui dissen-
 siones & offendicula , præter doctri-
 nam quam vos didicistis faciunt ,
 & declinate ab eis. Et i. ad Ti-
 moth. 6. v. 20. O Timothee deposi-
 tum custodi , devitans profanas vo-
 cum Novitates & oppositiones falsi
 nominis scientia. Et ad Hebr. 13.
 v. 9. Doctrinis varijs & peregrinis
 nolite abduci. Ac Tertullianus con-
 tra Marcionem lib. 4. cap. 4. Ego
 meum dico verum , Marcion suum ,
 quis inter nos judicabit nisi tempo-
 ris ratio , ei præscribens authorita-
 tem , quod antiquius reperitur , &
 ei præjudicans vitiationem , quod
 posterius revincitur. Ac tandem*
 S. Hic-

S. Hieronymus Epist. 63. cap. 3.
Cur post quadringentos annos docere nos nituntur, quod ante nescivimus? usque ad hanc horam (usque ad tempora Lutheri, hoc est usque ad annum 1517.) mundus Christianus, sinè hac doctrina fuit. Ita ille. Ergo autoritas doctrinæ Christianæ à longissimo tempore, etiam æstimanda est, quod & ipse Adversarius agnoscit, cùm potius elegerit dicere: Lutheranam Ecclesiam esse antiquam, quàm novam.

Sed urgeo Instantiam, querendo 2. Si est antiqua, ubi fuit ante Lutherum & Calvinum? Respondes. *Fuisse in medio Papatu & sub illo latitasse.* Rectius respondisses, si dixisses: eam fuisse in concavo Lunæ, aut in spatijs imaginarijs. Si enim in medio Papatu latitabat, quomodo vobis post tot sæcula innotuit, & illis, qui tempor

ijs vixerunt, ignota fuit. Et unde tu scis, quòd latitans illa sub Papatu Ecclesia fuerit / Lutherana & non potiùs Calviniana, aut Anabaptistica? Præstat proinde ut dicas, *te latere*, ubinam illa latuerit, quàm quòd in medio Papatu latuerit.

Quærebam 3. Quisnam vestram doctrinam ante Lutherum tenuerit aut docuerit? Respondes. *Omnes veri fideles sub Papatu: ut Israëlita sub tyrannide anhelantes*, Sed rursus quæro: quinam fuerint illi fideles, & peto mihi à te illos nominari ac designari. Deinde omnes Romanæ Ecclesiæ addicti tunc vocabantur fideles, qui certè non tenuerunt doctrinam Lutheri, Romanæ Ecclesiæ prorsus contrariam & oppositam; demùm non poteris assignare rationem quòd illi fideles fuerint Lutheri.

therani, & non potiùs Calvinistæ
vel Puritani, aut Anabaptistæ. Er-
go tua hæc Responsio nihil est ad
ad Rem.

Quærebam 4. Quis veterum
Scriptorum Ecclesiæ Lutheranæ
aut Calvinianæ meminerit? Re-
spondes. *Lege Catalogum Testium
veritatis, & inquisitionum lucer-
nas, videbisque innumeros.* Repo-
no: Legi omnino complures tales
Catalogos. Cujusmodi sunt: Illyrij
Flacci Catalogus, editus circa an-
num 1556. quem postea auxit Si-
mon Goulartius anno 1608. Item
Joannis Vuolfij, *Lectionum memo-
rabilium Centuriæ sedecim.* Et Li-
bellus Calvinisticus sub *Itinerarij*
titulo. Hos tamen clarè deprehen-
di non esse Catalogos Testium ve-
ritatis, sed falsitatis, & non inqui-
sitionem Lucernarum, sed menda-
ciorum tenebras, nec ullum ex ci-

tatis in illis reperi, qui omnia illa tenuisset aut docuisset, quæ Lutherus tenuit & docuit, aut quæ moderni Lutherani tenent ac docent, quod tamen requiritur, ad hoc ut quis Lutheranus dicatur; Et si ratio horum Catalogorum subsisteret, æquè ad illos posset referri, Arius, Mahometes, ac quicumque alij Hæresiarchæ.

Sic enim arguunt horum Catalogorum Authores: Justinus Martyr ex. gr. & Irenæus, Scripturam Sacram summè appretiabant. Hoc faciunt & Lutherani. Ergo S. Justinus & Irenæus fuerunt Lutherani. S. Gregorius M. arguebat malam vitam Sacerdotum. Hoc faciunt & Lutherani. Ergo S. Gregorius fuit Lutheranus. Subsumo, Mahometes tenuit unum dari Deum, hoc tenent & Lutherani. Ergo Mahometes fuit Lutheranus. Arius docuit
posse


posse errare Concilia Generalia, & ipso facto Nicænum Concilium errasse in sui condemnatione. Lutherani idem docent. Ergo Arius fuit Lutheranus. Quis non videt has pueriles esse consequentias? Ad hoc igitur ut Lutherani ostendant fuisse suam doctrinam ante Lutherum, deberent tales Doctores & Scriptores ostendere ac nominare, qui in omnibus articulis Fidei idem tenuissent ac docuissent, quod tenuit ac docuit Lutherus, ac tenent & credunt moderni Lutherani. Talem autem nullum omnino possunt adducere. Ergo succumbunt in proba.

Quærebam 5. Ubi Doctores ac Pastores habuerit Lutherana Ecclesia, si ea fuit ante Lutherum? Respondet. *Passim in Gallia, Italia, Germania, & alibi.* Audax sanè est hoc mendacium, meliùs dixisses eos fuisse in *Utopia*, hoc est nullibi

& nusquam. Nullum certè hujus
tui asserti & Responsionis poteris
adducere testem: ex nullis Anna-
libus Ecclesiasticis, vel Politicis Hi-
storicis id probare vales. Et cum
hæc propositio sit affirmativa, ar-
gumento positivo illam probare
debuisses, quod in æternum non
poteris præstare.

Quærebam 6. Ubi templa? ubi
exercitium publicum? ubi Admi-
nistrationes Sacramentorum, se-
cundùm suum Ritum habuerit Lu-
therana Religio ante Lutherum?
Ad hanc Quæstionem sic Respon-
des. *Malè te parietum amor cœpit,*
malè Ecclesiam Dei in parietibus
veneraris. Ego autem dico quòd
malè te dementia cœpit, quòd tam
ineptè respondeas. Siccinè respon-
dendum est ad interrogationem
ubi? Sed nec ego, aut ullus Ca-
tholicorum ponit Religionis essen-
tiam

tiam in paritibus & tectis ac ædificijs. Verùm Tempia sunt signa alicujus Communitatis & Congregationis Fidelium, in una Religione convenientis. Sed ne habeas difficultatem circa ædificia Templorum, peto à te, ut solùm aliquem certum locum mihi assignes, in quo subinde saltem, hi Fideles conveniebant, ad devotiones suas peragendas? si ve jam ille locus fuerit sylva, si ve vorago, si ve spelunca; neque hunc vales assignare, quia scilicet nullibi erat, neque ulli tales Fideles, qui ad doctrinam vestram audiendam convenissent, neque ullus Doctor aut Pastor, qui eam illis proponere potuisset. Ad alteram autem partem Quæstionis, nempe ubi habuerunt publicum exercitium, ubi Administrationem Sacramentorum secundum suum ritum? Nihil omnino respondes.



§ I.

Quæstiones ex primo Dilemmate.

IN hoc primo Dilemmate quærebam 1. Utrùm Religio seu Ecclesia Lutherana, aut Calviniana sit antiqua vel nova? Ad quam Quæstionem respondet Regio Montanus hic Academicus, *Religionis authoritatem non esse tempore astimandam, sed Numine, nec colere quâ die, sed quid cæperis, convenit intueri, inquit Arnobius lib. 7. contra Gentes.* Rejicio hanc illius responsionem. Primum ex eo, quia non respondet directè ad propositam Quæstionem Dilemmaticam, Ita, vel Non: sicut ad similes Quæstiones deberet responderi, sed per diversionem.

Secun-

Secundò. Quia hæc diversio *nihil facit ad propositum*. Non enim pono solam antiquitatem pro auctoritate Religionis, quis enim nescit antiquitate Gentilismum præcessisse multis Sæculis Christianismum, & ab Apostolis eidem prædicatum fuisse Evangelium, hoc est bonum nuncium, ab illo priùs nunquam auditum, de Christi vita, morte, ac cœlesti doctrina, atq; contra hos Gentiles valebat illa Arnobij instantia, sed meæ quæstionis vis in eo consistit, quòd cùm constet à Christo fuisse fundatam veram Ecclesiam, & per Apostolos propagatam per universum Orbem. Utrùm respectu hujus Ecclesiæ Veræ, à Christo fundatæ & ab Apostolis propagatæ, Ecclesia Lutherana, aut Calviniana sit Antiqua vel Nova? Et certè nemo nō dicet ex Christianis, alicujus doctrinæ, in Ecclesia

Christi Antiquitatem , maximæ
 esse authoritatis. Imò ab initio
 statim Ecclesiæ omnis nova doctri-
 na in rebus Fidei , Fidelibus erat
 suspecta , & pro falsa habita ; Sic
 & S. Paulus ad Roman. c. 16. v. 17.
*scribit : Observate eos , qui dissen-
 siones & offendicula , præter doctri-
 nam quam vos didicistis faciunt ,
 & declinate ab eis. Et 1. ad Ti-
 moth. 6. v. 20. O Timothee deposi-
 tum custodi , devitans profanas vo-
 cum Novitates & oppositiones falsi
 nominis scientia. Et ad Hebr. 13.
 v. 9. Doctrinis varijs & peregrinis
 nolite abduci. Ac Tertullianus con-
 tra Marcionem lib. 4. cap. 4. Ego
 meum dico verum , Marcion suum ,
 quis inter nos judicabit nisi tempo-
 ris ratio , ei præscribens authorita-
 tem , quod antiquius reperitur , &
 ei præjudicans vitiationem , quod
 posterius revincitur. Ac tandem*
 S. Hic-

S. Hieronymus Epist. 63. cap. 3.
Cur post quadringentos annos docere nos nituntur, quod ante nescivimus? usque ad hanc horam (usque ad tempora Lutheri, hoc est usque ad annum 1517.) mundus Christianus, sinè hac doctrina fuit. Ita ille. Ergo autoritas doctrinæ Christianæ à longissimo tempore, etiam æstimanda est, quod & ipse Adversarius agnoscit, cùm potius elegerit dicere: Lutheranam Ecclesiam esse antiquam, quàm novam.

Sed urgeo Instantiam, querendo 2. Si est antiqua, ubi fuit ante Lutherum & Calvinum? Respondes. *Fuisse in medio Papatu & sub illo latitasse.* Rectiùs respondisses, si dixisses: eam fuisse in concavo Lunæ, aut in spatijs imaginarijs. Si enim in medio Papatu latitabat, quomodo vobis post tot sæcula innotuit, & illis, qui temporibus

ijs vixerunt, ignota fuit. Et unde tu scis, quòd latitans illa sub Papatu Ecclesia fuerit / Lutherana & non potius Calviniana, aut Anabaptistica? Præstat proinde ut dicas, *te latere*, ubinam illa latuerit, quàm quòd in medio Papatu latuerit.

Quærebam 3. Quisnam vestram doctrinam ante Lutherum tenuerit aut docuerit? Respondes. *Omnes veri fideles sub Papatu: ut Israëlita sub tyrannide anhelantes.* Sed rursus quæro: quinam fuerint illi fideles, & peto mihi à te illos nominari ac designari. Deinde omnes Romanæ Ecclesiæ addicti tunc vocabantur fideles, qui certè non tenuerunt doctrinam Lutheri, Romanæ Ecclesiæ prorsus contrariam & oppositam; demùm non poteris assignare rationem quòd illi fideles fuerint Lutheri.

therani, & non potiùs Calvinistæ
vel Puritani, aut Anabaptistæ. Er-
go tua hæc Responsio nihil est ad
ad Rem.

Quærebam. 4. Quis veterum
Scriptorum Ecclesiæ Lutheranae
aut Calvinianæ meminerit? Re-
spondes. *Lege Catalogum Testium
veritatis, & inquisitionum lucer-
nas, videbisque innumeros.* Repo-
no: Legi omnino complures tales
Catalogos. Cujusmodi sunt: Illyrij
Flacci Catalogus, editus circa an-
num 1556. quem postea auxit Si-
mon Goulartius anno 1608. Item
Joannis Vuolfij, *Lectionum memo-
rabilium Centuriæ sedecim.* Et Li-
bellus Calvinisticus sub *Itinerarij*
titulo. Hos tamen clarè deprehen-
di non esse Catalogos Testium ve-
ritatis, sed falsitatis, & non inqui-
sitionem Lucernarum, sed menda-
ciorum tenebras, nec ullum ex ci-

catis in illis reperi, qui omnia illa tenuisset aut docuisset, quæ Lutherus tenuit & docuit, aut quæ moderni Lutherani tenent ac docent, quod tamen requiritur, ad hoc ut quis Lutheranus dicatur; Et si ratio horum Catalogorum subsisteret, æquè ad illos posset referri, Arius, Mahometes, ac quicumque alij Hæresiarchæ.

Sic enim arguunt horum Catalogorum Authores: Justinus Martyr ex. gr. & Irenæus, Scripturam Sacram summè appretiabant. Hoc faciunt & Lutherani. Ergo S. Justinus & Irenæus fuerunt Lutherani. S. Gregorius M. arguebat malam vitam Sacerdotum. Hoc faciunt & Lutherani. Ergo S. Gregorius fuit Lutheranus. Subsumo. Mahometes tenuit unum dari Deum, hoc tenent & Lutherani. Ergo Mahometes fuit Lutheranus. Arius docuit
posse

posse errare Concilia Generalia, & ipso facto Nicænum Concilium errasse in sui condemnatione. Lutherani idem docent. Ergo Arius fuit Lutheranus. Quis non videt has pueriles esse consequentias? Ad hoc igitur ut Lutherani ostendant fuisse suam doctrinam ante Lutherum, deberent tales Doctores & Scriptores ostendere ac nominare, qui in omnibus articulis Fidei idem tenuissent ac docuissent, quod tenuit ac docuit Lutherus, ac tenent & credunt moderni Lutherani. Talem autem nullum omnino possunt adducere. Ergo succumbunt in proba.

Quærebam 5: Ubi Doctores ac Pastores habuerit Lutherana Ecclesia, si ea fuit ante Lutherum? Respondet. *Passim in Gallia, Italia, Germania, & alibi.* Audax sanè est hoc mendacium, meliùs dixisses eos fuisse in *Utopia*, hoc est nullibi

& nusquam. Nullum certè hujus
tui asserti & Responsionis poteris
adducere testem: ex nullis Anna-
libus Ecclesiasticis, vel Politicis Hi-
storicis id probare vales. Et cum
hæc propositio sit affirmativa, ar-
gumento positivo illam probare
debuisses, quod in æternum non
poteris præstare.

Quærebam 6. Ubi templa? ubi
exercitium publicum? ubi Admi-
nistrationes Sacramentorum, se-
cundùm suum Ritum habuerit Lu-
therana Religio ante Lutherum?
Ad hanc Quæstionem sic Respon-
des. *Malè te parietum amor cœpit,*
malè Ecclesiam Dei in parietibus
veneraris. Ego autem dico quòd
malè te dementia cœpit, quòd tam
ineptè respondeas. Siccinè respon-
dendum est ad interrogationem
ubi? Sed nec ego, aut ullus Ca-
tholicorum ponit Religionis essen-
tiam

tiam in paritibus & tectis ac ædificijs. Verùm Tempia sunt signa alicujus Communitatis & Congregationis Fidelium, in una Religione convenientis. Sed ne habeas difficultatem circa ædificia Templorum, peto à te, ut solùm aliquem certum locum mihi assignes, in quo subinde saltem, hi Fideles conveniebant, ad devotiones suas peragendas? sive jam ille locus fuerit sylva sive vorago, sive spelunca; neque hunc vales assignare, quia scilicet nullibi erat, neque ulli tales Fideles, qui ad doctrinam vestram audiendam convenissent, neque ullus Doctor aut Pastor, qui eam illis proponere potuisset. Ad alteram autem partem Quæstionis, nempe ubi habuerunt publicum exercitium, ubi Administrationem Sacramentorum secundum suum ritum? Nihil omnino respondes.

Et certè præstat ut silentio has quæstiones prætereas, quàm ut nihil ad rem, & nihil ad propositum ad eas respondeas. Et sic cùm defacto estis Ubiquistæ, ante Lutherum fuistis Nullibistæ.

Quærebam 7. Si Lutherana Religio fuit ante Lutherum. Cur in articulis seu Decretis Sancti Stephani primi Christiani Regis Hungariæ, vel S. Ladislai Regis, vel antiquorum Regum Hungariæ nulla fiat illius mentio. Respondes.

Quia tunc parùm curabatur, imò Principes, Reges, ac Imperatores, Tyrannide Papali erant constricti. Parum dixisti, quando asseruisti, quòd parum tunc curabatur, dico ego quòd nihil curabatur, quia penitus ignorabatur, quod enim non est, nihil curatur. Quæ enim potest esse æstimatio illius, quod non est. Religio autem vestra tunc non fuit

fuit, ergo nihil curabatur. Imò
 nec defacto curatur, seu æstimatur,
 nisi à solis vobismetipsis. Catholici
 enim illam pro hæresi, eaque pes-
 simè consarcinata habent, & ab
 ipsis etiam Calvinistis, Anabapti-
 stis, & Arianis irridetur, & pro Si-
 mia Papistarum habetur, ita ut
 vestra Religio nec sit piscis, nec ca-
 ro, dum nec Catholicæ Fidei ad-
 hæretis, & tamen multa adhuc ex
 eadem retinetis. Et ut verum fa-
 tear, licèt omnes Hæreses abomi-
 ner, & erroneas, ac mendaces esse
 sciam, nullam tamen ex novis hu-
 jus, & prioris Sæculi Sectis, judi-
 co magis inconsequenter loqui,
 quàm vestram. Aliæ enim Sectæ
 ut Calviniana, Anabaptistica, &
 Ariana, magis quidem recedunt à
 vera Christi Ecclesia, quàm vos, sed
 tamen magis consequenter men-
 tiuntur, vestra autem Religio, pla-
 nè

nè inconnexissimè mentitur. Illæ
 siquidem ex eodem vestro ac illo-
 rum principio universali, multas
 illationes & consequentias legiti-
 mè illatas inferunt, tenent ac do-
 cent, vos autem admissio eodem
 principio, propositiones & illatio-
 nes, quæ necessariò ex illo sequun-
 tur impudentissimè negatis. Exem-
 plo sit: vestrum ac aliarum modera-
 narum Sectarum universale prin-
 cipium est, *Nihil esse tenendum
 aut credendum, nisi quod est in Scri-
 ptura Sacra clarè expressum.* Hæc
 propositio cùm sit Universalis Ne-
 gativa, necessariò excludit omnes
 particulares affirmativas. Summa
 siquidem & formalis contradictio
 est: Inter universalem negativam
 & particularem affirmativam. Et
 juxta Dialecticorum Regulam: *Di-
 ci de omni, & dici de nullo, si U-
 niversalis Negativa est vera, nulla parti-*

particularis affirmativa propositio
 potest esse vera. Jam ex dicto prin-
 cipio universalis: *Quòd nihil sit te-
 nendum & credendum, nisi quod
 est clarè expressum in Scriptura Sa-
 cra.* Calvinistæ bene inferunt. Er-
 go Festa Sanctorum non sunt cele-
 branda, quia hoc nullibi est clarè
 in Scriptura expressum. Anabapti-
 stæ bene inferunt: Ergo infantes
 non sunt baptizandi, quia hoc in
 Scriptura Sacra nullibi est clarè ex-
 pressum. Ariani non credunt, quòd
 in Divinis Filius æqualis sit Patri,
 quia hoc in Scriptura Sacra nulli-
 bi est clarè expressum. Hæ enim il-
 lationes omnes sunt bonæ, ex sup-
 positione quòd illa universalis ne-
 gativa est vera. Vos autem & Fe-
 sta Sanctorum celebratis, & infan-
 tes baptizatis, & Filium in Divinis
 esse æqualem Patri creditis. Ergo
ve! Universalis illa Negativa, nempe:
Quòd

Quòd nihil sit tenendum aut credendum, nisi quod est clarè in Scriptura Sacra expressum. Est falsa. Vel has illationes debetis admittere; aut si has negatis, negare debetis & Propositionem illam Universalem Negativam.

Deinde altera pars Responsionis tuæ ad hanc Quæstionem, dum inquis: *Quia tunc ipsi Principes, Reges & Imperatores Tyrannide Papali erant constricti. Quid aliud significat, quàm quòd tunc omnes Principes, Reges ac Imperatores, & consequenter omnes subditi ac populi eorum fuerint Romano, Catholici. Ergo tunc nullibi erant Lutherani.*

Demùm calumniosè convitiaris, dum hanc subordinationem Principum, Regum ac Imperatorum in Rebus Spiritualibus vocas Tyrannidem. Hoc enim convenientissimum est, ut omnia membra

bra sint sub uno capite, ut sic juxta doctrinam S. Pauli 1. Cor. 12. v. 2. *Multa quidem membra unum corpus efficiant.* Et certè præstat corpus habere cum capite, quàm acephalum & sinè capite, vel cum multis capitibus, qualis est vestra Ecclesia, quæ nullum caput agnoscit, & ideo in articulis Fidei, tot inter vos sunt opiniones, quot capita, & tot capita quot homines.

Quærebam 8. Cur primò sub Ludovico II. Rege Hungariæ, in articulis Regni, Anni 1523. fiat Lutheranæ Religionis mentio, quando ut novitia, & antecederet prorsus incognita, in Generalibus Regni Comitijis, proscripta fuit? Respondes. *Quia illud Papatûs Tyrannis effecit, quæ veritatem Evangelicam sole clariorem ferre non potuit.* Rectè mentitus es in caput tuum. Ergo hæc lux Evangelica

lica Sole clarior (scilicet) non illuxit Hungariæ ante Annum 1523. Ergo verum est id , quod in articulo illo Regni declaratur : quod sit novitia , & antecederet prorsus incognita. Ergo hæc aurora lucida , non est exorta per tot Sæcula ? Ergo prius non fuit in Hungaria ? Sed neque in Germania , aut alibi ante Annum 1517. seu ante Lutherum. Verè in hanc finitiâ lucem quadrat illud Isaia 5. v. 20. *Ponentes tenebras lucem, & lucem in tenebras.* Et ibidem v. 30. *Lux quæ obtenebrata est in caligine sua.*

Quærebam 9. Cur Lutherana Religionis liberum exercitium primò à Matthia II. Rege Anno 1606. expetitur , si non potiùs extortum fuerit ? Respondes. *Quoniam (inquis) veritatis efficacia falsitatis violentiam vicit.* Sed miser , fortassis

tassis ignoras, quòd non rationum
 momentis, & veritatis examine,
 hoc exercitium liberum Luthera-
 næ Ecclesiæ in Hungaria impetra-
 tum fuit? verùm metu Rebellio-
 nis quæ innata est Hæresibus, &
 occasione tumultuum, qui tunc
 exorti fuerant. nec cum consensu
 omnium Regnicolarum, utpotè
 cui contradixit totus Status Ec-
 clesiasticus, & Catholici alij omnes,
 insuper permissum fuit certis dun-
 taxat sub conditionibus, & limita-
 tionibus, & ne id cum aliquo præ-
 judicio Catholicæ Religionis fiat,
 quas tamen conditiones vos mi-
 nimè observâstis: contractus autem
 vel Privilegium sub conditioni-
 bus datum, ijs non servatis ab eo
 cui datur, nullum est, & dantem
 seu concedentem non obligat. Er-
 go exercitium liberum Religionis
 Lutheranz, non est liberaliter con-
 cessum

cessum sed extortum, reluctantē etiam ipsā conscientiā Regis Matthiæ II. Unde is postmodum factus Rex Bohemiæ, ac Germaniæ, sæpè ingemiscens, dicebat: nullam sibi graviores Coronam esse quàm Hungariæ, eò quòd aliæ Coronæ solum caput premerent, hæc autem etiam conscientiam, ob indultum datum Lutheranis habendi publicum novæ suæ Religionis exercitium.

Deinde quæro, quænam sit illa tanta efficacia veritatis Religionis Lutheraniæ, quàm in hac responsione adducis? Cùm S. Joannes Apostolus 1. suâ Epistolâ cap. 2. v. 4 dicat: *Qui dicit se nôsse (Deum,) & mandata ejus non custodit, mendax est, & in hoc veritas non est.* Lutherani autem non tantùm non custodiunt mandata Dei, sed dicunt ea, nec quidem posse ea à se custodire.

stodiri. Ergo in Religione Luthe-
rana non est veritas (taceo effica-
cia veritatis) sed grande menda-
cium.

Postremò ad alteram partem mei
Dilemmatis, quæ fuit : *Sin verò
est nova?* Ergo non fuit à Christo
instituta ante annos mille quin-
gentos, non audes negare hanc il-
lationem, sed solùm in vertis meam
propositionem, dicendo : *Non est
nova, sed à Christo instituta, ab
Apostolis propagata.* Et nec verbu-
lo quidem probas, hanc tuam pro-
positionem. Ego autem vicissim
hanc tuam propositionem in verto.
Est nova, non est à Christo insti-
tuta, nec ab Apostolis propagata,
sed à Luthero deformata, ac con-
spurcata. Et singulas partes meæ
propositionis sic probo. *Est nova.*
Quia nullibi & nusquam fuit in
rerum natura, ante Annum 1517.
vel

vel ostendatur ubi fuerit? quando
 fuerit? quis doctrinam illius te-
 nuerit & docuerit? *Non est à Chri-
 sto instituta.* Quia Ecclesia à Chri-
 sto instituta est Lucerna, quæ non
 sub modio sed super candelabrum
 posita est. est Civitas supra montem
 collocata, quæ abscondi non po-
 test. est in petra fundata, quæ de-
 ficere non potest. adeoque visibi-
 lis & indefectibilis. Lutherana au-
 tem Ecclesia juxta ipsorummet do-
 ctrinam fuit abscondita, occulta,
 invisibilis, potens deficere & erra-
 re in Fide. Ergo. Tertiò. *Non est ab
 Apostolis propagata.* Quia Ecclesiæ
 ab Apostolis propagatæ, Deus de-
 dit, Pastores, ac Doctores ad consu-
 mationem Sanctorum in edificatio-
 nem Corporis Christi, donec occur-
 ramus omnes, &c. id est usque ad
 diem Judicij universalis. Ad E-
 phes. 4. v. 12. *Prædicabitur in uni-
 verso*

verso Orbe, in Testimonium. omnibus Gentibus. Matth. 24. v. 30. Lutherana verò Ecclesia non habet hanc successionem Pastorum, & Doctorum, nullos enim suos Pastores aut Doctores deducere possunt Lutherani à temporibus Apostolorum usque ad tempus Lutheri; illius doctrina non est prædicata in universo Orbe, sed tantum in aliquibus partibus Europæ, nec omnibus Gentibus, sed solum Germanicæ Nationi, nec pervenit ad ultimum Terræ, sed duntaxat ad vicinas aliquas Provincias Germaniæ. Quartò *Non est Reformata à Luthero, sed deformata & conspurcata.* Sustulit siquidem Lutherus ex sua Ecclesia bonorum operum & virtutum Christianarum exercitium: sustulit observationem Legis Divinæ: sustulit Dei timorem: sustulit continentiam, Vir-

ginitatem & castitatem : induxit
 licentiam ad omnia scelera, & pec-
 cata, &c. Ergo Responsiones tuæ
 ad Quæstiones hujus Dilemmatis,
 nihil sunt ad rem, nihil ad pro-
 positum.

§ II.

Quæstiones in Dilemmate Se- cundo.

IN Secundo Dilemmate Quæ-
 rebam 1. Utrum tam Luthera-
 ni, quam Calvinistæ in Hungaria
 Evangelici sint dicendi vel non ?
 Si ita, Quomodo igitur contrarias
 & oppositas inter se opiniones cir-
 ca articulos Fidei tenent, & adin-
 vicem se gravissimorum errorum
 condemnant? Sic enim utraque Re-
 ligio conformis Evangelio esse non
 potest, adeoque nec utrique qui
 eas amplectuntur dici Evangelici,
 Evangelium siquidem sibi non con-
 tradi-

tradicit. Respondes. *Reformati* (quos ego Calvinistas voco) habent ætatem, idcirco pro se loquantur. Verum Calvinistæ idem dicere æquali jure possunt: Lutherani habent ætatem, idcirco loquantur pro se. Ego autem sic urgeo argumentum: Evangelici sunt illi dicendi, quorum Doctrina est conformis Evangelio, sed utriusque hujus Religionis doctrina non est conformis Evangelio: Ergo utraque hæc Religio non potest dici Evangelica. Minorem probo. Quia duæ doctrinæ contradictoriæ non possunt esse conformes uni eidemq; Evangelio, sicut duo inter se inæqualia, non possunt æqualia esse uni tertio. Sed doctrina Lutherana & Calviniana Religionis in multis est sibi contraria, imò & contradictoria. Ergo utraq; hæc Religio non est conformis Evangelio, Ergo utraque non po-

est dici Evangelica. Ergo utraque non potest constituere unum Statum Evangelicum.

Quærebam 2. Cum utraq; hæc Religio non possit dici Evangelica, cur soli Lutherani appropriant sibi nomen Evangelicorum? Petiitq; & peto hujus rationem iteratò à Lutheranis, sed talem quæ solis Lutheranis convenit, & non etiã Calvinistis, & quam Calvinistæ non possint sibi æquè ac suæ doctrinæ applicare ac Lutherani. Respondes, & das istam hujus rei rationem. *Quia consensus cum Evangelio Lutheranos Evangelicos facit.* Bone vir, estne hæc ratio talis, quam æquali jure non possint applicare pro sua doctrina Calvinistæ? Illi enim idem dicere possunt æquali jure: *Quia consensus cum Evangelio, Calvinistas Evangelicos facit.* Ergo hæc tua Responsio, ad præ-

præsentem quæstionem, iterum
nihil est ad rem.

Quærebam 3. Cur cum contra-
rias inter se doctrinas Fidei teneant,
utrique sub uno nomine Statûs E-
vangelici comprehendi {volunt?
Respondes. *Quia Entia Statuum*
præter necessitatem multiplicare no-
luerunt. Sed quæro iterum, cur er-
go Anabaptistas, & Arianos sub
nomine Statûs Evangelici non vo-
luerunt esse comprehensos? Hi
enim pariter dicunt doctrinam
suam Evangelio esse conformem?
Et peto à vobis rationem, cur hi
debeant excludi à nomine Statûs
Evangelici? & soli Lutherani &
Calvinistæ in eo includi? Quæro
insuper. Cùm Entia Statuum præ-
ter necessitatem multiplicari non
debeant. Cur istum Statum quin-
tum, Evangelicum scilicet super-
induxistis (& quidem tanto cum

tumultu :) quatuor antiquis Statibus Regni nempe: Ecclesiastico, Magnatum, Nobilium & Civitatum Liberarum? Certe nulla fuit huius quinti Status necessitas, & est quinta rota in curru. Tot siquidem Sæculis stetit & florebat Hungaria sine hoc quinto Statu, & subsequentibus temporibus expertum est Regnum magno suo malo, quantum sibi tam in Comitibus Generalibus, quam in administrandis negotiis publicis incommodaverit. Deinde subungebam: Quod hic quidem ipse Status Evangelicus nec quidem de nomine priscis temporibus in Hungaria notus fuit, nec unquam inter Status computatus, sed primò priori Sæculo è latebris emerferit, igitur est novus, & consequenter & Religiones ex quibus conflatur, sunt novæ, adeoque ab ipso Christo minimè institutæ.

tutz, Respondes. *Stultum est cum de re constat, litigare de nomine*
 Repono & peto à te mihi ostendi, quòd in re aliquando extiterit hic Status Evangelicus ante decimum sextum Sæculum in Hungaria? Pervolve quæso totum Corpus Juris Hungarici, Annales & Historias Hungariæ revolve, scrutare omnia antiqua literalia instrumenta, quæ in Archivijis conservantur, & nec quidem vestigium invenies, quòd aliquando in rerum natura, ante decimum sextum Sæculum fuerit hic Status Evangelicus.

Ne tamen nihil dixisse videaris, ad illa mea verba, quæ in hac parte Dilemmatis addidi: quòd primo Sæculo priori, hic quintus Evangelicus Status è latebris emergerit? Sic exclamas: *Cadaverosa consequentia? Navis etiam antiqua è fluctibus emerfit, Ergo erit nova?* Verum

cum hæc tua Stentoria exclamatio,
 nihil est ad rem, & instantia tua
 ab antiqua navi, nihil est ad pro-
 positum, debuisses enim prius pro-
 bâsse, quod hic Status Evangeli-
 cus, antiquitus fuerit in Hungaria,
 & quod prioribus etiam tempori-
 bus extiterit, & postea depressus
 fuerit, & tunc valuisset aliquid,
 tua à Navi instantia. Hoc autem o-
 stendere non poteris. Ergo imme-
 ritò illatam à me consequentiam,
 vocas *cadaverosam*. Assumo igitur
 aliam instantiam: Fungus in vere
 emerfit è terra, qui prius à nullo
 fuit visus esto diligenter exquisi-
 tus. Nonnè bene infero? Ergo hic
 fungus primò è terra emerfit. Ergo
 etiam bene infero: Hic quintus
 Status Evangelicus, ante initium
 prioris Sæculi, à nullo est visus
 vel cognitus, & nec quidem per
 famam fuit ulli notus. Ergo de no-
 vo so-

vo solum priori Sæculo è latebris emerit. Atque hæc instantia à Fungo demonstrat, quòd tuum esugium ad instantiam à Navi nec fungum valeat.

§ III.

Quæstiones ex Dilemmate Tertio.

IN hoc Dilemmate Quærebam
 1. Hungari, & Pannonæ tempore S. Stephani Regis, conversi ad Christi Fidem, vel sunt conversi ad veram Christi Fidem, vel non? Respondes. *Aliquos ex ijs conversos fuisse ad veram Fidem, aliquos ad falsam, & illos dicis conversos ad veram Fidem, qui Baptismo initiati Sacram Scripturam receperunt & in merito Christi unico sperantes ex hac vita decesserunt; perversos autem illos fuisse, qui Idololatriam Pontificiam Gentili de-*

teriori suscepunt. Examinemus
 paulisper hanc tuam stramineam,
 ineptam, calumniolam, & *nihil ad*
rem responsionem. Ut igitur meæ
 quæstionis legitimus sensus, & tuæ
 responsionis inefficacia pateat, prius
 videndum est, quæ & qualisnam
 illa Fides ac Religio fuerit, ad quam
 conversus est S. Stephanus Rex, &
 Hungari ac Pannonæ Regnicolæ.
 Id autem plenius scire non possu-
 mus, quam ex vita & rebus ge-
 stis S. Regis Stephani, vitam autem
 & res gestas illius non aliunde me-
 litus, quam ex Scriptoribus & Chro-
 nologis, & ex his nonnullis Syn-
 chronicis seu talibus, qui eidem
 convixerunt, aut saltem illo tem-
 pore de ijs scripserunt, dum ad-
 huc recens earum esset memoria,
 & de ijsdem oculati testes atte-
 stari poterant. Ex his igitur con-
 stat S. Stephanum Regem Ritu Ro-
 mano

mano, Catholico fuisse baptizatum, in Fide eadem à Sacerdotibus & Religiosis Romano-Catholicis educatum ac instructum, cum pluribus alijs Proceribus, ab eodem evocatos fuisse undique varios Religiosos & Monachos, ad conversionem populorum sibi subjectionum: Decem item Episcopatus Catholicos, ab eodem fuisse fundatos, eundem Regiam Coronam à Romano Pontifice impetrâsse & accepisse, multa Monasteria Religiosorum ab eodem exstructa fuisse, Sanctorum Reliquias Româ expetiisse, Romanum Pontificem pro capite Ecclesiæ agnovisse: ac ab eodem benedictionem & confirmationem Episcopatum à se fundatorum obtinuisse: statuisse, nullus in Regem Hungariæ assumetur nisi sit Catholicus, severas Leges in prævaricantes Pergeperat

Ecclesiæ constituisse, inter Sacerdotum Catholicorum & Religiosorum manus piè obijisse, percepto prius Extremæ Unctionis Sacramento, more & Ritu Catholico, ac præmissâ Confessione Sacramentali factâ Sacerdoti, & post eam Viaticum seu Corpus, & Sanguinem Christi in Eucharistia sub una specie duntaxat sumpsisse, ac Regnum Hungariæ Beatissimæ Virginis patrocinio commendâsse. Ex quibus omnibus Sole meridiano clariùs est, eundem in Fide Romano-Catholica vixisse & mortuum fuisse. Talis autem Religio, qualem tu fingis, quam dicis præcisè in eo constituisse, ut quis sit baptizatus, & Sacram Scripturam recipiat, ac in merito Christi unico (& nihil interim boni agat, nullâque peccata ac scelera caveat) spem certissimam salutis suæ ponat,

nat, tunc temporis nulla omnino,
 & nullibi fuit. Equidem etiam Ro-
 mano-Catholici requirunt ad sa-
 lutem suam, tanquam primaria
 fundamenta, merita Christi, requi-
 runt & Fidem Divinam, quæ soli
 revelationi Divinæ innititur, re-
 quirunt & Baptismum, sed præter
 hæc etiam alia quæ in Scriptura
 Sacra, tanquam media necessaria
 nobis commendantur, cujusmodi
 sunt: 1. Observatio Legis Divinæ,
 juxta illud Christi Domini: *Si vultis
 ad vitam ingredi, serva mandata.*
 March. 19. Requirunt & Pœnitentiam,
 ex ejusdem Christi doctrina:
*Nisi pœnitentiam egeritis, omnes si-
 militer peribitis.* Lucæ 13. v. 30. Et
 S. Petri: *Pœnitentiam agite.* Acto-
 rum 2. v. 28. Requirunt, ut qui
 vult salvus fieri, caveat omnia pec-
 cata mortalia, juxta doctrinam S.
 Pauli 1. ad Corinth. 6. v. 9. & 10.

Nolite errare, neque fornicarij, neque idolis servientes, neque adulteri, neque molles, neque masculorum concubitores, neque fures, neque avari, neque ebriosi, neque maledici, neque rapaces, Regnum Dei possidebunt. Requiritur etiam exercitia bonorum operum, juxta doctrinam S. Petri I. v. 10. Satagite, ut per bona opera, certam vestram vocationem faciatis. Et hæc fuit semper doctrina veræ Christi Ecclesiæ, & quam semper tenuit, & nunc quoque tenet Ecclesia Romano-Catholica. Manet igitur mea quæstio insoluta. Videlicet: utrum S. Rex Stephanus, & Hungari ac Pannoniæ amplectendo Fidem Romano-Catholicam & ex paganismò ad eam conversi, sint conversi ad veram Christi Fidem, vel non? Si ita. Infero: Ergo Fides Romana-Catholica, est vera Fides Christiana.

Si

Si non ? Ergo veræ sunt meæ illationes, Nempè: Ergo Conversio Hungariæ ad Christi Fidem, non debet computari à 700. annis, sed solum à centum & aliquot annis, quando scilicet Lutheranismus & Calvinismus clanculariè & furtim subintravit Hungariam. Ergo omnes Prædecessores & Progenitores nostri Christiani, per conversionem à Paganismo ad Christi Fidem, & per perseverantiam in illa fuerunt decepti. Ergo omnes damnati.

Ad has illationes respondes valde frigide. Et primam illationem ais *Non bene procedere*. Probo itaque eam optimè procedere. Certum siquidem est, Hungaros & Pannonos aliquando ex Paganismo conversos esse ad Christi Fidem veram. Sed juxta te non sunt conversi ad veram Christi Fidem tempore

pore S. Stephani Regis, qui hanc
 Conversionem instituit, circa An-
 num Christi millesimum, inchoa-
 tive. Ergo Conversio Hungariæ
 ex Paganismo ad veram Christi Fi-
 dem non debet computari à 700.
 annis. Modificas dein tuam insul-
 sam responsionem dicendo: *Qua-*
si vero non indiguerit ulteriori in
posteris reformatione? Verùm hæc
 tuâ modificatione ostendis te nec
 hoc quidem scire, quid nominis
 & rei sit Reformatio. Reformatio
 igitur alicujus rei, est idem, ac ad
 primam & pristinam formam ejus-
 dem reductio. Cùm igitur prima
 forma Conversionis Hungariæ fue-
 rit Religio Romano-Catholica,
 debuisset ad eam iterum per refor-
 mationem reduci, si ab ea in ali-
 quo defecisset. Quod certè vos
 Lutherani & Calvinistæ non faci-
 tis, quin potius eandem (licèt in-
 cassum)

castum)evertere conamini. Ergo non Reformatores, sed deformatores Religionis estis.

Ad secundam meam illationem nempe. Ergo omnes Prædecessores & Progenitores nostri Christiani, sunt decepti per conversionem ex Paganismo ad Fidem Christi, & per perseverantiam in illa (si illa Fides ad quam sunt conversi, non fuit vera Christi Fides) nihil penitus respondes, sed neque habes quod obgannias.

Ad tertiam verò. Ergo omnes sunt damnati, Respondes, negando. *Si in Fide & in merito Christi recumbentes placide obdormiverunt, adeoque Fide suâ sunt salvati, Justus enim ex Fide vivit.* Hebr. 10. v. 38. Sed iterum nihil ad propositum. Quæstio enim fuit, de ijs qui in Fide quidem & merito Christi recumbentes placide
in

in Domino obdormiverunt, atque in Fide sua, sed non mortua, verum charitate perfectâ, seu observatione mandatorum Dei, fugâ peccatorum, pœnitentiâ, & alijs bonis operibus, ex gratia Dei, & meritis Christi factis, seu in Fide Romano-Catholica, & illius fidei observatione vixerant & mortui sunt. Ac de his quoque fuit illa illatio. Ergo omnes damnati sunt, si illorum Fides non erat vera Christi Fides. Ad illud quod addis ex Scriptura: *Iustus ex Fide vivit*, verissimum id esse, sed non ex sola Fide. Nam juxta S. Paulum Apostolum: *Etiam si quis talem Fidem habeat ut montes transferat, charitatem autem non habeat, nihil est.* 1. ad Corinth. 13. v. 2.

Urgebam dein, quòd hæc Conversio Hungariæ ad veram Christi Fidem, non possit prudenter referri

ferri ab adversarijs ad tempora illa, quibus Lutheranismus & Calvinismus subintrârunt Hungariam. Siquidem ab eo tempore tanta subingressa est impietas in Hungariam, tanta scelera, tanta maledicta & perjuria, tales execrationes, & blasphemiz, quales prius in Hungaria nunquam fuerunt auditæ, adeò ut non conversio Gentis, sed perversio, hæc mutatio sit dicenda. Ergo. Ad hæc respondes: *ineptissima sequella? Quasi verò ubi Deus edificat, non diabolus itidem coedificare & scandala serere posset.* Ego autem clarè ostendo aptissimam esse à me illatam sequellam, & accipio pro medio termino meæ probationis Verba illa Christi Matt. 7. *Attendite à falsis prophetis, qui ad vos veniunt in vestibus ovium,* (nempè in densissima Sacrarum Scripturarum citatione, & nihil aliud

aliud in ore habentes,quàm Evan-
gelij prædicationem) *intrinsecus
autem sunt lupi rapaces* (viam ad
omnia vitia & scelera laxantes)
ex fructibus eorum cognoscetis eos.
Nunquid colligunt de spinis u-
vas, aut de tribulis ficus? *Mala e-
nim arbor non poterit bonos fructus
facere.* Hæc autem impietas, hæc
tanta scelera, talia maledicta &
perjuria, tales execrationes & blas-
phemix, sunt fructus vestræ do-
ctrinæ, qui docetis præcepta Dei
observari non posse; propter nul-
lum peccatum damnari hominem,
nisi propter infidelitatem; bona
opera non esse necessaria & utilia
ad salutem, sed sufficere solam Fi-
dem, omnia peccata esse æqualia,
ac consequenter peccatum blas-
phemix non esse majus peccatum,
quàm unum verbum otiosum. his
enim & alijs similibus doctrinis,

si quis sit imbutus, quid mirum!
 si ruat in tanta scelera? Non erat
 ergo opus, ut recurreres ad illam
 exceptionem: *Quasi verò ubi Deus*
adificat, non diabolus itidem coadi-
ficare & scandala serere posset.
 Hæc siquidem scandala immediatè,
 & per se, ex vestra doctrina conse-
 quuntur. Non igitur vestra Ecclesia
 est à Deo adificata. *Quia qui fa-*
cit peccatum, ex diabolo est. 1. Joan-
 nis 3. v. 8. Ergo & doctrina illa
 ex qua sequuntur tanta peccata,
 non est à Deo inspirata, sed à dia-
 bolo suggesta.

Altera pars hujus Dilemmatis
 mei fuit. Si *ita*, hoc est: Si Hun-
 gari, & Pannonæ, ex Paganismo
 conversi sunt ad veram Christi Fi-
 dem, cùm hæc non fuerit alia:
 quàm Romano-Catholica. Intuli:
 Ergo hæc sola est vera Fides, &
 Salvifica. Ad hanc ultimam illatio-
 nem

nem sic Sarcasticè respondes. *Fuscus ex arena? Nonne perfida Romana Ecclesia impuris manibus, verbum Dei incorruptibile, illud semen spargere potuit? Nonne etiam apostatica, idololatrica, falsa & meretricia Ecclesia, veros vero Deo generavit filios? Ezech. 16. v. 21. Nonne Antichristus Papa Romanus sedebit in Templo Dei? 2. Thess. 2. v. 4. Qualis quæso est hæc tua responsio? Certè non Doctoralis, non Magistralis, indigna Academico Regio-Montano Auditorio. Nihil faciens ad rem, nihil ad propositum, pugnus ad oculum, mendax, & calumniosa, ac anilis, vetularum siquidem proprium est, cum conviciæ respondere non possunt, ad calumnias & convitia contugere. Et apud me evidens argumentum est, quòd quando quis respondens devenit ad sarcasmos, & calumnias,*

quòd

quòd deficiat in proba & argu-
 mento, & hoc ipso ostendat se ex-
 cussum esse ex argumento, vel de-
 ficere in responsione, ac convi-
 ctum esse. Contemno igitur tuas
 in hac responsione calumnias, ca-
 num siquidem latratus non pertine-
 gunt ad cœlum. Illud tamen mi-
 ror, quòd cum dicas argumentum
 meum esse *Funiculum ex arena*,
 non scias, nec valeas illud dissol-
 vere, directè & in forma ad illud
 respondendo. Igitur idem argu-
 mentum tibi iterum & clariùs in
 forma sic propono: Illa Fides est
 vera & salvifica, in qua salvantur
 & salvari possunt Fideles eandem
 profitentes, & secundùm doctri-
 nam illius viventes. Antecessores
 & Progenitores nostri salvari sunt
 in Fide Romano-Catholica, ean-
 dem profitentes. & secundùm do-
 ctrinam illius viventes. Ergo Fides
 Ro.

Romano, Catholica est vera Fides & salvifica. Majorem concedere debes. Quia omnes qui salvantur placent Deo, sinè vera Fide autem est impossibile placere Deo. Ergo qui salvantur debent esse in vera Fide. Minorem verò negare non potes, quia aliàs altera pars mei Dilemmatis, nimirum. Ergo omnes nostri Antecessores, & Progenitores qui vixerunt in Fide Romano, Catholica à temporibus S. Regis Stephani, usque ad Lutheranismi inductionem in Hungariã sunt damnati, esset vera, quam tamen tu universaliter concedere non audes. Consequentiam igitur hanc: Ergo Fides Romano, Catholica est vera, & salvifica, admittere debes, nisi planè pertinacem & imprudentem te esse fatearis, aut si eam negaveris, baculo non argumento tibi probandam esse ostenderis. Jam
sub-

subsumo. Sed si Fides Romanorum Catholica est vera Fides, & salvifica, ergo sola illa est vera & salvifica. Ergo omnes aliae Sectae, ab ea in doctrina Fidei dissentientes sunt falsae. Quia sicut unus est Deus verus, adeoque solus, ita una Fides est vera & salvifica, adeoque sola, juxta illud testimonium Scripturae Sacrae: *Unus Deus, una Fides, unus Baptismus.* ad Ephes. 4. v. 5. Non igitur hoc meum argumentum est funiculus ex arena, sed funiculus triplex, quem tu dissolvere non vales.

§ LV.

Quaestiones ex Quarto Dilemmate.

IN hoc Dilemmate querebam
 1. Vel aliqui salvari possunt &
 salvati sunt in Fide Romano-Ca-
 C tholi-

tholica, vel non? Respondes. *Nullos salvari posse in Fide hodierna Romana Ecclesia Antichristiana. constat ex Apocal. 14. v. 5. In qua responsione graviter in multis peccas. Et primo quidem, vestram circa articulos Fidei, maximam diffensionem prodis. Sæpius audivi proponi, & frequenter ego quoq; proposui multis Lutheranis etiam prædicantibus hanc quæstionem, qui responderunt se non condemnare æternæ damnationis etiam modernæ Fidei Romano-Catholicæ Sectatores. Eandem quæstionem proposuit Henricus IV. Rex Navarræ, & postea Galliarum, suis Prædicantibus Hugonotis & quidem plurimis in unum convenientibus, qui unanimiter dixerunt omnes: posse illum etiam in Fide moderna Romano-Catholica salvari: qui etiam postmodum Ro-*

mano

mano, Catholicam amplexus est.

Peccas 2. in eadem responsione, dum addis *moderna* Romanæ Ecclesiæ. Moderna siquidem Ecclesia eadem est, quæ fuit ante Lutherum, quæ fuit ante 6. 7. 8. Sæcula, quæ fuit ante mille annos, quæ fuit primis quinque sæculis, & nobis satis esset, si velletis amplecti ea, quæ antiqua Romana Ecclesia tenuit ac docuit.

Peccas 3. Quia textus ille, quem citas ex Apocalypsi, nihil ad propositum est. Romano-Catholici siquidem, nec Bestiam illam Apocalypticam, & nec Pontificem Romanum adorant (sed solum Deum) neque adorant imaginem Romani Pontificis, nec accipiunt characterem nominis ejus. Nam quod Papistæ vel Pontificij nunc vocemur, vos ex innata vobis petulantia hoc nomen nobis imposui-

Ca

stis,

tis , (quamvis hanc denominationem non ægrè feramus , fate-
mur siquidem nos ejusdem Fidei
esse , cujus erant Papæ , & omnes
Pontifices Romani à S. Petro usque
ad modernum Pontificem Clemen-
tem XI.) Prius enim non aliter
quàm Catholici vocabamur , &
sicut ensis & gladius eandem rem
omnino significant , ita idem erat
aliquem dicere esse Romanæ Fidei,
ac esse Catholicæ Fidei.

Peccas 4. Quia falso fundamen-
to niteris cùm ex illo textu , pro-
bare , aut saltem supponere vide-
ris, Romanum Pontificem esse An-
tichristum , quam quidem falsita-
tem nunc non attingo , utpotè quæ
jam ab alijs toties refutata , & pe-
nitùs devicta ac expugnata est.
Sed tantùm hoc addo : Quòd An-
tichristus sit futurus , una dunta-
xat & singularis persona , ut ex
Scri-

Scripturarum Sacrarum contextu clarissimè patet, non verò tot personæ, quot jam fuerunt Romani Pontifices longè plures quàm 330.

Peccas s. Contra bonam Politiam, dum Ecclesiam Romanam hodiernam, vocas antichristianam. Ergo ne Augustissimus Imperator antichristianus est? Augustus Rex Germaniæ & Hungariæ Antichristianus? qui tanta gessere bella, contra naturalem Christianitatis hostem, antichristiani? merereris. certè ob hoc tuum responsum rusticum: tractari ut rusticus, & propter tam crassam irreverentiam, tantarum Majestatum, puniri per carnificem, ob crimen læsæ Majestatis commissum. Et tu miser homo, ventri, carni, & sanguini deditus, Christianus dici vis, & illos qui sanguinem suum pro Chri-

stianitate fundunt, vocas anti-
christianos: Proh stupiditatem!
proh rusticitatem! proh temerita-
tem & præsumptionem!

Quærebam 2. Si nulli salvati
sunt & salvari possunt in Fide Ro-
mano-Catholica, quomodo igitur
Lutherani celebrant festa Sancto-
rum ver.gr. S. Martini, S. Nicolai,
qui fuerunt Episcopi Romano-Ca-
tholici? Respondes, *Qua conse-
quentia! ac si Lutherani in Festo-
rum celebratione salutem æternam
sibi conciliare intenderent, sicuti
Papista faciunt.* Iterum nihil ad
rem, & quid pro quo. Non enim
quærebam an Lutherani in cele-
bratione Festorum salutem suam
sibi æternam conciliare intendant.
Sed cur Festa Sanctorum ver.gr. S.
Martini, S. Nicolai celebrent, cum
tamen hi fuerunt Episcopi Roma-
no-Catholici. Certè celebrare Fe-
sta

Ita aliquorum Sanctorum, major est cultus eorum, quam eorundem invocatio, & tamen hanc damnatis, & illam retinetis. Memini quod semel in itinere, ad unum locum Lutheranicum diverterim, in quo celebrabatur Festum S. Martini, quâ occasione interrogavi Prædicantem illius loci, qualem Festum sit apud illos? Respondit is, esse Festum S. Martini, cujus Festum ab antiquissimis temporibus in illa Ecclesia, & alijs celebrari solebat. Reposui quærendo ex eo: Utrum S. Martinum Episcopum judicet & credat esse salvatum. Habuit is statim suspectam propositionem, dixitque: *Hoc solum Deum scire.* Reposui iterum: Si ipse certò non sciat, & non credat S. Martinum Episcopum esse salvatum, ergo dubium habet, saltem negativum, an sit salvatus,

sub tali autem dubio non esse licitum operari; quandoquidem si is non fuisset salvatus sed damnatus, celebratio Festi illius, esset species idololatriæ, & gravissimus error. Ad hoc respondit ille: Utiq; credimus S. Martinum Episcopum salvatum esse. Subintuli ego: Ergo S. Martinus Episcopus fuit in vera Fide. Sed is fuit, vixit, & obiit, in Fide Romano-Catholica utpotè ejus erat Episcopus. Ergo Fides Romano-Catholica est vera & salvifica Fides. Ad hoc ille: *Nos neminem damnamus, neque hoc tenemus, quòd aliquis non possit salvari in Fide Romano-Catholica.* Conclufi ego: Ergo Fides vestra est falsa, ergo non est salvifica; quandoquidem una est tantùm Fides vera & salvifica, sicut unus tantùm est verus Deus. Tu autem in præcitata responsione tua tenes oppositum: Ergo

Ergo ostendis per eam inter vos non esse convenientiam circa Fidei vestrae doctrinam.

Addidi ulterius in eadem hujus Dilemmatis parte: sed neque Calvinistæ, omnes qui in Fide Romano-Catholica moriuntur & mortui sunt, æternæ damnationis condemnant, nam S. Ambrosium, S. Augustinum, S. Benedictum, S. Bernardum, pro Viris Sanctis reputant. Ad hanc meam instantiam respondes: *Quasi verò Fidem hodierna Romana Ecclesia hi omnes amplexi fuissent? collatio dogmatum Papalium, & horum Patrum, contrarium evincit.* Ex hoc solum dicis & non probas, quod tamen probare debuisses. Repono, Si qua in re, per hucusque productam tuam refutationem, te minimè versatum esse in lectione Veterum Sanctorum Patrum scriptis ac vi-

tis ostendisti, certè in hac respon-
 sione demonstras, te ne quidem de
 limine horum SS. Patrum scripta &
 vitas salutasse, Confer tu tuæ Sectæ
 propria dogmata, ex. gr. Corpus
 Christi esse *cum*, *in*, & *sub* pane in
 Eucharistia: Humanitatem Christi
 esse ubique: omnia bona opera no-
 stra esse peccata, neque esse utilia ad
 salutem æternam, & à fortiori non
 esse necessaria ad eandem: & depre-
 hendes doctrinam vestræ Fidei, esse
 doctrinæ horum & aliorum veterum
 Sanctorum Patrum penitus con-
 trariam. Ego autem diligenter con-
 tuli Romano-Catholicæ Fidei do-
 gmata, v. g. de Transubstantiatio-
 ne panis & vini in Corpus & San-
 guinem Christi, & reali ejusdem
 præsentia in Eucharistia, de Invo-
 catione Sanctorum, ac Purgatorio,
 & suffragijs pro defunctis, de ne-
 cessitate bonorum operum ad sa-
 lutem

lutem , de authoritate Romanæ
Ecclesiæ, ejusdémque primatu. de
traditionibus Apostolicis , &c.
& reperi eadem per omnia esse
conformia doctrinæ horum , &
aliorum veterum Sanctorum Pa-
trum. Quorum clarissima testimo-
nia , copiosa hîc possem adducere,
sed cùm ea jam alibi adduxerim ,
nempe in Dissertatione *Hæresiologi-
co-Polemica* ad finem ; In *Respon-
sis non responsis* , ad Dilemma octa-
vum. In *Lutheranorum nunquam
& nusquam* , eadem hîc non re-
peto. Deinde quid dubitas de S.
Ambrosio , S. Augustino , qui fue-
runt Episcopi Romano-Catholici ?
Quid de S. Hieronymo , qui vi-
tam solitariam & Eremiticam du-
xit ? Quid de S. Benedicto & Ber-
nardo , qui fuerunt Monachi &
Religiosi , an etiam hos dices fuif-
se Lutheranos ? quis tibi hoc cre-
det ,

der, quòd horum sequaces ut sunt Benedictini & Cistercienses sint Lutherani? certè negare non poteris illos fuisse Christianos, tunc verò cùm hi Sancti vixerunt, nec in rerum natura erant Lutherani, utpotè: qui & Vota Monastica, & Coelibatum Ecclesiasticorum condemnant. Illud quoque malè addis *hodierna Romana Ecclesia*, quasi verò hæc esset diversa ab antiqua Romana Ecclesia. Nam hodierna quoq; Romana Ecclesia est eadem præsens cum antiqua Romana, ad hæc usque tempora continuata.

Pergis deinde erroris arguere hos SS. Patres, dicendo: S. Ambrosium Petro Damiano Legato Pontificio, fuisse hominem Dogmatis diversi à Fide Petri. S. Hieronymum ob dissensum Dogmatum ab Ecclesia Romana, hæresis Aëriana accusari ab Alphonso à Castro. S. Augusti-

gustinum ob *disensum* ab Ecclesia
 Romana ab ea *condemnatum* fuisse.
 S. Bernardum etiam parum Papa be-
 nignum extitisse, ut testantur scri-
 pta ejus ad Papam Eugenium, ac
 proinde hos hodiernæ Romanæ Ca-
 tholicæ Fidei addictos esse non po-
 tuisse. Sed in singulis aut falleris,
 aut fallis, aut decipis, aut decipe-
 ris, aut falsum dicis, aut mentiris.
 Hos enim SS. Patres Romanæ
 Catholica Ecclesia; semper tenuit
 & tenet pro Ecclesiæ suæ non
 membris tantum, sed & Doctori-
 bus. Et audi in hoc puncto ipsum
 S. Ambrosium, qui lib. 3. de Sacra-
 mentis cap. 1. affirmat: *In omnibus*
cupio sequi Romanam Ecclesiam.
 Audi & S. Hieronymum, qui in
 Epistola 57. ad S. Damasum Papam
 sic scribit: *Ego Beatitudini tuæ, id est*
Cathedra S. Petri communione con-
socior, super illam enim Petram

adificatam Ecclesiam scio. Audi & S. Augustinum Tom. 6. contra Epistolam fundamentalem, sic de se affirmantem: Multa sunt, quæ in Ecclesia Catholica gremio me iustissimè tenent: tenet consensus populorum atque gentium: tenet auctoritas, miracula inchoata, spe nutrita, charitate aucta, vetustate firmata: tenet ab ipsa S. de Petri Apostoli, cui pascendas oves suas Dominus commendavit usque ad præsens tempus in Episcopatu successio, S. verò Bernardus fuit addictissimus Eugenio Papæ, utpotè: olim suo Discipulo ut testantur illa ipsa Scripta, quæ tu citas, nempe in libro de consideratione, ubi eundem hortatur ad hoc officium Supremi Pastoris Ecclesiæ, rectè & sanctè obeundum.

Ad finem hujus Dilemmatis sic concludo: Ergo hi enumerati
San-

San&i Patres fuerunt in vera Fide Christi (omnes siquid. m qui salvantur, placent Deo, sinè vera autè Fide impossibile est placere Deo) Atqui hi omnes erant Fidei Romano-Catholice, ergo Fides Romano-Catholica est vera Christi Fides. Ergo omnes ab ea dissidentes sectæ sunt falsæ, & erroneæ. Sicut enim unus est verus Deus, ita & una Fides vera. Ad hanc partem Dilemmatis sic respondes: *Hoc cornu ex perfricta fronte pendulum est, ideò spontè suâ petitione principij cadit.*

Considera quæso, an hæc tua responsio sit ad propositum, vel nihil ad rem. Nam solutor Dilemmatis cujuscunque debet semper unam partem illius admittere, & alteram rejicere, & pro illa quam rejicit, solidam rationem, ob quam eam rejicit, adducere.

Tu

Tu verò, neutrum hic præstas, sed
duntaxat, explosendo effugere vis
propositam difficultatem. Et ob-
secro quænam est petitio princi-
pij in hoc Dilemmate? Tunc e-
nim est petitio principij apud
Dialecticos, quando aliquid pro-
batur per id, quod æquè est in
quæstione, ac illud quod proba-
tur. Quod hîc certè non inve-
nitur. Nam quòd omnes qui sal-
vantur placent Deo, per se clarum
est. Juxta illud Sapientiæ 4. v. 10.
Placens Deo factus est dilectus.
Quod sinè vera Fide impossibile
fit placere Deo. habetur ex Scriptu-
ra Sacra ad Hebræos 11. v. 6.
Quòd omnes hi fuerint Fidei Ro-
mano-Catholicæ, probatur ex ipso-
rummet Scriptis & eorundemmet
Vitis ac rebus gestis. Ergo nulla
est hîc petitio Principij. Conse-
quentiæ etiam hæc (ex jam præ-
missis)

missis) sunt legitimæ, nempe: Ergo Fides Romano-Catholica est vera Christi Fides. Ergo omnes ab ea dissentientes Sæctæ sunt falsæ & erroneæ. Sicut enim est unus verus Deus, ita & una Fides vera. Necesse est igitur ut fatearis etiam hanc Responsionem tuam, esse nihil ad propositum, nihil ad rem.

§ V.

Quæstiones ex Quinto Dilemmate.

Quærebam 1. Vel aliquos Sanctos habuit Ecclesia Lutherana, aut Calviniana, vel nullos? Respondes: Habuisse & habere adhuc.

Quærebam proinde 2. Quinam sint vel fuerint illi Sancti in Ecclesia Lutherana? Respondes. *Omnes infantes baptizatos, in prima infan-*
tia

tia morientes. Repono : Infantilis omninò est hæc tua responsio. Tales siquidem infantes nullam actua- lem Fidem habent. *Fides siquidem fit ex auditu, auditus autem per Verbum Christi.* ad Rom. 10. v. 17. Id est, per prædicationem de Chri- sto, quæ commissæ est Apostolis & Apostolicis Viris, infantes autem non audiunt talem prædicatio- nem, & si audirent non intellige- rent, ergo Fidem actuaalem non ha- bent, siue nullum actum Fidei e- liciunt, cum necdum sint capaces rationis ; quæ ad imperandum a- ctum Fidei requiritur. Habent er- go solùm Fidem habituaalem seu habitum Fidei, qui illis per Ba- ptismum cum gratia habituali in- funditur à Deo.

Sed ulterius iterum quæro ex te
3. Quo argumento probas tales infantes, potius fuisse vel esse Lu-
thera-

theranos , quàm Calvinistas vel Romano-Catholicos. Nullum sanè tale argumentum adferre potes. Ergo hæc pro tuo solùm arbitrio asseris. Ergo hæc tua responsio nihil est ad rem , & nihil est ad meæ quæstionis propositum. Et sanè miror, quòd , cùm S. Paulus ibidem versu sequenti dicat , de his prædicatoribus Fidei: *Et quidem in omnem terram exiit sonus eorum, & in fines orbis terra verba eorum.* Talis prædicatio Lutheranae doctrinae non processerit ultra infantes.

Quæro 4. ex te. Tantum nè tales Infantes sunt Sancti in Ecclesia Lutherana ? Respondes : *Etiam esse alios, & tales fuisse, S. Petrum, Paulum, Jacobum.* Repono. Hæc quoque responsio tua est merè arbitraria. Et cur non adnumerasti Catalogo Sanctorum Lutherano-
rum

rum etiam Abraham , Isaac , & Jacob , ac ipsum Adamum ? præterea enumeratos Sanctos Apostolos , eodem planè jure faciunt suos Calvinistæ, Anabaptistæ, Ariani , & à fortiori Romano-Catholici. Constat siquidem Sanctum Petrum Romanis Evangelium prædicasse , & S. Paulum ad Romanos Epistolam scripsisse , non ad Augustanos , aut Wittembergenses, atq; S. Jacobum necessitatem bonorum operum , & solius Fidei insufficienciam ad salutem æternam docuisse, cui contrarium Lutherani tenent , falsè igitur hos Sanctos pro Lutheranæ tuæ Ecclesiæ Sanctis adduxisti.

Verùm quæro ex te 5. An habeatis aliquos alios Sanctos , & tales , de quibus dubium esse non potest quòd fuerint Lutheranæ , & non alterius Religionis, Respon-
des.

des. (risum teneatis amici) *Tales fuisse ipsum B. Lutherum , & alios ejus vestigia sincerè legentes.* Repono. Rectiùs fecisses , si potiùs citàsses Barabbam (insignem latronem) & Judam Iscariotem Christi proditorem , quibus Lutherus nec pilo erat melior. Erat siquidem & à Fide , & à Votis Apostata , homo sanguini , & carni deditus , in verbis , & scriptis scurrilis , in operibus scelestus , impius , & scandalosus. Addis : *aliòsque vestigia ejus sincerè legentes.* Cur non dixisti , aliòsq; ejus virtutes sincerè sequentes ac imitantes , Haud dubio idèd , quia nullas habuit. Non humilitatem , non temperantiam , non continentiam aut castitatem , non pietatem , in nulla igitur virtute ejus vestigia legere , aut eum imitari alij poterant , nisi in vitijs & sceleribus. Et hi sunt sancti in Luther-

thera-

therana Ecclesia. ? Memini tamen me legisse in Cochläo, & Florimundo Ræmundo, singulare devotionis Lutheri argumentum huiusmodi; Cùm Lutherus esset potui valdè deditus, inter alia pocula, habuit tria vitra sat capacia, quorum minimum nominavit *Ave Maria*, alterum majus *Pater noster*, tertium maximum *Credo*, & qui hoc tertium epotare non valebat, conjiciebat, eum in Lutherana Fide non non fore constantem. Ridiculus planè fuit hic orandi modus, sed qui non Sanctos sed heluones decet.

Quærebam. 6. Ut si habent vel habuerunt aliquos Sanctos in sua Ecclesia Lutherani? producant eorum vitas Sanctas & miracula. Respondes: *Lege illas apud illos, qui eorum vitas veraci calamo delineaverunt.* Sed cur non citas Authores qui

qui eas conscripserint aut delinea-
verint, cur non nominas illos San-
ctos Lutheranos quorum vitæ ab
ijs Authoribus conscriptæ sunt?
Ecce utrobique hæres. De miracu-
lis autem eorum taces, quia nulla
penitus patrârunt. Tentavit qui-
dem Lutherus id præstare quâdam
vice, volens ex obsessa puellula
malum spiritum pellere, sed tam
malo eventu, ut dum vellet ex ob-
sessa simplicem dæmonem ejicere,
ipse mer à cacodæmone materiali
correptus fuerit: ut testatur ocu-
latus testis Staphylus & alij. &
Erasmus Roterodamus coxtaneus
Lutheri, scribit: Lutherum & a-
lios novi Evangelij præcones, aded
nulla miracula in confirmationem
suz Doctrinæ patrâsse, ut nec u-
num claudum equum potuerint
sanare. Et tamen Christus mittens
duodecim ad prædicandum suam,
Do-

Doctrinam ait ad illos Matth. 10.
v. 8. *Euntes predicate, infirmos
curate, mortuos resuscitate, lepro-
sos mundate, demones ejicite, &c.*

Quærebam 7. Si habent aliquos
Sanctos, cur saltē ad Ephemer-
ides seu Calendaria non ponunt
eorum nomina? Respondes: *Evol-
ve Calendaria, & rubicundis lite-
ris expressa invenies.* Repono: Re-
volvi omnino multa Calendaria,
& complura etiam ipse confeci,
sed nec rubicundis nec nigris li-
teris, Lutherani alicujus nomen
in ijs reperi, nec ipsemet adnota-
re potui. Addis deinde: *Quod mul-
torum Sanctorum nomina in Calen-
darijs compareant, qui nunquam
Sancti, imò nec unquam in rerum
natura fuerunt, talis est (inquis)
S. Georgius.* Repono: Fortassis id
contingit in Calendarijs Acatholi-
cis, in Calendarijs certē Catholicis
nullius

nullius nomen apponitur, qui non
 fuisset Sanctus. De Sancto autem
 Georgio constat, eum generosum
 militem fuisse, & ob militarem vir-
 tutem inter Tribunos adlectum,
 tum Comitum etiam titulo, à Dio-
 cletiano creatum, ac tandem glo-
 riosè Martyrium pro Fide Christi
 subivisse, ut scribit in ejus vita
 antiquissimus Scriptor Metaphra-
 stes & alij. Illud porro quod ad-
 jungis quasi ipse Baronius dubitâs-
 set de S. Georgij existentia, falsum
 est. Hoc enim Baronius nullibi
 habet, sed solum rejicit aliqua a-
 pocrypha scripta, quæ de ipsius
 vita circumferuntur. Ex quibus ta-
 men non sequitur nunquam eum
 in rerum natura extitisse. Nam e-
 tiam multis Heroibus plurima glo-
 riosa facinora falsò adscribuntur,
 ex hoc tamen non sequitur, nun-
 quam illos in rerum natura exti-
 tisse.

D

tisse.

tisse. pergis dein ultra, sed valde cessando, dicens: Imò qui Sancti verè fuerunt, in Calendarijs non fuerunt adnotati, ut S. Joseph, qui per aliquot annorum Centurias non fuit insertus Calendario, donec tandem Gregorius XV. eum Calendarijs inscribi mandaret. Ergone S. Josephus ante impositionem Calendarij Sanctus non fuit? Repono: Iterum prodis tuam in rebus Ecclesiasticis ignorantiam, quia nescis, quænam sit differentia inter Martyrologium, ac Ecclesiasticum, & politicum Calendarium: Sanctus igitur Josephus semper in Martyrologio, & in Calendario quoque politico apponebatur. Solum ergo hoc Gregorius XV. effecit & statuit, ut etiam in Officio Ecclesiastico apponatur, & Officium Ecclesiasticum de eo ab ijs qui obligantur ad horas, recitetur. Sed neque ego excludo à san-

sanctitate illos Sanctos, quorum nomina non apponuntur in Calendario, quandoquidem unius tantum Sancti nomen pro singulis diebus in Calendario apponi solet, ex quàm plurimis, qui enumerantur per singulos dies in Martyrologio, quamvis nec in Martyrologio omnes omninò enumerentur, & ideò semper in fine Martyrologij additur hæc clausula: *Et alibi plurimorum Sanctorum Martyrum, Confessorum, aliorumque Sanctorum & Sanctarum Virginum.*

§ VI.

Quæstiones ex Sexto Dilemmate.

Proposueram hoc Dilemma tali modo: Tempore Geysæ Ducis Hungariæ, & Filij ejusdem S. Stephani primi Regis Hungariæ, quando ij undique convocabant,

& conquirebant Viros pios & Doctos diversarum Nationum & Regionum, quorum operâ uterentur in Conversione Hungariæ, vel erant alicubi in rerum natura Doctores Lutheranz Religionis vel non erant? Respondes: *Fuisse utique in rerum natura, si non quoad nomen, bene tamen quoad rem.*

Repono: Si tunc etiam erant quoad rem, debuissent esse etiam quoad aliquod nomen, esto non Lutheranicum. Quæro jam quo nomine illi se appellabant, & quo nomine ab alijs vocabantur? Non Evangelici, non Augustanz Confessionis, non Protestantes, non Reformatæ Religionis, hæc enim omnia nomina æquè sunt nova, ac nomen Lutheranorum; quæso ediffere, si scis nomen Matris tuæ, Ecclesiæ scilicet illius, quæ fuit ante Lutherum? vel fatearis certe quod

quòd nescias quomodo vocabatur Mater tua Ecclesia Lutheranica ante Lutherum? Revolve antiquissimos annales, interroga priorum Sæculorum Scriptores, quod nomen habuit hæc tua Mater Ecclesia Lutherana, ante Lutherum? Nemo sciet tibi dicere; sed omnes asserent, sibi ignotam fuisse, nihil unquam à se auditum de illa esse, ac proinde credibilius sibi videri, illam nunquam in rerum natura extitisse.

Quærebam 2. Si erant tunc in rerum natura quoad rem, esto non quoad nomen, cur tam ignavi, inertes, & vecordes fuerint, nullumque Zelum animarum se habere ostenderint, quòd non illico accurrerint ad prædicandum verum Evangelium Hungariæ? Respondes: *Non fuisse ignavos, sed alacres, Evangelium Christi propagasse.*

D 3

gâsse. Repono ac quæro : Undenam
 hi Prædicatores , & ex qua Patria,
 in Hungariam tunc temporis ve-
 nerint ? quo idiomate Evangelium
 Christi prædicabant ? in qua Hun-
 gariæ parte illud propagârunt , &
 quibus illud annunciabant ? Re-
 spondes ad hoc ultimum : *In-*
fantibus, qui ab illis baptizati sunt.
 Repono & quæro ? Cur non etiam
 adultis , qui magis prædicatione
 Verbi Divini indigebant ? & ad
 quorum Conversionem S. Stepha-
 nus Viros pios , & doctos undi-
 que conquirebat ? Respondes : *E-*
tiam ijs , qui in meritis Christi spe-
rantes demortui, sunt salvati. Re-
 pono & quæro : Quinam ij fue-
 rint ? Nam etiam Romano-Catho-
 lici spem suam ponunt in meritis
 Christi , & in hac spe mori deside-
 rant. Sed non ita temerariè ac præ-
 sumptuosè uti Lutherani. Verùm
 ita

ita juxta doctrinam Christi , ut
 simul Christum imitari conentur,
 cum gratia Dei , quæ ipsa quoque
 datur nobis ex meritis ipsius Chri-
 sti. Cùm ipsemet dicat : *Exemplum*
dedi vobis , ut quemadmodum ego
feci , ita & vos faciatis. Joan. 13.
 v. 15. Et apud Matthæum 11. v. 29.
Discite à me quia mitis sum , &
humilis corde. Quod ipsum testa-
 tur & S. Petrus 1. Epistol. 2. v. 21.
 sic inquit : *Christus passus est pro*
nobis , vobis relinquens exemplum ,
ut sequamini vestigia ejus. Respon-
 des : *Te non tales sperantes intel-*
ligere , sed eos , qui totam spem sa-
lutis suæ ponunt & collocant in me-
ritis Christi , etiamsi ipsi nulla pec-
cata caveant , omnia præcepta Dei
conculcent , nihilque boni agant. Re-
 pono 1^{mo}. Talem Doctrinam nus-
 quam fuisse ante Lutherum. 2^{do}.
 Etiam Calvinistæ hanc doctrinam

se dicunt tenero. Ergo non est major ratio, cur qui tales fuerunt, debeant dici Lutherani, & non Calvinistæ, & tamen tu negas eos fuisse Calvinistas. Ad alteram partem Dilemmatis, nempe: Si tunc adhuc non erant, hoc est temporibus S. Stephani primi Christiani Regis Hungariæ. Ergo multò minus à temporibus Apostolorum. Ergo Lutherana doctrina non traxit suam seriem successionis & originem ab Apostolis, & ab ipso Christo Domino. Ad primam consequentiam nihil respondes. Ergo illam admittis, vel transire permittis. Unde infero: Ergo Lutherana doctrina, non est Apostolica neque Evangelica. Ad alteram ais: *Sine veritate doctrina, successio Pastorum exigui est ponderis.* Repono: Ergo cum veritate doctrinæ successio Pastorum est maximi ponderis,

deris. Vos autem nec doctrinæ vestræ, nec Pastorum successionem ab Apostolis ostendere potestis. Ergo verum est quod inferebam, doctrinam Lutheranam non traxisse suam seriem successionis & originem Pastorum & doctrinæ ab Apostolis & ab ipso Christo Domino.

§ VII.

Quæstiones ex Dilemmate Septimo.

IN hoc Dilemmate quærebam 1. Ecclesia Lutherana? vel erat visibilis ante Lutherum, vel invisibilis? Si visibilis quis illam vidit? quibus hominibus constabat, & Nationibus? ubi locorum erat, aut eam audire, aut ad illam recurrere quis potuisset? Respondes. *Fuisse illam omnino invisibilem.*

Quærebam proinde 2. Si fuit
D 5 invi-

invisibilis ; utrum illa invisibilis
 Ecclesia fuerit Lutherana, vel Cal-
 viniana, vel Anabaptistica, vel A-
 riana? Idem enim dicent & eodem
 Jure omnes de sua Ecclesia. Re-
 spondes : *Veritatem Ecclesie non
 esse estimandam ex visibilitate vel
 invisibilitate, sed ex conformitate
 cum Verbo Dei.* Repono : Hanc
 tuam responsionem nihil omni-
 no esse ad propositum. Postula-
 tum enim meum fuit, ut Lu-
 therani adducant tale argumen-
 tum (quod invisibilis illa Ec-
 clesia fuerit Lutherana) quo eo-
 dem argumento non possint pro-
 bare Calvinistæ, Anabaptistæ, &
 Ariani suam fuisse? argumentum
 autem quod tu hîc adducis non
 est tale. Et quænam est hæc con-
 sequentia : Veritas Ecclesiæ ex con-
 formitate cum Verbo Dei est æsti-
 manda. Ergo invisibilis illa Eccle-
 sia

fia, fuit Lutherana. Qualis quæſo
 hujus Conſequentis, cum Antecedente eſt connexio? Si autem ſic argumentum ponis: Illa Eccleſia inviſibilis fuit conformis Verbo Dei, ſed Lutherana Eccleſia eſt conformis Verbo Dei. Ergo illa inviſibilis Eccleſia fuit Lutherana. Catholici negabunt & majorem & minorem (quia ajunt de ratione Eccleſiæ veræ eſſe ut ſit viſibilis) Calviniſtæ autem, Anabaptiſtæ vel Ariani concedſâ majori, ſubſument eodem jure ac Lutherani hanc minorem: Sed noſtra Eccleſia eſt conformis cum Verbo Dei. Ergo illa Eccleſia fuit noſtra, & non Lutherana. Ergo poſtulado meo non ſatisfeciſti. Ergo ſicut Calviniſtis, vel Arianis ſubſumentibus illam minorem. Lutherani non credunt, ita & nos Catholici, & Calviniſtæ, & Ariani Lutheranis

eandem minorem assumentibus,
merito non credimus.

§ VIII.

Quæstiones ex Octavo Dilem- mate.

Octavum hoc Dilemma sic
proposueram i. Ecclesia Lu-
therana, aut Calviniana vel tenet
omnia illa, & amplectitur Fide Di-
vinâ, quæ tenuit primitiva Eccle-
sia à Christo instituta, primis sal-
tem quatuor Sæculis, vel non?
Si non. Ergo in articulis Fidei dis-
sentit à vera Christi Ecclesia. Re-
spondes ad hanc partem Dilem-
matis: *Tenet utique eam Fidem,
quam tenuit illa antiqua Ecclesia
in Sacris Litteris expressam.* Adver-
to, quòd per hanc tuam respon-
sionem effugium quæras, per illa
verba, *in Sacris Litteris expressam.*

Et

Et sic non in capite, sed in pedibus salutem tuam ponis. Verum retraho te ex fuga, & propono tibi hoc Dilemma: Illa primitiva Ecclesia à Christo instituta, & ab Apostolis continuata, & quæ fuit primis quatuor aut quinque Sæculis, vel tenuit & credidit aliquid quod non est in Scripturis, & Sacris Literis expressum, vel id quod est solum Sacris Literis expressum. Si primum. Ergo præter Verbum Dei Sacris Literis expressum admitendum est etiam Verbum Dei traditum. Si secundum. Ergo quidquid tenuit antiqua Ecclesia, est Sacris Literis expressum. Et reassumo prius Dilemma. Vel Ecclesia Lutherana tenet omnia illa & amplectitur Fide Divinâ, quæ tenuit primitiva illa Ecclesia saltem primis quatuor vel quinque Sæculis? vel non? Si

non. Ergo in articulis Fidei dissentit à vera Christi Ecclesia, & consequenter ab illis, quæ sunt Sacris Literis expressa. Si ita, hoc est: Si Lutherana Ecclesia omnia illa tenet & amplectitur Fide Divinâ. Ergo debet admittere ea omnia quæ docuerunt, & crediderunt illi Sancti Patres, & Doctores, qui vixerunt primis illis Sæculis, & quæ statuerunt & declararunt Concilia tempore illo ab Ecclesia celebrata. Ad hæc ultima verba respondes intra parenthesis: *Lutheranos admittere omnia omnino Sacra Scriptura conformia.* Ecce iterum fugam meditaris, à qua rursus te retraho. Et pono hoc Dilemma: Vel omnia quæ in his primis Concilijs Ecclesiæ sunt definita & declarata, sunt Scripturæ Sacræ conformia, vel aliqua saltem difformia, Si difformia. Ergo Eccle-

Ecclesia primitiva, non fuit vera Christi Ecclesia, sed erronea, quod est contra nostrum & vestrum suppositum. Si omnia erant Scripturæ Sacræ conformia. Ergo debetis admittere omnia illa, quæ tenuit, docuit, & credidit, hæc primitiva Ecclesia primis saltem quatuor, aut quinque Sæculis. Jam subsumo. Hujusmodi autem sunt: Realitas Corporis Christi in Eucharistia, Transubstantiatio panis & vini in Sacrificio in verum Corpus & Sanguinem Christi: Invocatio Sanctorum: Liberum arbitrium: Bonorum operum ad salutem æternam necessitas: Purgatorium, & suffragia pro defunctis, & omnia illa de quibus controversant nunc Lutherani cum Romano-Catholicis. Ad hæc valde siccè respondes, dicendo: *Sed qui, tam ignarus antiquitatis est, ut*
igno-

*ignoret, hac in sequentibus demum
Sæculis, à Pontificibus Romanis in-
troducenda, & ab alijs inventa con-
firmata fuisse? probetur itaque ista
dogmata primis quatuor Sæculis jam
fuisse manifesta. Repono. Profectò
hâc responsione tu temetipsum fa-
teris penitus ignarum antiquitatis
& in Scriptis SS. Patrum minimè
versatum. Novi ego virum eruditis-
simum ex Lutherano conversum (is
fuit Labecius Bibliothecarius Cæ-
saris Viennæ) quem cùm familiari-
ter interrogâssem: Quomodo is ad
agnitionem veritatis Fidei Catholi-
cæ pervenerit? respondit: Per so-
lam lectionem Veterum SS. Pa-
trum, & addidit: Si enim horum
scripta quis legat diligenter, possibi-
le non est, ut non amplectatur Fi-
dem Romano-Catholicam Idem fa-
tebatur Christina Regina Sveciæ,
de sua Conversione, ad Fidem Ro-
mano-*

manos Catholicam. Quin & apud vos ij, qui assidue legunt Scripta Veterum SS. Patrum, pro suspectis habentur, quod titubent in sua Religione, & inclinent ad veritatem Dogmatum Fidei Romano-Catholicæ. Verum his omiſſis. Quia petis tibi ostendi & probari *ista Dogmata quatuor Saculis fuisse jam manifesta*. Lubens id præstabo, sed ita, ut cum id præstitero, fatearis Lutheranam Fidem contrarium sentientem ac tenentem, in articulis Fidei, dissentire à Vera Christi Ecclesia, qualis fuit Ecclesia primitiva, adeoque Lutheranam Fidem ac Religionem manifestè esse falsam. Ne autem iterum repetam ac reiterem ea, quæ de hoc argumento adduxi in Responsis non responsis Timothei Philalethi ad hæc ipsa XV. Dilemmata. Item in Lutheranico *Nunquam & nusquam*

§ 4. à Numero 43. usque ad 61.
 paucula hîc adducam testimonia,
 & reliqua solùm citando indicabo.
 Probo igitur primò. Realitatem
 Corporis Christi in Eucharistia, &
 Transubstantiationem panis & vi-
 ni in Sacrificio, in verum Corpus
 & Sanguinem Christi, primis qua-
 tuor sæculis jam fuisse manifestam
 ex Lyturgiis SS. Apostolorum, qua-
 les sunt : Lyturgia S. Petri, S. Ja-
 cobi Majoris, S. Jacobi Minoris,
 S. Matthæi, & S. Marci Evange-
 listæ, in quibus Panis, & Calix Eu-
 charisticus expressè vocatur Cor-
 pus, & Sanguis Christi. Quia ta-
 men has Lyturgias fortassis tu nun-
 quam vidisti & multò minùs le-
 gisti, & tamen antiquitatis te val-
 de gnarum ostentare præsumpsisti.
 Probo secundò ex SS. Patribus, qui
 primis Sæculis vixerunt. Ex quibus
 Justinus Martyr: Eucharistiam ait
 ex-

expresse, esse *Carnem Christi*. Et
 Irenæus, esse *Corpus Christi*. Cujus
 hæc sunt formalia verba lib. 5. c. 2.
Quando ergo & mixtus Calix, &
factus panis percipit Verba Dei (hoc
 est prolatis verbis Consecrationis)
fit Eucharistia Corporis & Sangu-
nis Christi. qui duo SS. Patres vi-
 xerunt primis duobus Sæculis. Ex
 tertio Sæculo sit testis Tertullia-
 nus, & Cyprianus, quorum ille
 lib. 4. contra Marcionem ait: *Chri-*
stum, acceptum panem, Corpus su-
um fecisse dicendo: hoc est Corpus
meum. Alter verò sermone de Cœ-
 na Domini sic loquitur: *Panis iste*
quem Dominus Discipulis porrige-
bat, non effigie sed naturâ muta-
tus Omnipotentiâ Verbi factus est
Caro. Ex quarto Sæculo, testis sit
 S. Cyrillus, & S. Ambrosius, quo-
 rum ille in Catechesi 4. Mystago-
 gica ait: *Vinum in Sacrificio in*
San-

Sanguinem mutari, sicut in Cana Galilee, aqua mutata fuit in vinum? non utique accidentaliter, sed substantialiter. Alter verò lib. 5. de Sacramentis cap. 4. miratur qui dicunt, se non posse capere quomodo panis & vinum transmutatur in Corpus, & Sanguinem Christi; atque sic contra eos arguit: detotius mundi operibus legisti: Ipse dixit, & facta sunt, sermo ergo Christi, qui poterat facere id, quod non erat; non poterit ea, quæ sunt in id mutare quæ non erant? Eandem veritatem manifestam fuisse declarat primis statim Sæculis Concilium Nicænum. Clemens Alexandrinus lib. 4. Stromatum. Origenes Homilia 7. in Numer. S. Anastasius in Apologia. Gregorius Nazianzenus oratione 2. in Pascha. S. Basilii in sua Lyturgia. S. Gregorius Nyssenus in libro de vita

vita Moyſis. S. Optatus Milevitanus lib. 6. contra Parmenonem. S. Hieronymus tum alibi tum in Epistola ad Heliodorum. Dogma igitur Romano-Catholicum de Realitate Corporis Christi, & transubstantiatione panis & vini in Sacrificio in Corpus, & Sanguinem Christi manifestum fuit, primis quatuor sæculis. Idem demonstro de Invocatione Sanctorum: Nam Origenes non tantum approbat invocationem Sanctorum, sed & ipse eosdem invocabat, ut patet ex ejusdem lamentatione, & ex lib. 2. in Job. Extat quoque S. Ephrem Oratio ad Beatissimam Virginem, & S. Athanasij ad eandem, & S. Augustini Sermone 8. de Sanctis, pariter ad illam. Item Sanctus Ambrosius in libro de Viduis ait: obsecrandos esse Angelos, qui nobis ad præsidium dati sunt, obse-

obsecrandos Martyres, qui pro nobis patrocinantur apud Deum. Et S. Hieronymus contra Vigilantium cap. sic arguit: *Si Apostoli, & Martyres adhuc in corpore constituti, possunt orare pro ceteris, quando pro se adhuc debent esse solliciti, quantò magis post coronas, victorias & triumphos.* Omitto hac de re plura testimonia SS. Patrum, primis adhuc quatuor Sæculis. Dogma igitur Romano-Catholicum de Invocatione Sanctorum manifestum fuit in Ecclesia primis adhuc quatuor Sæculis.

Idem demonstro de *Libero arbitrio*. Et primò, ex Clemente Romano, Epist. 3. in qua ait: *Evidenter constare, inesse hominibus arbitrij libertatem.* Secundo. Ex S. Ignatio Martyre in Epistola ad Magnetianos, in qua testatur: *hominem tam pietati studere, quàm peccare*

care non per naturam, sed per suum arbitrium. Tertiò. Ex Justino Martyre in Apologia ad Anton. Imperatorem in qua asserit: *Unico libero arbitrio, genus humanum & res turpes fugere, & bonas sequi.* Quartò. Ex S. Irenæo lib. 4. cap. 7. ubi testatur: Deum posuisse in homine electionis potestatem. Quintò. Ex Tertulliano lib. 2. cap. 6. contra Marcionem ubi docet & demonstrat libertatem arbitrij in utramq; partem concessam esse homini à Deo. Sextò. Ex Origene, Homil. 20. in Numeros, in qua docet: sui arbitrij esse animam, & in quam voluerit partem liberum esse ei declinare. Septimò. Ex S. Cypriano Epistola ad Cornelium, in qua ait hominem libertati suæ relictum, & in proprio arbitrio constitutum, ut sibi metipse vel mortem appetat, vel salutem. Octavò Ex S. Hierony.

ronymus lib. 2. contra Jovinianum, ubi sic scribit: Liberi arbitrij nos condidit Deus, nec ad virtutes, nec ad vitia necessitate trahimur. Manet ergo demonstratum Dogma Ecclesiæ Romano-Catholicæ de libero arbitrio, primis adhuc quatuor Sæculis manifestum fuisse.

Idem demonstro de *Necessitate Bonorum Operum ad Salutem*. Et primò quidem ex S. Justino Martyre in Apologia 2. ad Anton: ubi scribit: *Censemus unumquemque vel aeternum supplicium, vel salutem consecuturum, operum condignitate.* Secundò. Ex S. Cyrillo Hierosolymitano (qui interfuit Concilio Constantinopolitano Anno 381.) in Catechesi, ubi ait: *Nihil nobis prodesse, Christianorum possedisse appellationem, si opera illam non sequantur.* Tertiò. Ex S. Ambrosio in lib. Epistolarum, Epist. 81. ubi
admi-

admirabundus querit : Qui sunt
 hi praeceptores novi , qui meritum
 excludunt Jejunij? consequenter &
 aliorum bonorum operum. Quartò.
 Ex S. Basilio Magno , qui sermone
 de Ascensione, hæc habet : Custodi-
 entibus mandata ejus, retributio
 multa, merces nimis copiosa est, &
 Corona Justitia, aeterna Tabernacu-
 la vite , nunquam finem habitura.
 Quintò. Ex S. Clemente Alexan-
 drino, qui in Parænesi ad Gentes,
 sic hortatur fideles : Ne vos ergo
 laborasse pigeat, licet vobis si velitis,
 pretiosissimam salutem curare, pro-
 prio thesauro, charitate & fide vite,
 quod quidem est justum pretium, hoc
 pretium Deus libenter accipit. Sex-
 tò Ex S. Cypriano libro de unitate
 Ecclesiae , ubi hæc habet : Justi-
 tia opus est , ut promereri possit
 quis Deum Judicem, Præceptis ejus
 & monitis obtemperandum est , ut

accipiant merita nostra mercedem.
 Septimò. Ex S. Gregorio Nysseno,
 qui in sua prima oratione de a-
 more pauperum sic scribit : *Pro*
suis quemque meritis ornatum cer-
no, illis qui boni benignique fue-
runt, atque optimam vitam ege-
runt, summa & perpetua quies tri-
buitur in regno cœlesti, inhumanis
autem & improbis supplicium ignis;
idque sempiternum. Manet ergo
 demonstratum dogma Romanor
 Catholicæ Fidei, de necessitate bo-
 norum operum, ad salutem mani-
 festum fuisse in Ecclesia, primis
 adhuc quatuor sæculis.

Idem demonstro de Purgatorio,
 ac Suffragijs pro defunctis. Et pri-
 mò quidem ex Tertulliano, qui
 lib. de corona militis, & libro de
 Monogamia testatur suis ac prio-
 ribus quoque temporibus fuisse
 consuetum, pro defunctis oblatio-
 nes

nes (seu Sacrificia) offerri & preces ac orationes ad Deum fundi, vixit autem Tertullianus secundo adhuc sæculo. Item ex Apostolorum Lyturgijs, in quibus specialis memoria, & orationes sunt pro re-
 quis defunctorum. Tert. d. Ex S. Cypriano qui Epist. 52. ad Antonianũ, non tantũ purgatorium admit-
 tit, sed etiam diversitatem pœna-
 rum in illo, accuratissimè describit.
 Quartò. Ex S. Basilio Magno, qui in
 Isaia 6. v. 6. verba Prophetæ illius,
 de igne purgatorio eruditè explicat.
 Et idem facit in ejusdem Prophe-
 tæ 9. v. 19. *Et erit populus ab igne
 deustus* (vulgata legit: *Et erit po-
 pulus quasi esca ignis.*) ac insuper
 in sua Lyturgia specialem oratio-
 nem pro defunctis apponit. Quin-
 tò. Ex S. Gregorio Nazianzeno,
 qui in Oratione decima, in laudem
 Cæsarei Fratris defuncti, Deum

pro anima illius orat. Sextò. Ex S. Gregorio Nysseno, qui in Oratione quam de dormientibus habuit, crebram ignis purgatorij mentionem facit. Septimò. Ex S. Epiphania in hæresim 75. inter hæreses ponit etiam hunc Aërij errorem, quòd viventium preces pro vita functis inutiles esse sibi persvaderet. Octavò. Ex S. Ambrosio qui in Oratione de obitu Theodosij Imperatoris, & Sacrificia Eucharistica offerebat, & pro ejus anima deprecabatur. Nonò. Ex S. Hieronymo, qui in Commentarijs Proverbiorum, ac in Isaiam, & Michæam, clarissimè Purgatorium dari adstruit, illiusque penas describit.

Manet igitur demonstratum Dogma de Purgatorio & suffragijs pro defunctis, Ecclesiæ Romanæ Catholicæ, fuisse manifestum primis

mis adhuc quatuor sæculis. Vide plura testimonia veterum SS. Patrum de his veritatibus in libellis meis suprâ citatis. Atque eadem est ratio de omnibus quoq; Fidei Romano-Catholicæ articulis, de quibus nunc controvertunt Lutherani, & Calvinistæ, ac cæteri novatores cum Romana Ecclesiâ. Jam ergo iterum resumo argumentum: Ecclesia Lutherana non tenet, nec credit, illa omnia, & sigillatim, de reali præsentia Christi in Eucharistia, & Transubstantiatione panis ac vini in Sacrificio Missæ, in Corpus ac Sanguinem Christi, item de Invocatione Sanctorum, Libero arbitrio, Bonorum operum ad salutem æternam necessitate, Purgatorio & suffragiis pro defunctis, quæ tenuit Ecclesia primitiva à Christo instituta primis statim quatuor sæculis.

E ;

Ergo

Ergo in articulis Fidei dissentit ab illa. Subsumo. Sed primitiva illa Ecclesia fuit vera Christi Ecclesia. Ergo Lutherana Ecclesia dissentit à vera Christi Ecclesia. Ergo cum illa fuerit vera, Lutherana Ecclesia est falsa.

§ IX.

Quæstiones ex Dilemmate Nono.

DOctrina Lutherana, prout nunc est in Hungaria, vel est conformis Augustanæ Confessioni vel non? Si non. Ergo Lutherani moderni non debent prætere in Hungaria liberum Exercitium suæ Religionis, hoc enim concessum est (licet ex conniventia, imò violentia tantum, neque cum consensu omnium Statuum Regni) soli Augustanæ Confessioni. Respondes: *Hic nec sutor ultra crepidam, nec Monachus supra saccul-*

eucullum, aut Jesuita suam quadri-
fidam mitellam. Hæc est tua mi-
 sella responsio, nihil ad rem &
 prorsus ridicula, non Academica,
 nihil ad propositum. Cur non re-
 spondes directè, ita; vel non; uti
 ad Dilemmata responderi debet,
 Ego autem sic in forma pono meam
 ratiocinationem: Religio illa, cui
 non est permissum liberum Exer-
 citium in Hungaria, non debet il-
 lud prætere. Sed Religioni illi,
 quæ non est conformis Augusta-
 næ Confessioni, non est permissum
 liberum Exercitium in Hungaria,
 Ergo talis Religio non debet illud
 prætere in Hungaria. Ergo de-
 bes dicere, quòd sit moderna ve-
 stra Lutherana Religio confor-
 mis Augustanæ Confessioni.

Quærebam 2. Si ita? Cui Au-
 gustanæ Confessioni? hæc siquidem
 quater est conscripta, edita & mu-

rata, ac omnes quatuor editiones
sunt dissidentes inter se. Respon-
des: Religionem modernam Lu-
theranorum in Hungaria: *Esse con-*
formem illi Augustanae Confessioni,
quam ego scripsi, me vidisse & le-
gisse, & quae in originali extat in
Bibliotheca Caesarea, Vienna. Sed
contra est: Quia hanc originalem
Confessionem Augustanam, à Phi-
lippo Melanchtone porrectam Ca-
rolo V. in Augustanis Imperij Co-
mitijs anno 1530. aut etiam ex
illa genuinè transumptam & au-
thenticè vidimatam, nemo fortas-
sè Lutheranorum modernorum,
& praesertim eorum, qui sunt in
Hungaria, vidit & legit. Contra est
Secundò. Quia vos Lutherani in
Hungaria, ab anno 1580. eam te-
netis Augustanam Confessionem,
quae est in libro *Concordiae*. Et prius
utque ad annum 1580. tenuistis
illam,

illam, quæ est in corpore doctrine, hæ autem singulæ, sunt diversæ inter se, & utraque, ab illa originali, & cujus liberum Exercitium emendicâstis, vel potius extorsistis à Matthia II. Rege Hungariæ anno 1606. Ergo hæc tua responsio nihil est ad rem.

Unde inferebam in secunda parte Dilemmatis. Quod si moderna Religio Lutheranorum in Hungaria est conformis illi Confessioni Augustanæ originali, debent Lutherani omnia illa admittere, quæ admittit illa Augustana Confessio. Quod quidem tu admittis, nihil siquidem ad hanc meam illationem respondes. Dein subsumpsi: Atqui in Confessione illa protestantur Confessionistæ, Sibi injuriam fieri à dicentibus, in eo, quod in Ecclesijs suis Missam aboleverint, quæ adhuc in eis quotidie magnâ vene-

ratione omnibus antiquis adhibitis
 ceremonijs celebratur. Ad hanc re-
 spondes : id verum esse. Si in bo-
 na significatione, & in sensu Ec-
 clestiastico non verò Papistico acci-
 piatur *Missæ*, hanc enim antiquitas
 ignorat. Verùm bona significatio
 & in sensu Ecclesiastico est illa
 quando voces denotant id, ad quod
 significandum sunt ab hominibus
 impositæ & institutæ. Atqui hæc
 vox *Missæ* in sensu Ecclesiastico
 fuit imposita ad significandum Sa-
 crosanctum *Missæ* Sacrificium. Er-
 go hoc *Missæ* Sacrificium dicit Au-
 gustana Confessio se non abolevis-
 se. Deinde valde novellum te esse
 ostendis, dum addis: *hanc enim*
 (*Missam* scilicet *Papisticam*) *anti-*
quitas ignorat, nam nonnè de Sa-
 crificio hoc *Missæ* scripserunt S.
 Ambrosius, S. Augustinus, S. Hie-
 ronymus, & quàm plurimi SS. Pa-
 tres

tres. Legistine aliquando *Lyturgias* S. Petri, S. Jacobi minoris, S. Marci, S. Ambrosij, S. Basilij magni? *Lyturgia* autem nihil aliud est, quàm Latinis *Sacrificium Missæ*. Ergo falsum est, quòd antiquitas *Missam*, prout hæc vox accipiebatur ante Lutherum, & nunc quoque à Catholicis accipitur, *antiquitas ignoraverit*, quod ipsum confirmo ex eo: Quòd Augustana Confessio protestetur se illam *Missam* non abolevisse, quæ fuit prioribus sæculis in Ecclesia ante Lutherum, hæc autem *Missæ* fuit *Sacrificium Missæ*, ergo hanc *Missam* se non abolevisse protestatur Augustana Confessio. Unde

Quærebam 3. Cùm Augustana Confessio dicat se non abolevisse hanc *Missam*, cur ergo Lutherana Ecclesiæ in Hungaria has *Missas* non tantùm non aboleverint,

sed easdem etiam impugnent, & impiè abominentur. Ad hanc questionem sic respondes non Theologicè sed sarcasticè. *Quis ampullosè mendax, in Hungaria Missas abominatus est, aut eas sustulit? Missaticum Sacrificium claustrum illud impietatis omnis, idololatria, & blasphemia impugnârunt merito.* R. pono: Hæc tua responsio, præterquam, quòd sit calumniosa, sibi-
met ipsi in terminis contradicit. Missa siquidem (uti ostensum est) quam Augustana Confessio protestatur se non abolevisse, est idem, quod Sacrificium Missæ. Sacrificium Missæ aboleverunt, impugnant & abominantur Ecclesiæ Lutheranz in Hungaria, Ergo ipsam Missam quam Augustana Confessio se protestatur non abolevisse, aboleverunt & impugnant Ecclesiæ Lutheranz in Hungaria. Venio jam ad tuas

calumnias , quas congeris ineptissime in Sacrificium Missæ Papisticum. Interfuistine aliquando huic Sacrosancto Sacrificio ? Si non. Ergo blateras, quæ nescis. Si ita. Nonne totum hoc Missæ Sacrificium constat ex pijslimis Orationibus. Ergo non est impietas. Ex laudibus Dei : ergo non est blasphemia. Ex adoratione Dei , & Salvatoris : ergo non est idololatria. Claudis hanc tuam responsionem, dicendo : *Maximam esse differentiam ut inter aurum & antimonium , ita inter Missam & Sacrificium Missaticum.* Repono. tantam esse differentiam inter Missam & Sacrificium Missæ, quanta est inter ensen & gladium, hominem inter , & animal rationale. Si verò intelligas per nomen Missæ, Missam Lutheranicam, tunc lubens concedo , quod inter vestram Missam & Catholicum Sa-

crificium Missaticum sit tanta differentia, sicut inter antimonium & aurum, imò major. Antimonium enim & aurum sub eodem genere metalli continentur; vestra autem Missa & Sacrificium Missaticum Catholicorum, toto genere differunt inter se, & ita sicut pictus homo differt à vero homine, sicut enim pictus homo solam figuram, & speciem hominis habet, sed essentiâ hominis caret, ita vestra Missa solum aliquas ceremonias pauculas habet, uti sunt: *Kyrie eleison, Gloria, Epistola, Evangelium*. Essentiâ autem Missæ Sacrificij caret. Essentia siquidem Sacrificij Missæ consistit in *Oblatione, Consecratione, & Sumptione Corporis & Sanguinis Christi à Sacerdote*, quibus omnibus Missa vestra caret.

§ X.

Quæstiones ex Decimo Dilemmate.

QUÆREBAM in hoc Dilemmate
 1. Lutherana Ecclesia, vel
 habet veram Scripturam Sacram,
 vel non habet? Si non habet? Quid
 ergo ex illa probat, & cur toties
 eam citat? si habet, unde eam ac-
 cepit? hæc enim non est nata cum
 Luthero. Ergo illam accepit ab Ec-
 clesia Romano-Catholica. Respon-
 des: *Sit ita, fuerit nostra Biblio-*
thecaria, Romana Ecclesia. Putasne
 te hâc responsione quæstioni meæ
 satisfacisse? ego autem colligo, te
 nec quidem sensum meæ quæstio-
 nis intellexisse. Non enim quære-
 bam de materialiter sumpta Scri-
 ptura Sacra ver. gr. de Exemplari
 illo Biblicorum, quo Lutherus usus
 est,

est, quod potuit, vel in foro scrutariorio, vel in officina libraria emere, aut dono ab aliquo accipere, vel ex illo Monasterio, ex quo profugit, furto surripere. Sed, unde sciunt Lutherani, quòd libri sacri contenti in Biblijs, ab illis ipsis Apostolis, & Evangelistis, quorum nomina referunt, fuerint conscripti? & quidem ut à Spiritu Sancto afflatis: item quòd non fuerint supposititij, quòd non sint ab alijs per additionem, vel subtractionem depravati, sed integrè, & intaminatè conservati, nisi ab Authoritate Romanæ Ecclesiæ & ipsius attestatione? Unde meritò S. Augustinus de se scripsit: *Evangelio non credidissem, nisi Autoritas Ecclesiæ me vera esse Evangelia docuisset*, hoc est, nescirem, quodnam sit verum vel apocryphum Evangelium, nisi Authoritas,

tas , & attestatio Ecclesiæ id mihi demonstrâset, & in hoc sensu Romana Ecclesia fuit Sacrorum Librorum Bibliothecaria.

Quærebam proinde 2. Ecclesia Romana, à qua Lutherus Scripturam Sacram accepit, vel tunc fuit vera, vel falsa Ecclesia? Si fuit vera? igitur damnandus est Lutherus & illius asseclæ, quod Ecclesiam veram deseruerint. Respondes: *Non fuit vera, sed Apostolica Ecclesia*, Repono: Si non fuit vera, sed falsa, consequenter, & illius attestatio fuit falsa, quomodo ergo constat Luthero & illius asseclis, se non habere falsam Scripturam, & quomodo gloriari possunt, se puro Verbo Dei credere & inhzere? Ad hanc partem Dilemmatis non habes, quid directè & solidè respondeas, sed solum submurmuras aliqua scommata, sed & hac

hæc talia, quæ nihil ad propositum meæ quæstionis faciunt.

§ XI.

Quæstiones ex Dilemmate Undecimo.

QUærebam 1. in hoc Dilemmate. Vel omnes libri Scripturæ Sacræ approbati ab Ecclesia Romana, sunt veri, & Canonici Sacræ Scripturæ libri, vel non? Si ita: Cur ergo aliquos ex ijs Lutherani rejiciunt, tanquam Apocryphos, uti libros Machabæorum, Apocalypsim, Epistolam S. Jacobi, & alios. Respondes: *Quia non sunt verè Canonici.* Quæro à te, an hæc sit ad propositum, & ad rem, responsio? profectò minimè. Ego quæsi, quare ex libris sacris approbatis a Romana Ecclesia, Lutherani habeant aliquos pro libris Canonici-

nonicis, & alios pro libris apocryphis, seu, quare aliquos libros Scripturæ Sacræ non agnoscant pro Canonicis? & tu respondes, *quia non sunt verè Canonici*. Quod tamen ipsum est in quæstione. Clariùs ergo propono tibi hanc quæstionem. Et quæro: Quare aliqui ex libris Sacris, qui continentur in Biblijs, non sint verè Canonici? Respondes: *Quia Papa in Conciliabulo Tridentino propriâ Authoritate quosdam apocryphos in Canonicos, adeoque terram in cælum frustra- neo conatu transmutare voluit*. Sed hæc quoque tua responsio nihil est ad rem, & in qua multipliciter erras.

Et primò quidem erras in eo, quòd Concilium Tridentinum, quod fuit universale, & Oecumenicum, non secus ac Concilium Nicænum, & alia Concilia Ge-
nera-

neralia per contemptum voces
Conciliabulum.

Erras secundò. Dum dicis: *Papam propriâ Authoritate in Concilio Tridentino quosdam apocryphos in Canonicos transmutare voluisse.* Ipse siquidem Papa Concilio Tridentino nec quidem interfuit, sed solum id, quod conclusum fuit in Concilio, postmodum suâ Authoritate confirmavit, idque juxta antiquissima Decreta Concilij Nicæni, in quo statutum est, ut nulla Synodus, legitimè convocari possit, nec definiri quidquam in ea, præter Romani Pontificis sententiam. Quod Concilium celebratum fuit Annis 1238. ante Concilium Tridentinum, absolutum, nempe Anno Christi 325. Quo tamen tempore fatentur ipsi adversarij, Ecclesiam Romanam fuisse incorruptam, & Apostolicam Ecclesiam,

Erras

Erras 3. dum dicis: *Canonem librorum Sacrorum, quò defactò usitur Ecclesia Romana, fuisse confectum in Concilio Tridentino.* Non enim Canonem illum de novo confecit hoc Concilium, sed solùm jam priùs observatum in Ecclesia Christiana, confirmavit, utpotè qui jam fuerat in usu Ecclesiæ tempore Innocentij I. Papæ, qui vixit mille, & amplius annis ante Concilium Tridentinum, & declaratus ac approbatus fuit in Concilio Laodiceno, ac in Carthaginensi III. quæ duo Concilia celebrata fuerunt primis quatuor sæculis, ac demum confirmatus in Concilio Florentino 1439. cui interfuerunt etiam Orientalis Ecclesiæ Episcopi, ac Patriarchæ.

Erras 4. dum dicis: *Apocalypsim, & Epistolam S. Jacobi à Lutheræ*

*theranis pro Canonicis libris haberi. Et addis contra me: Hic fru-
 straneo cornupeta ictu laborat: Nam
 Lutherus S. Jacobi Epistolam non
 tantum à numero Canonicorum
 Scripturæ Sacræ Librorum rejicit,
 sed insuper eam scommaticè, stra-
 mineam, & indignam Apostolo es-
 se dicit in præfatione ad Epistolas
 Jacobi, Petri, & Joannis. Et Lu-
 therum hac in parte, sequuntur
 Brentius, Chemnicus, & Cen-
 turiatores Magdeburgenses. Præ-
 terea si Lutherani Epistolam S. Ja-
 cobi pro Canonico Scripturæ Sa-
 cræ libro habent, manifestè cor-
 ruit ille articulus fidei Lutheranæ.
 Quodd sola Fides sufficiat ad salu-
 tem æternam obtinendam. Expres-
 sè siquidem in hac sua Epistola
 cap. 2. v. 24. hic Apostolus ait:
Videtur, quoniam ex operibus justi-
ficatur homo, & non ex Fide tan-
*tum.**

tum. & v. 14. *Quid proderit fratres mei, si Fidem quis dicat se habere, opera autem non habeat, nunquid poterit Fides salvare eum?* Apocalypsim quoque Lutherus, & Calvinus simpliciter rejiciunt, & Lutherus quidem in præfatione antiquiori novi Testamenti scribit, se Apocalypsin neque pro Prophetia, neque pro Apostolico libro recipere. Ergo si ut tu dicis, Lutherani Apocalypsin, & S. Jacobi Epistolam pro Canonicis libris habent, recedunt à doctrina Lutheri.

Quærebam 2. Quòd si non omnes libri Scripturæ Sacræ approbati ab Ecclesia Romana sunt veri & Canonici Sacræ Scripturæ libri, unde sciunt, quòd Ecclesia non erraverit, approbando Evangelium Matthæi, Lucæ, Marci, & Joannis, & reprobando aliorum
 Autho-

Authorum Evangelia, ut Bartholomæi, & Nicodemi. Respondes: *Ex genuinis crytirijs in ipsa Scriptura contentis.* Sed rursus nihil ad rem, nihil ad propositum. Quæro enim ex te, unde probas, te habere genuinum *crytirion* in discernendis Scripturæ Sacræ libris, quoniam sint ex ijs Canonici, & qui apocryphi? tale enim *crytirion* dicebant se habere etiam alij Hæretici, & tamen etiam Lutheranorum iudicio graviter à veritate aberrârunt. Sic *Alogiani* Hæretici teste Epiphanio, Hæresi 51. tres tantum Evangelistas recipiebant, Matthæum scilicet, Marcum, & Lucam, Joannem verò utpotè sibi contrarium repudiabant. Sic *Ebionite* solum Matthæi Evangelium admittebant. Sic *Cherinthius* Hæresiarcha, solum Marcum. Et *Marcion* solum Lucam in pretio habebant,

bebant, nec defuerunt Hæretici, qui librum Actorum Apostolorum ex librorum Canonicorum numero, expunctum esse volebant. Alij Epistolas S. Pauli ad Timotheum, & Titum respuebant, alij omnes Epistolas omninò ejusdem S. Apostoli apocryphas esse contenebant. Ergo privatum hoc *crytirion* seu privatus hic spiritus non est infallibile discerniculum, quænam Scripturæ Sacræ libri sunt Canonici, & qui apocryphi, & tamen etiam illi se genuinum *crytirion* in ipsa Scriptura contentum habere jactabant. Ad finem hujus Dilemmatis addideram; Si Ecclesia erravit in approbatione aliquorū Scripturæ Sacræ librorum, ut Lutherani existimant, cur non etiam in approbatione quatuor Evangeliorum? Respondes: *Sic cornutus scarabeus magis cornupeta evasit.* Videat quæso benevo-

nevolus Lector, an hæc responsio
sit ad rem & ad propositum? non
magis certè ea quadrat ad meam
quæstionem, quàm pugnus ad
oculum.

§ XII.

Quæstiones ex Duodecimo Di- lemmate.

IN hoc Dilemmate quærebam i.
Apocalypsis, vel est liber apo-
cryphus, vel Canonicus? Si Cano-
nicus: Ergo & libri Machabæo-
rum sunt Canonici. Respondes:
Quæ consequentia? an illa? *Bacu-
lus in angulo, ergo cras pluet.* Ve-
rùm hæc tua responsio est tan-
tùm sarcastica argumenti mei ex-
plosio. Unde si vellem tecum in-
urbanitate concertare, congruen-
tius inferrem hanc consequentiam.
Baculus stat in angulo, ergo qui
tam malè respondet ut tu, con-
sequenter

entiendus est illo. Consequentiam igitur argumenti mei probo eodem argumento, quo S. Augustinus Alogianis Hæreticis probabat librum Actorum Apostolorum esse librum Canonicum Scripturæ Sacræ, sic illud proponendo: Libri Evangeliorum ex ea ratione censendi sunt libri Canonici Scripturæ Sacræ, quia ab Ecclesia sunt ut tales declarati. Atqui etiam liber Actorum Apostolorum est ut liber Canonicus ab Ecclesia declaratus, ergo est liber Scripturæ Sacræ Canonicus. In quo argumento S. Augustini ego subsumo: atqui etiam liber primus, & secundus Machabæorum est æquè declaratus ab Ecclesia Canonicus ac Apocalypsis. Ergo bene concludo: Quod si Apocalypsis est Canonicus, etiam libri Machabæorum sunt Canonici. Ad illud, ubi addebam: cum sit

par utriusque ratio. Respondes:
Quæ ratio an irrationalis? Ego au-
 tem ostendo esse rationalem ratio-
 nem, nam ubi est eadem ratio for-
 malis, ibi etiam est consequentia
 ejusdem rationis. Hic autem est
 eadem ratio formalis pro libris Ma-
 chabæorum, quæ est pro Apoca-
 lypsi, quòd sit liber Canonicus,
 nempe Authoritas Ecclesiæ, & il-
 lius approbatio & declaratio. Ergo
 utriusque est par ratio. Ergo bene
 intuli, quòd si liber Apocalypsis sit
 liber Scripturæ Sacræ Canonicus,
 etiam libri Machabæorum sunt Ca-
 nonici. Unde ulterius inferebam,
 ergo cum Catholici ex libro Ma-
 chabæorum probant, orationem
 pro defunctis esse sanctam & salu-
 brem, non debent adversarij recur-
 rere ad illam exceptionem: Quòd
 libri Machabæorum sint Apocry-
 phi.

Quæ-

Quærebam 2. Quòd si liber Apocalypseos sit apocryphus (uti Lutherus tenet & multi Lutherani cum illo) quomodo ex eo nituntur (licet perperam) probare adversarij Pontificem Romanum esse Antichristum. Respondes: *Sit Apocalypsis liber apocryphus, vobis tamen Papistis est Canonicus, vosq; ex vestra opinione graviter ferit, an firmitas argumenti ad hominem ignota est?* Repono: Bene quidem novi, quid sit argumentum ad hominem, & quæ sit illius firmitas. Sed hîc nullum video tale argumentum ad hominem: Fuere siquidem ab initio ferè Ecclesiæ quàm plurimi explanatores & interpretes Scripturæ Sacræ sapientissimi atque doctissimi, ipsiusque etiam libri Apocalypseos, & nulli vel in mentem venit, ex illo probari posse Pontificem Ro-

manum esse Antichristum. Primus fuit Lutherus, qui ex vehemētissimo rancore ac vindictæ cupiditate aliquos ex Apocalypsi textus, quos ipsemet non intelligebat, ad confirmandam hanc falsitatem cœpit detorquere, & juxta proprii malesani cerebri dictamen interpretari. Igitur ex Apocalypsi non potest formari contra Catholicos argumentum ad hominem, Catholici enim, qui admittunt, Apocalypsin esse ~~librum~~ ^{Canonicum} Scripturæ Sacræ, negant vestram ejusdem interpretationem esse veram, utpotè interpretationi SS. Patrum & primitivæ Ecclesiæ prorsus dissonam. Et sic tua argumentatio est ad neminem, non ad hominem.

§ XIII.

Quaestiones ex Decimo tertio Dilemmate.

IN hoc Dilemmate quærebam 1.

Vel Lutherus, aut Calvinus fuerunt fallibiles in sua doctrina vel non? Respondes: *Fuisse fallibilem*

B. Lutherum, quia hominem concedis, quatenus cum, & ex verbo Dei locutus est, negas. Verum quid

hoc aliud est dicere, quam concedere, quod mendacissimus homo mentiatur quidem in quantum

est talis homo, non tamen quando conformiter ad rem & ad conceptum loquitur. Deinde, quando

Luthero præponis literam B. tu fortassis intelligis, locò B. Beatum, quod ego præstare non possum

salvâ conscientia, & salvâ rectâ mente. Quid si igitur legerem

Beanum, vel hoc adhuc deterio-
rem, esse enim Hæresiarcham est
quid deterius in Academijs quàm
esse Beanum.

Pergo ulterius in Dilemmate:
Si ita : hoc est si Lutherus fuit
fallibilis in sua doctrina, ergo &
tu es fallibilis, si recedis à Luthe-
ri doctrina in tuis opinionibus. Re-
spondes : *Concedo quatenus homo
sum fallibilis, non quatenus Dei Ver-
bo nitor.* Repono: Non esse dubium,
quòd, quando dicis verum, tunc
non mentiaris, sed hoc ipsum ti-
bi restat probandum, quòd id,
quod dicis, nitatur Verbo Dei, &
quidem clarè, ac expressè scripto.
Igitur alio modo proponam tibi
hoc Dilemma : Vel Lutherus de-
ceptus est, quando iudicabat do-
ctrinam suam Verbo Divino ni-
ti, vel non? Si ita : Ergo & tu po-
teris decipi, quando recedis à do-
ctrina.

doctrina Lutheri, & judicas doctrinam tuam Dei Verbo niti, ergo non habes certitudinem infallibilem de veritate tuæ doctrinæ.

Pergo jam ad alteram partem Dilemmatis. Si Lutherus non fuit fallibilis in sua doctrina, ergo tu Lutherane, omnia illa, quæ Lutherus tenuit & docuit, debes admittere. Respondes: *Utique si verba Lutheri rectè accipiantur.* Respondo: Certè rectiùs accipi non poterunt, quàm si in eo sensu accipiantur, in quo sensu à Luthe-ro prolata sunt.

Videamus proinde, quomodo tu doctrinam illius explices: Primò igitur subsumpseram: Atqui Lutherus docuit etiam foeminas ad Sacerdotium promoveri posse. Tomo 2. latine impresso Wittembergæ anno 1546. fol. 305. Ad hoc respondes: Lutherum illic loci docere,

Solum hoc fieri posse si extrema necessitas id requireret; qualis esset in Ecclesia plantanda, vel ubi non adessent viri fideles, ut in Monialium Monasterio. Repono: Calvam hanc esse tuam excusationem primò: Quia Lutherus nunquam sollicitus fuit de Ecclesia plantanda inter paganos & Gentes, sed solum de Ecclesia veteri destruenda, multò minùs autem laborabat de profectu Spirituali Monialium, sed magis de illis ex Monasterio extrahendis, ergo locutus est de foeminis generaliter, & sinè his limitationibus, sexui huic in omnibus complacere volens.

Subsumebam secundò. Arqui Lutherus docuit, Christianos omnes absque ulla conditionis aut sexùs distinctione esse peræquè Sacerdotes. in libro de captivitate Babylonica, & tomo 7. Wistemberg.

bergæ impresso latinè anno 1557.
folio 249. Respondes: *Lutherum
hoc in puncto rectè docere, & ipsius
doctrinam consentaneam esse Sacrae
Scripturae Apocalypsis 1. v. 6. Sunt
siquidem omnes Christiani absque
ulla conditionis aut sexûs distinctione
spirituales sacerdotes. Et 1. Pe-
tri 2. v. 9. Qui seipsos Deo in ho-
locaustum offerunt.* Repono: Re-
vera Ecclesia Lutherana est mira-
bilis, imò & incredibilis, nam an-
te Lutherum fuit invisibilis, sacer-
dotes defactò habet sinè numero,
sed pariter invisibiles, quia spiritua-
les, interpretes Scripturae occultis-
simos, nempe uniuscujusq; propriû
& privatum spiritum, successionem
Pastorum & doctrinae invisibilem,
qui ante Lutherum nusquam f.ê-
re & nunquam. Deinde nunquam
fuit controversia mota inter Lu-
therum & Catholicos de talibus

mysticis sacerdotibus, sed de ijs, qui fuerunt ordine, munere, officio, potestate ac dignitate Sacerdotali præditi. Addis deinde: *Non esse tamen omnes Christianos absq̃ ulla conditionis aut sexûs distinctione, in eo sensu, ac si illis sine vocatione, sacra ministerij Ecclesie munera, publicè & ordinariè peragere liceret.* Repono: Aliquid ad rem in hac responsione videris dixisse, dum ais: *Non posse omnes omnino Christianos sine ulla conditionis aut sexûs distinctione propriè dici Sacerdotes* (quæ tamen etiam propositio est opposita Lutheri doctrinæ) sed statim eandem destruis, cum eam sic limitas, *ac si illis sine vocatione Sacra Ministeria Ecclesia publicè & ordinariè peragere liceret.* nam hinc infertur. Ergo suppositâ vocatione (quæ apud vos nihil aliud est, quàm invitatio per

lite-

Literas ad munus Pastorale) sinè ulla ordinatione speciali licebit omnibus Christianis, sinè ulla conditionis, aut sexûs distinctione, munus Sacerdotale peragere: & etiam sinè hac vocatione, sed tamen privatim, & extraordinariè. Ego autem assero: In Lutherana Ecclesia nullum omninò esse verè, & propriè Sacerdotem (nisi qui apud Catholicos priùs ordinatus fuisset) Quia de ratione Sacerdotij est potestas remittendi peccata, & conficiendi Corpus & Sanguinè Christi in Eucharistia. Apud vos autem in Pastorem Ecclesiæ ordinatus, nullus hanc potestatem accipit, nec ordinans eam conferre intendit; sed neque ipsemet illam habet (nemo autem dat alteri, quod non habet) nec eam intendit suscipere ordinatus, sinè intentione autem ordinantis, & ordinandi, Sacramentum Ordinis va-

lidè non suscipitur, uti nec finè potestate Ordinantis. Ergo.

Sumpseram 3. Lutherum docuisse: Polygamiam licitam esse, id est licere viro plures uxores habere. In propositionibus de Bigamia Episcoporum prop. 61. 65. 69. Respondes: *Lutherum ibi loqui de Polygamia successiva, non simultanea.* Sed non satisfacis: nam Lutherus in Caput 16. Genesis, non obiter, sed ex professo disputat: utrùm Christianis liceat Exemplo Abrahamæ plures simul uxores habere? ac tandem respondet: id neque esse præceptum, neque prohibitum, sed liberum; ergo frustra eum excusare conaris per Bygamiam successivam. Hæc enim semper fuit, & nunc est licita apud Christianos, ergo non potuit vocari à Luthero in disputationem, & proponi inter propositiones concertationi publicæ
 expo-

expositas. Demum has propositiones & doctrinam Lutheri multi Doctores Theologi Catholici oppugnare susceperant, quæ autem materia fuisset oppugnationis, si is locutus fuisset solum de Bygamia successiva, de qua nullus dubitat.

Subsumptam 4. Atqui Lutherus docuit, licere marito, uxori debitum conjugale deneganti dicere: si tu nolueris, alia volet: si domina nolit, adveniat ancilla. Tomo 1. Wittembergæ impresso anno 1554. Sermone de matrimor. folio 123. Respondes: *Lutherum ibi loqui de incorrigibili debiti conjugalis denegatione seu malitiosa defectiōe, quâ etiam in domo conjux à mensa & thoro se malitiosè separat, tunc interveniente confessorio vel iudice spiritali pars innocens, hoc admonendo potest dicere, & aliam uxorem obtinere exemplo*
Asue-

Asveri. Verum non satisfacis, non enim Lutherus docet id solum comminando uxori dicendum: quod eandem ob pertinaciam in reddendo debito conjugali velis consistorio vel Judici Spirituali deferre, sed peremptorie: si tu nolueris, alia volet: si domina nolit, adveniat ancilla. Deinde interveniente etiam consistorio, vel Judice Spirituali, si ob gravissimas causas conjuges debent separari. tantum quoad thorum possunt separari, non verò etiam quoad vinculum, ita ut iisdem liceat, alia inire matrimonia, de ratione siquidem & essentia matrimonij est perpetuitas, nam *Quos Deus conjunxit, homo non separet.* Matt. 19. v. 6. *Et quicumque dimiserit uxorem suam, & aliam duxerit, adulterium committit super eam.* Marci 10. v. 11. Et Apostolus ad Roman.

man.

man. 7. v. 2. ait: *Quæ sub viro est mulier . vivente viro alligata est legi , si autem mortuus fuerit vir ejus , soluta est à lege viri , igitur vivente igitur viro adultera vocabitur , si fuerit cum alio viro.* Exemplum verò, quod adfers de Asvero Rege, nihil est ad propositum, aliàs enim sequeretur, quòd maritus plures etiam uxores, possit superinducere exemplo Asverì.

Sumpseram s. Atqui Lutherus docuit: Nefas esse Christianis, bellum contra Turcas gerere. Tom. 2. Latín. Wittemberg. art. 34. Respondes: *Putas si injusta causa subsit , aut incommode suscipatur. Verùm non satisfacis, neque eundem satis excusas.* Nam Lutherus universaliter , & sinè his limitationibus loquitur hac de re , dum ait: *Præliari contra Turcas , est repugnare Deo, visitanti iniquitates nostras.*

Aras. Item : Qui habet aures audiendi audiat , & à bello Turcico abstineat. Atque ex hac pestilenti doctrina , id consecutum est, ut scribit Coclaeus in actis Lutheri. Quod Ludovico II. Regi Hungariæ , nullæ suppetiæ , à Germaniæ Principibus contra Turcam datæ fuerint , quibus is destitutus, miserè in prælio ad Mohacz interijt , & tota ferè Hungaria subjugum Turcicum missa est. Et his adhuc non obstantibus, erunt aliqui tam protervi in Hungaria, qui hujus proditoris Christianitatis ac Hungariæ, doctrinam sequantur & tueantur? Proh dolor! proh pudor! Deinde tempore illo, quo Lutherus hoc docuit, suberat justissima causa belli Turcici, siquidem tunc Hungaria injustissimè invasa fuit à Turcis, & qui toti Christianitati tunc immincebant, neque erat

erat bellum offensivum, sed defensivum. Frustrà igitur, etiam quoad hoc punctum, ab errore & malefana doctrina, eum excusare niteris.

Subsumpseram 6. Atqui Lutherus docuit tria esse Sacramenta: lib. de Captivitate Babylonica, Respondes: Ita, *Sed lato modo sumpto Sacramenti vocabulo*. Verùm non satisfacis: Nam si lato modo sumatur vocabulum Sacramenti, multò plura erunt Sacramenta quàm tria: Nomine siquidem *Sacramenti* lato modo sumpti significatur primò. Omnis Cæremônia, quâ homines sacris initiantur. Secundò. Omne Arcanum & Secretum. Tertiò signum externum rei Arcanz & latentis. Quartò. Pignus à litigantibus in loco sacro depositum. Quintò. Solenne Juramentum, quo quis Deum in testem invò-

invocat. Sexto. Omne Myſterium. Deinde hoc loco locutus eſt Lutherus de Sacramentis Eccleſiæ propriè dictis, horum ſiquidem numerum oppugnabat, vel ſaltem in dubium revocabat, qui tamen uti in alijs rebus, ita & de numero Sacramentorum fuit inconfantiſſimus. Nam initio ejusdem libri dicit eſſe unum tantum Sacramentum ſi ſecundum uſum Scripturæ loquendum ſit. Ibidem iterum ait: Non eſſe quidem Septem Sacramenta, ſed pro tempore Tria eſſe ponenda, ruruſus in medio libri de Confirmatione ſcribit: ſe non damnare Septem Sacramenta, ac demum in fine ejusdem libri aſſerit, ſi rigidè loqui volumus duo eſſe tantum Sacramenta. Ita ſententias ſuas mutabat Lutherus prout magiſ vel miniùs erat temulentus à cereviſia Saxonica.

Sub-

Subsumpseram Septimò. Atqui
 Lutherus asserit se admodum cer-
 tum esse Purgatorium dari Tom. 1.
 Wittemberg. Latin. fol. 12. par. 1.
 Sufficere Communionem sub una
 specie Tom. 7. for. 17. part. 2. Non
 prohiberi invocationem Sancto-
 rum Tom. 1. latin. Wittemberg.
 anno 1549. Et Beatissimam Virgi-
 nem posse invocari. Tom. 6. fol. 21.
 part. 2. super Magnificat. Ergo.
 Respondes : *Hac adhuc ut Papista*
& secundum quid asserit , deinde
illuminatus mentem mutavit. Re-
 pono : Rectius fortassis posuisses
locò deinde mentem mutavit, de-
 inde mente captus fuit , sed hâc
 responsione non satisfacis. Hinc e-
 nim sequeretur , quòd dum op-
 pugnare cepit Ecclesiam anno 1517.
 non fuerit illuminatus à Spiritu
 Sancto , sed instigatus à spiritu
 malo, Deinde multa ex enume-
 ratis

ratis scripsit longè post suam ab Ecclesia Apostasiam, quis igitur illum credet tamdiu in Lutheranismò Papistam mansisse. Demum quo anno igitur illuminatus est, à Spiritu Sancto? Et quid si diutius vixisset, magis fortassis illuminatus fuisset, & plura quæ docuit, revocasset, sicut constat eum de Sacramento Eucharistiæ, aliud ante mortem sensisse, quàm priùs docuerit. Frustrà igitur te fatigasti bone Japhet in contegenda nuditate, nequam tui Parentis Lutheri. Prudentius longè fecit, alter refutator horum Dilemmatum, dum rotundè ad hanc meam quæstionem respondet : *Lutheranos non jurare supra verba Lutheri*. Atque sic se eliberavit, & extricavit à molesta & violenta explicatione scurrilis & inconnexissimæ doctrinæ Lutheri, sed in alteram partem

Dilemmatis se se intricavit, nempe: Quòd si Lutherus fuit fallibilis in sua doctrina, etiam moderni Lutherani dissentientes à doctrina Lutheri sint fallibiles, adeoque nullam certitudinem habeant de veritate suæ doctrinæ. Addidi ad finem Dilemmatis hujus, Lutherum docuisse alia quoque plurima, quæ Lutherani defacto non admittunt, qualia sunt sequentia:

1. Teneri Fideles diebus Festivis audire Missam Tom. 1. latin. folio 18. part. 2. *in Expositione Decalogi.*
2. Vota Deo facta servanda esse, Tom. 6. fol. 182. part. 1. *de votis Clericorum & Religiosorum.*
3. Sanctam Ecclesiam Romanam in omnibus sequendam esse, Tomo 7. fol. 14. part. 1.
4. Mandata Dei servari posse per gratiam Dei, Tom. 5. fol. 493. part. 1.
5. Ecclesiam Christianam errare aut falsum docere

docere non posse, Tom. 7. fol. 562.
 part. 1. de Vera antiqua Ecclesia.
 6. Ecclesiam Romanam præ alijs
 omnibus esse honorandam, Tom. 7.
 part. 2. 7. Confessionem peccato-
 rum Confessario esse faciendam,
 Tom. 7. fol. 11. part. 2. *in concione
 super preparatione ad Sacramen-
 tum.* 8. Ordinem esse Sacramen-
 tum, Tom. 1. latin. Wittemb.
 fol. 221. in Resolutionibus. 9. Ma-
 trimonium esse Sacramentum, To-
 mo 5. fol. 127. part. 1. in Cap. 24.
 Genesis. 10. Confirmationem esse
 Sacramentum, Tom. 7. folio 34.
 part. 1. Unde concludo Luthera-
 nos modernos, non tantum ab an-
 tiqua Romana Ecclesia, sed etiam
 ab ipso Luthero, & ejusdem pri-
 ma doctrina defecisse, ac descis-
 visse.

§ XIV.

Quæstiones ex Decimoquarto Dilemmate.

HOc Dilemma sic proposueram:
 Vel datur aliquis Hæreticus,
 vel non datur? Si non, Ergo ver. gr.
 Arius non fuit Hæreticus, nec Ma-
 nichæi fuerunt Hæretici. Ergo om-
 nes Hæretici sunt Orthodoxi. Er-
 go nullum datur discrimen inter
 Hæreses & doctrinam Veræ Chri-
 sti Ecclesiæ. Si ita? Quæro: Unde
 scis Arium fuisse Hæreticum? non
 aliunde certè quàm quòd ut talis
 per Concilia fuerit declaratus ab Ec-
 clesia? Respondes: *Quasiverò sola*
damnatio à Concilio facta hæreti-
cum efficiat. Atqui Menandriani,
Saturniani, Ebionita, & alij in quo
Concilio damnati sunt? Ergo isti Hæ-
retici non erant: En antiquissimo-

G

rum

*rum Hæreticorum Rabulam cornige-
rum Tyrnaviensem?* Repono: (Dis-
simulato interim ultimo tuo in me
scommate) Et dico te meam pro-
positionem non satis intellexisse.
Non enim intende-bam evincere,
quòd non possit re ipsâ esse Hæ-
reticus sinè declaratione Conci-
lij, scio siquidem dari internas Hæ-
reses, dari pariter occultas, & pri-
vatas opiniones Hæreticas, sed
neque id fieri posse, ut pro singu-
lis novis, & erroneis in Fide do-
gmatibus nova Concilia, præser-
tim Generalia ab Ecclesia indican-
tur, ac convocentur. Nam solùm
post Ultimum Concilium Generale
nempè Tridentinum, tot serè sunt
exortæ novæ Hæreses, quot evolu-
ti sunt anni ab illius terminatio-
ne. Verùm hoc loco volui tantùm
id demonstrare: Quòd omnis ille
qui ab Ecclesia declaratur per Con-
cilia

cilia Generalia esse Hæreticus, pro
 tali habendus sit ac omnibus Fide-
 libus, nec aliunde aliquis haberi
 debet pro publico & notorio Hæ-
 retico, nisi is, vel ejus doctrina
 sit ut talis declarata ab Ecclesia.
 Atque sic per Concilium Nicæ-
 num declaratus est Hæreticus A-
 rius. Per Concilium Constantino-
 politanum primum, Eunomius &
 Macedonius. Per Concilium Chal-
 cedonense Eutiches, per Conci-
 lium II, Nicænum Iconoclastæ, &
 eadem ratio est de alijs Hæresiar-
 chis & Hæresibus Reassumo igitur
 idem argumentum sic: Arius
 ideo habendus est pro publico, &
 notorio Hæretico, ab omnibus fi-
 delibus, ejusque doctrina Hæreti-
 ca, quia ut talis ipse, & illius do-
 ctrina est declarata ab Ecclesia, per
 Concilium Generale nempe Nicæ-
 num primum. Subsumo jam: At-

qui etiam Lutherus, & Calvinus declarati sunt ut Hæretici & eorundem doctrina ut Hæretica ab Ecclesia per Concilium Generale Tridentinum. Ergo etiam Lutherus & Calvinus habendi sunt pro publicis, & notorijs Hæreticis, & Hæresiarchis, & illorum doctrina Hæretica, & spero quòd in majori propositione hujus argumenti sic explicata, non facies ampliùs difficultatem. Subsumpta igitur minor tibi restabit si non solvenda, saltem arrodenda. Obsecro autem te, ne pro disparitate inter Concilium Nicænum, & Tridentinum mihi adducas: Quòd illud fuerit in Oriente, & hoc in Occidente, illud in Bythinia, hoc autem in Tyroli. Quia hæc disparitas nihil esset ad propositum & nihil ad rem. Igitur ad illam sic respondes: *Bona verba queso? Hoc modo*

modo & Athanasius, omnium Hæreticorum pessimus evadet, quia non tantum ab aliquot Concilijs, sed etiam toto Orbe condemnatus est, injustissimum autem Concilium Tridentinum fuisse, ex ipsis Hungaria Episcopis, Andreas Dudithius ostendit. Repono: Tria sunt, quæ in hac tua inepta responsione observo. Et primò petis: Bona verba, Libenter hæc tibi do, & precor, ut bonorum verborum non tantum sis Auditor, sed & observator juxta doctrinam S. Jacobi Apostoli: Charissimi, estote factores verbi, & non auditores tantum, fallentes vosmetipsos, quia si quis auditor est verbi, & non factor, hic comparabitur viro consideranti vultum nativitatis sue in speculo: consideravit enim se & abiit, & statim oblitus est qualis fuerit Jacobus 1. Secundò ais: Hoc modo &

*Athanasius omnium Hæreticorum
 pessimus evadet, quia non tantum
 ab aliquot Concilijs, sed etiam toto
 Orbe condemnatus est. Repono: &
 dico S. Athanasium à nullo Con-
 cilio, taceo ab aliquot Concilijs
 condemnatum fuisse, sed tantum
 ab aliquot Conciliabulis vel po-
 tiùs Conventiculis Arianorum, ex
 invidia, & rancore, ex eo, quod
 in Concilio Nicæno Fidem Ortho-
 doxam & Catholicam strenuè pro-
 pugnáset, & ideò ab illis de Sede
 sua Alexandrina, pulsum & ad exi-
 lium condemnatum fuisse, non ob
 erroneam doctrinam in Fide (con-
 stat siquidem ipsum usque ad obi-
 tum, in Fide Orthodoxa perman-
 sisse) sed ob falsas, & confictas in
 eum Arianorum criminationes:
 Qui ab eadem sua Ecclesia, fraude
 & dolo ac malevolentia eorundem
 Arianorum sæpè ejectus, sæpè in
 can-*

eandem & Julij Romani Pontificis auctoritate, & Constantis Imperatoris patrocinio, ac Concilij Sardicenis, ac Jerosolymitani decretis restitutus est, ac in eadem pijsimo fine quievit, postquam multa piè, & ad illustrandam Catholicam Fidem præclara scripsisset, sexque & quadraginta annis in summa temporum varietate Alexandrinam Ecclesiam sanctissimè gubernasset. Tertiò ais : *Injustissimum Conciliabulum Tridentinum fuisse ex ipsis Hungaria Episcopis, Andreas Dudithius ostendit.* Respondo : Hæc ratione etiam Arius Nicænum Concilium, in quo damnatus est, & omnes Hæresarchæ contra illa Concilia, à quibus damnati sunt eandem exceptionem potuissent facere. Quo autem argumento tu Concilium Tridentinum injustissimum fuisse probas,

non aliud adducis, quàm quòd Andreas Dudithius, unus ex Episcopis Hungariæ, qui eidem Concilio interfuit tale fuisse ostendit, vel potius effutivit. Ita, dum cæcus cæco ductum præstat, ambo in foveam cadunt. Itaque cujusnam momenti sit autoritas in hoc puncto Andreæ Dudithij, videamus: Fuit is natione Húgarus Episcopus Quinque-Ecclesiensis, Imperatori Maximiliano, dum vixit percharus, pro quo multas de gravissimis rebus Legationes, magna cum laude obivit. Tandem cùm in Legatione ad Sigismundum Regem Poloniæ, nobilem puellam *Sophiam Gonisellam* nomine vidisset; formæ captus pulchritudine, sic repentè ejus amore exarsit, ut dummodò eâ potiretur, omnia susque deque habere, adeoque Religionem potius deserere decrevit, siquidem aliter
 ejus

ejus potiundæ spes nulla esset, ver-
recundia tamen, & conscientia a-
liquamdiù eum retinuit, sed su-
perante concupiscentiâ pudorem,
eandem in matrimonium duxit,
& sic ex Hungaria primò in Po-
loniam, deinde in Silesiam com-
migravit, nullam certam Religio-
nem in tanta confusione professus,
sed pariter omnes, etiam illam cui
nomen dederat Calvinisticam sci-
licet (hanc enim Lutheranae Re-
ligioni præferebat) irridens. In E-
pistola quadam ad Bezam, qui Poë-
mata sua ipsi dedicârat, ingenuè
fatendo: Romanam Ecclesiâ non
ita ut Novam Evangelicam in tot
factiones, ac Sectas distractam,
& plausibili insuper Venerabilis
Antiquitatis, & perpetui consen-
sûs fundamento esse subnixam,
Quod si Patrum in doctrina con-
sensus, sit ipsa veritas, eam pro-
cul-

in dubio, stare à Papistarum partibus, ortis enim inter doctos in Papatu, de quacunque re disputationibus, statim, vel Conciliorum decretis, vel Pontificum auctoritate, controversias omnes componi. Non igitur Dudithius ob veritatem Doctrinæ Novæ, sed ob carnis illecebras à Fide Orthodoxa apostatavit, & ex novis Sectis non ad Lutheranicam, sed ad Calvinianam transivit, quamvis & hanc postmodum deseruit, nullaque Religio ex novis eidem placuit, ad antiquam tamen Fidem non rediit, & sic miserè obiit. Vide Florimundum Ræmundum in Historia de progressu, & ruina Hæresum prioris Sæculi li.4.f.578. Vide jam quantū te juvat in tua responsione infamis viri istius autoritas.

Ad finem hujus Dilemmatis addideram: Nec aliunde probabit
Luthe-

Lutheranus Arianum esse Hæreticum (nisi ex definitione & declaratione Conciliorum) Nam quidquid adducit pro se Lutheranus , quòd non sit Hæreticus , id etiam adducere potest , & eodem jure pro se Arianus & quilibet Sæctarius Respondes ad primam partem hujus puncti : *Ex Sacra Scriptura probabit.* Repono : Qualiter quæso eum ex Scriptura Sacra convinces esse Hæreticum ? Fortassis dices , tali argumento : Quicumque , docet aliquid quod est contra claram Scripturam Sacram , est Hæreticus ; Ariani docent talia , quæ sunt contra claram Scripturam Sacram : Ergo Arianus sunt Hæretici. Ad hoc argumentum respondebit Arianus concedendo majorem , negando minorem , & petet sibi probari minorem ex clara Scriptura Sacra.

Eam tu conaberis sic probare: Ariani credunt & docent Filium in Divinis non esse æqualem Patri, docent Deum non esse unum & Trinum. Hæc sunt contra claram Scripturam Sacram. Ergo Ariani docent talia, quæ sunt contra claram Scripturam Sacram: Arianus concedet hujus argumenti majorem, negabit verò minorem. Probabis tu sic minorem. Ex Scriptura Sacra 1. Joan. 5. v. 7. *Tres sunt qui Testimonium dant in Cælo: Pater, Verbum, & Spiritus Sanctus, & hi Tres unum sunt.* Et inferes: Ergo Deus est Unus in Essentia & Trinus in Personis. Item Joan. 10. v. 30. *Ego & Pater Unum sumus.* & inferes: Ergo Filius est æqualis Patri & idem in Essentia & Substantia. Respondebit Arianus explicando citatos Textus. In illis ly *Unum* accipiendum non essen-

essentialiter sed moraliter, hoc est :
 Pater, Verbum & Spiritus Sanctus.
 Item Pater & Verbum unum sunt,
 consensu, mente, & voluntate;
 sicut in Actis Apostolorum legi-
 tur c. 4. v. 32. *Multitudinis autem
 credentium erat cor unum, & a-
 nima una.* Dices tu Ariano: Tex-
 tus hos explicandos esse de Uni-
 tate Essentiæ, & Substantiæ, sicut
 eosdem explicuerunt veteres San-
 cti Patres, & quatuor Primitivæ
 Ecclesiæ Concilia. Respondebit ti-
 bi Arianus; Vos Lutherani, quan-
 do contra vos adducunt Catholi-
 ci Interpretationem veterum San-
 ctorum Patrum, vel Conciliorum
 Primitivæ Ecclesiæ, eam non acce-
 ptatis: Ergo multò minùs, quando
 vos eam contra nos adducitis, tene-
 mur illam acceptare Verum pro-
 inde est, Lutheranos non posse pro-
 bare Arianos esse Hæreticos, ex sola
 Scriptura Sacra. G 7 Ad

Ad alteram partem meæ illationis, nempe: *Nam quidquid adducit pro se Lutheranus, quod non sit Hæreticus, id etiam adducere potest & eodem Jure pro se Arianus & quilibet Sectarius.* Respondes: *Hoc non ita nudè asserendum, sed probandum erat.* Verùm hoc in puncto tibi incumbit probatio, non mihi. Mea siquidem hæc Thesis est: Lutheranus non potest pro se adducere tale argumentum, quo probet se non esse Hæreticum, quod non possit etiam Arianus eodem Jure pro se assumere, & probare se non esse Hæreticum. Unde sic arguo: Vel potes tale argumentum adducere, vel non potes: Si secundum: Ergo vera est mea propositio, quam tu negas. Si potes, quæso ut illud adducas: Nam si esset aliquod argumentum tale; esset vel maximè hoc: Quod
illa

illa doctrina non sit Hæretica, quæ est ad amissim & per omnia conformis Scripturæ Sacræ. Talis est Lutherana Religio. Ergo. Ast Ariæus ponet eandem majorem & subsumet, idque æquali jure. Talis est Ariana Religio, Ergo. Si tu cites pro veritate tuæ Sectæ aliquos Scripturæ Sacræ Textus: Ariæus quoque citabit pro veritate suæ Sectæ Scripturæ Sacræ Textus. Urgebis. Ariæum non accipere citatos Textus in vero sensu, idem dicet Ariæus de Lutherano. Instabis te habere crytirion, & dictamen privati spiritûs quod sic interpretari debeant citati à te Scripturæ Sacræ Textus, sicut eos tu interpretaris. Respondebit Ariæus, se quoque habere suum crytirion, & privati spiritûs dictamen, quod non debeant sic interpretari, Sed sicut ipsemet eosdem inter-

ter-

terpretatur. Ergo quidquid adducet Lutheranus ad probandum quòd non sit Hæreticus, id totum pro se adducere potest Arianus ad probandum quòd ipse non sit Hæreticus; Ego autem dico: Et Arianum, & Lutheranum esse æquè Hæreticum, & spiritum privatum Arianorum esse mendacem, Lutheranorum verò fallacem, & minimè veracem, ac Interpretationem Scripturæ Sacræ non desumo ex meo privato spiritu, sed sequor Interpretationem veterum SS. Patrum & Primitivæ Ecclesiæ.

§ XV.

Quæstiones ex Dilemmate Decimoquinto.

ULtimum hoc Dilemma sic proposueram: Vel omnes Sæctæ hujus Sæculi sunt veræ, vel una tantum est vera? Si omnes sunt veræ:

veræ : Ergo aliquæ duæ propositiones cotractoriæ , possunt simul esse veræ , quod est absurdissimum & falsissimum. Respondes : *Ita quidem volunt moderati Theologi commodiore nomine Syncretista appellati , unde rectè id sequitur.* Admittis igitur hanc sequelam de Syncretistis , & tamen Syncretistæ pro Lutheranis se gerunt. Vide jam : qualis sit unitas Fidei inter Lutheranos , & in quot alias Sectas sint divisi ? Ita , ut esto constet aliquem esse Lutheranum Religione , adhuc subest dubium , qualisnam Lutheranus sit : utrùm Syncretista , vel Ubiquista , an ex mollibus , an ex rigidis Lutheranis ? vel Confessionista , vel Interimista , vel Quodlibista , vel Adiaphorista ? tu tamen eligis dicere (ut hoc absurdum evites) quòd unica sit tantùm vera inter omnes Sectas , & Reli-

Religiones hujus Sæculi. Jam sic contra te arguo : Si unica tantum est vera ex omnibus Sectis, & Religionibus hujus Sæculi, deberet illa adducere tale argumentum pro sui veritate, quod alia Secta non posset æquali jure pro se allegare.

Quam propositionem tu admittis. Subsumo : Tale argumentum Lutherana Secta non potest adducere contra Calvinisticam, Arianam, Anabaptisticam, &c. Respondes ad hanc subsumptam : *Quare non?*

Provocamus ad Sacram Scripturam, ad quam alia Secta de jure provocare nequeunt, quia ab ea dissentiunt. Repono : Iterum nihil ad rem, & considera quæso, an hoc sit tale argumentum, quod alia

Secta æquali jure, non possint pro se adducere? nonnè, & Calvinistæ provocant in sua doctrina ad Scripturam? Nonnè & Anabaptistæ?

nonnè

nonnè & Ariani? & omnes alia Se-
ctæ? ad rationem autem quam ad-
dis, quòd alia Sectæ non possint
provocare se ad Sacram Scriptu-
ram; Quia scilicet ab ea deficiunt.
Idem omninò, & alia Sectæ di-
cunt de Lutherana Secta, quòd
illa à Scriptura Sacra deficiat. Et
Calvinistæ quidem eam dicent à
Scriptura Sacra ex eo deficere:
Quòd Lutherani Festa Sanctorum
celebrent, & Imagines Sanctorum
in Templis suis retineant: quòd
hostias; & non usualem panem
comunicantibus distribuunt: quòd
Christum ubique etiam secundum
humanitatem esse asserant. Ana-
baptistæ dicent Lutheranos in eo
deficere à Scriptura Sacra: quòd
infantes baptizent: Ariani ex eo,
quòd Filium in Divinis consub-
stantialem Patri, & æqualem cre-
dant, siquidem hæc nullibi sint in
Scri-

Scriptura Sacra clarè expressa.
Cum tamen Lutherani unà secum
teneant, nihil esse credendum, &
tenendum, nisi quod est in Scri-
pturis Sacris clarè expressum.

Conclusi demùm hoc dilemma
hâc illatione: Ergo non est ratio,
cur ex modernis acatholicis Sectis
una alteri præligatur, aut cur u-
na censeatur esse vera, reliquæ ve-
rò falsæ? Respondes ad hanc ul-
timam illationem: *Quia tibi scili-
cet ex tuo cornigera cerebro sic vi-
detur?* Repono: Sicut per decur-
sum tuarum responsionum nihil ad
rem & nihil ad propositum respon-
disti: Ita & hoc tuo Epilogo nihil ad
rem & nihil ad propositum respen-
siones tuas conclusisti. Compello
omnes viros doctos; videant, an hæc
responsio sit digna Regio Montano
Academico? videant inquam, &
rideant. Meo certè & omni sano
cere-

cerebro sic videtur: Quòd ubi non adducitur pro eligenda aliqua parte major ratio, quàm pro altera, non sit ratio cur una alteri præligatur. Lutherani non adferunt majorem rationem pro veritate suæ Sectæ, quàm aliæ Sectæ. Ergo non est ratio cur illorum Secta præ alijs sit eligenda. Adducas quæso hanc majorem Rationem pro veritate Lutheranæ Religionis, & talem quam aliæ Sectæ æquali jure non possunt adducere pro veritate suarum Sectarum. Non occurrat tibi medius terminus pro tali argumento? Quære igitur medium Terminum in ponte Asinino, cum illud non habeas in cerebro.

Postremò dicis te supererogatoriè hoc Dilemma contra me addere: Aut ista cornua(hoc est mea Dilemmata)sunt incisa(per tuas scilicet responsiones)& contrita aut non? Respon-

spondeo : Non tantum non esse à te incisa & contrita , sed nec quidem attrita, imò neque attacta, omnes siquidem tuæ responsiones ad illa, sunt nihil ad rem, nihil ad propositum, sunt sicut pugnus ad oculum, & sicut pro exemplo in X ut Talpa. Et tales ut eas præ illarum indignitate, vix dignatus fuerim refutare, nam revera : omnia membra dolent, quando nihil dicitur ad rem. Subsumis. Si non ? *Ergo reflexa in redhibitionibus.* (sic tu eas vocas, quas nos retorsiones argumentorum dicimus) *ferient fortius adhuc, nam virtus duplicata est fortior.* Respondeo : Ita quidem est, quòd virtus duplicata sit fortior, sed non duplicatus error, aut duplicata falsitas. Error enim non corrigitur per errorem, nec foramen foramine clauditur, neque per multiplicatam falsitatem veritas firmatur.

Vi.

Videamus igitur : cuius roboris sint hæ tuæ redhibitiones seu re-
 torſiones & ſimul oftendamus mo-
 dum quo ſolvere debuiffes mea
 Dilemmata. Ad ſolvenda ſiquidem
 Dilemmata requiritur 1. ut re-
 ſpondens unam partem ex illis eli-
 gat, eamq; ſolido argumento con-
 firmet. 2. ut reſpondeat directè
 ad id quod quæritur. 3. ut non
 reſpondeat per id, quod æquè eſt
 in quæſtione ac fuerit id quod
 quærebatur. 4. ut non reſponde-
 atur idem per idem. 5. ut reſpon-
 deat ad propoſitum & ad meritum
 rei, de qua quæritur. Igitur tua.

Prima Redhibitio eſt hæc.

*Religio hodierna Romana Eccle-
 ſia vel eſt antiqua, vel nova?*

Reſpondeo, eſſe antiquam, nec a-
 liam eſſe hodiernam Religionem

Roma-

Romanam , quàm illam quæ fuit temporibus Apostolorum & primorum quatuor Sæculorum.

Instas & quæris 1. *Si ita antiqua est , quis Apostolorum aut veterum Scriptorum Purgatorium , Indulgentias , Invocationes Sanctorum , Transubstantiationem docuit , aut professus est ? quis veterum Scriptorum , Vicarij Christi , Cardinalium , Præpositi Generalis Jesuitarum meminit ?* Respondeo ad singula directè : Purgatorium dari tenuit & professus est S. Paulus 1. Cor. 3. v. 13. & 75. ut è communi veterum SS. Patrum in hos Textus expositione & interpretatione clarè patet , & nominatim Origenis , Basilij , Hieronymi , Augustini , Ambrosij. Eandem veritatem ipse Christus docuit Matt. 5. v. 26. & Matt. 12. v. 32. Et ex antiquissimis Patribus præter jam citatos.

Ter-

Tertullianus libro de Corona Militis cap. 4. & 5. S. Cyprianus Epistol. 72. ad Antoninum. Lactantius Firmianus lib. 7. Divinarum Institutionum cap. 21. S. Athanasius Quæst. 34. ad Antiochum Principem. S. Cyrillus Hierosolymitanus Catechesi 5. Mystagogica. S. Gregorius Nyssenus in oratione quam de dormientibus habuit. S. Augustinus in quàm plurimis locis.

2. Indulgentiarum (quæ nihil aliud sunt, quàm relaxatio poenarum peccatis jam remissis debitæ) Institutor fuit ipse Christus verbis illis ad Petrum Matt. 16. v. 19. *Tibi dabo Claves Regni Cælorum. Et quodcunque ligaveris super terram, erit ligatum & in Cælis, & quodcunque solveris super terram, erit solutum & in Cælis.* Quibus verbis dedit Christus Petro & ejus successoribus, fideles solvendi

H.

ab

ab omni eo, quod eis Coeli fores
 alioquin occludere possit, uti sunt
 poenarum culpis debitæ & necdū ex-
 solutæ. Hujus autem relaxationis,
 in Ecclesia usus fuit ab ejusdem ini-
 tio, ut constat ex Clemente Roma-
 no Constitutionū Apostolicarum
 lib. 2. capite 16. Concilij Nicani
 Can. 11. Concilij Laodicensis Can.
 2. Tertulliano cap. 6. de poeniten-
 tia. Cypriano lib. 3. Epistolarum.
 S. Augustino in Enchiridio cap. 5.

3. Antiquissimam esse Invoca-
 tionem Sanctorum, ostendi supe-
 rius § 8vo.

4. Transubstantiationem ipse
 Christus Ecclesiæ revelavit cla-
 rissimè asserendo de pane: *Hoc est*
Corpus meum, & de vino seu Ca-
 lice: *Hic est Sanguis meus*. Eandem
 veritatem docuerunt & tenuerunt
 S. Justinus Martyr in sua Apolo-
 gia. S. Irenæus lib. 4. cap. 32. qui
 duo

duo Patres vixerunt primis statim
Sæculis. Tertullianus lib. 4. contra
Marcionem. S. Cyprianus in Ser-
mone de Coena Domini, qui vixe-
runt tertio Sæculo. S. Cyrillus Cate-
chesi 4. Mystagogica. S. Ambrosius
in libro de ijs qui initiantur cap. 9.
Patet igitur doctrinam de Tran-
substantiatione esse antiquissimum
dogma Fidei Ecclesiæ Christianæ.

5. Pontificem Romanum esse
Vicarium Christi, recognovit sem-
per tota antiquitas, ut videre est
apud S. Clementem qui fuit Di-
scipulus S. Petri, in sua Epistola,
apud S. Ignatium Martyrem, in sua
Epistola ad Romanos. S. Irenæum
lib. 3. adversus Hæreses. S. Cypria-
num in cap. Joan. 20. v. 21. Et
alios quàm plurimos quorum Tex-
tus cito in Lutheranico *nusquam*
& *nunquam* num. 44. Illud au-
tem quod adducis de Cardinali-
bus,

bus, & Præposito Generali Jesuitarum nihil penitus est ad propositum : Nam nec numerus, nec nomen Cardinalium, aut Præpositi Generalis Jesuitarum spectat ad articulos Fidei Romanæ. Sufficit quòd Romani Pontifices à prima Ecclesiæ Institutione habuerint semper penes se Viros Sapientes, ac prudentes, & Rerum Ecclesiasticarum ac dogmatum Fidei peritos, quorum utebantur in rebus agendis & Ecclesia gubernanda consilio. Quid tandem quòd tunc non vocabantur Cardinales, qui nihil aliud sunt quàm præcipui ejusdem Ministri, & Coadjutores, ac Consiliarii sic dicti, quod in illis, illorumque Consilio velut in Cardinibus vertatur tota Ecclesiæ Gubernatio. An ideo tu negabis fuisse ante multa Sæcula Monarchiam Hispanicam, & Gallicam,

cam, quòd tunc consiliarij illorum, & ministri non vocabantur *Pares*, vel *Grandes*? vel Romanorum Imperium habuisse Militiam, ex eo, quòd tunc Officiales Militiæ non vocabantur Colonelli, Generales, Mareschalli, sicut defacto appellantur.

Jesuitæ verò non prætendunt nescio quam antiquitatem, imò profitentur se esse institutos post Lutheri Apostasiam ab Ecclesia, ad reducendas miseras animas, quas is suâ pestilenti doctrinâ seduxit, & infecit. Et ad convellendos ejusdem doctrinæ errores.

Quæris 2. *Quis Sacramentorum ritum præcipue Cœnam Domini sub una Specie celebravit?* Respon-
deo: Ritum Sacramentorum pro-
fluxisse ab ipsis Apostolis teste
S. Augustino lib. 4. de Baptismo
contra Donatistas cap. 24. ubi ait:

H;

Quod

*Quod uniuersa tenet Ecclesia, nec
Concilijs institutum, sed semper
retentum est, non nisi auctoritate
Apostolicâ traditum firmissimè cre-
ditur.*

Uſus verò Communionis ſub
una Specie fuit adhuc tempore
Apoſtolorum: imò ab ipſo Chri-
ſto ſic distribuebatur poſt ſuam
Reſurrectionem duobus Diſcipu-
lis in Emmaus Luca 24. v. 30. &
31. Et ab Apoſtoliſ Actorum 2.
v. 42. Item 20. v. 7. & v. 11. In
quibus locis citatis, nulla fit men-
tio calicis, ſed tantum fractionis
panis. Deinde poſt tempora Apo-
ſtolorum, & ab ipſis temporibus
illorum & ſtatim ab initio Eccle-
ſiæ, diſtributa fuit Euchariſtia jam
ſub una Specie, jam ſub utraque
pro opportunitate loci & tempo-
ris. Claudis hanc tuam Redhibi-
tionem inſignibus duobus men-
dacijs.

Macijs. Primum est : Quòd Constantiense Concilium fateatur Sessione 13. In antiqua Ecclesia non fuisse usum Communionis sub una Specie, nam solum fateatur fuisse hunc usum, & etiam ut sub utraq; Specie distribueretur Communio: In primitiva igitur Ecclesia distribuebatur Eucharistia fidelibus jam sub una, jam sub utraque Specie pro opportunitate loci ac temporis. Postmodum invaluit usus communicandi communiter sub una specie, verum occasione Hæresis Manichæorum, qui vinum dicebant à dæmone creatum, & ut laterent, accedebant ad Communionem cum Catholicis sub una Specie panis Communicantibus, Ecclesia instituit, ut Eucharistia distribueretur sub utraque Specie, ut sic discernerentur Manichæi à Catholicis: Cesante verò, & extirpatâ hâc Hæresi,

rursus Ecclesia reassumpsit priorem
 modum communicandi sub una
 Specie, in aliquibus tamen Eccle-
 sijs remansit adhuc consuetudo
 communicandi sub utraque Specie.
 Concilium igitur Constantiense,
 ut in omnibus Ecclesijs esset uni-
 formitas Communionis, statuit, ut
 etiam in illis particularibus Eccle-
 sijs fieret impostorum Communio
 sub una Specie panis, uti & in
 cæteris Ecclesijs, idque propter
 Hussitarum Hæresim, qui doce-
 bant necessariam omnino esse Com-
 munionem sub utraque specie.

Alterum est, quod doctrina de
 Purgatorio coeperit temporibus
 Gregorij Magni: Nam ut ostendi
 in Lutheranico *nunquam & nus-*
quam Numero 57. hæc doctrina
 de Purgatorio fuit in Ecclesia o-
 mnibus Sæculis ab initio Christi
 Ecclesiæ. Unde & ipse Lutherus
 ibidem

Ibidem citatus dicit se admodum certum esse dari Purgatorium ex hoc capite, quia (inquit) jam sunt plus quam mille anni, quod. S. Augustinus pro sua Matre, & Patre oraverit, & orari voluerit: vixit autem S. Augustinus ante Gregorium Magnum plus quam duobus Sæculis, & fatetur hanc consuetudinem Orandi pro defunctis fuisse in Ecclesia longè ante sua tempora, & statim ab initio Ecclesie.

Redhibitio Secunda.

Vel Dominicani, Franciscani, & Jesuitæ sint dicendi Romani Catholici, vel non? Respondeo: Omnino hos Sacros Ordines esse dicendos Romanos Catholicos, ac Ecclesiæ Romanæ Catholicæ defensores, propugnatores, & propagatores. Hæc Instas

Instas 1. Si ita, quomodo igitur contrarias & oppositas opiniones circa articulos Fidei tenent, & ad invicem se gravissimorum errorum condemnant. **Respondeo:** Nullas omnino inter has Sanctas Religiones circa articulos Fidei contrarias & oppositas esse opiniones.

Instas 2. dicendo: Tales esse opiniones de Immaculata Conceptione Beatissimæ Virginis, de auxilijs gratiæ. **Respondeo.** Has materias non esse articulos Fidei. Quia neutra pars est adhuc declarata ab Ecclesia, quæ in his materijs debeat censi pro articulo Fidei. Unde si Ecclesia determinabit, seu decideret, ac definiet R.R. Patrum Dominicanorum sententiam esse his in materijs tenendam, protinus eandem amplectentur Jesuitæ, & vicissim, si fuerit decisa pro Jesuitis, R.R. PP. Dominicani sententiam suam

regra-

retrahantur, & definitioni Ecclesie se per omnia accommodabunt.

Instas 3. Defacto inter Sorbonicos cum alijs Papistis est gravis controversia: Utrum Papa sit supra Concilium, vel Concilium supra Papam. Ergo & Romano-Catholici circa articulos Fidei inter se dissentiunt. Respondeo: Hanc quoque materiam necdum esse decidam ab Ecclesia. Interim firmiter credunt omnes Romano-Catholici & ipsi Sorbonici, quod quidquid Generalia definiunt ac decidunt Concilia, si simul adsit eorundem approbatio à Summo Pontifice id observandum esse fidelissimè: Atq; hæc fuit semper praxis in Ecclesia ab ejusdem initio, ut de controversijs motis licitum fuerit privatis Doctoribus pro, & contra disputare, usque ad decisionem Concilij, post decisionem autem Concilij, nemini. Hæc In-

Inſtas 4. Defacto Clerici Hiſpanici, & Gallici decertant inter ſe de Jure Regaliæ. Ergo nec Romano-Catholici inter ſe conveniunt circa Articulos Fidei. Reſpondeo: Oſtendis te parum verſatum eſſe in materia Fidei, rebusque politicis, *Jus enim Regaliæ*, non ſpectat ad materiam de Fide, ſed ad materiam Juſtitia, & politica, quæ utique eſt adhuc controverſa, cum utraque pars ſalvâ Fide pro ſe adducat rationes. Aliàs ſi controverſiam hanc ponis inter articulos Fidei, nunquam Catholici poſſent inter ſe Jure litigare, quia tu ſtatim ſubſumeres, eoſdē diſſentire inter ſe circa articulos Fidei. Et nonne defacto eſt controverſia in Hungaria circa decimas inter Clerum, & Nobiles, an eaſdem teneantur præſtare, ex fundis colonialibus, quos ſux Curia applicue-

enerunt? An etiam hos dices ab-
tercari inter se circa articulos Fi-
dei?

Instas. s. Quid ergo sibi vult
Bulla Innocentij XI. contra Je-
suitas? Respondeo: Hanc esse no-
vam tuam calumniam, nulla e-
nim Bulla Innocentij XI. extat
contra Jesuitas, quibus is erat ad-
dictissimus, planè ad invidiam a-
liorum: Et certus sum, quòd tu
Bullam citatam Innocentij XI.
non legeris, aut si illam legisti,
certè illam non intellexisti. Bulla
igitur illa non fuit contra Jesui-
tas, sed promiscuè contra omnes
Theologos morales, qui laxiores
circa Casus conscientiae secuti fue-
rant sententias, quas inter nulla
fuit propria Jesuitarum, & si ali-
qui ex Jesuitis docuerunt commu-
nem aliorum Sententiam, sequen-
do aliquam ex prædictis censuratis

propositionibus, statim post decisionem Innocentij eandem opinionem deseruerunt: Imò Jesuitæ authores fuerunt Innocentio, ut adhuc plures similes scandalosas, & periculosas vel saltem nimis laxas sententias condemnaret & doceri prohiberet. Ergo hæc tota tua Redhibitio evanescit.

Redhibitio Tertia.

Turca, Judai, & Gentiles, ad Lutheranam fidem conversi, vel sunt conversi ad veram Fidem Christi, vel non? Respondeo primò negando suppositum, quòd aliquando aliqua Natio Turcica, vel Judaica, aut Gentilium, & Paganorum conversa fuerit ad fidem, & Religionem Lutheranam, neque enim hæc alio modo crevit, quam per tepidorum Catholicorum per-

ver-

versionem. Imò vos Lutherani nec habetis modum adducendi ad vestram fidem aliquam Nationem Turcicam, vel Paganam. Quis enim Turcarum, aut Gentilium vobis crederet: Quòd bona opera non sint necessaria ad salutem; quòd omnia peccata sint æqualia; quòd Humanitas Christi sit ubique. Quòd Deus sit quidem justus, sed tamen imponat talia præcepta, quæ observari non possunt, & tamen propter non observantiam illorū homines æternū puniat; certe hæc viderentur illis primā statim fronte esse rectæ rationi oppositā. Ad hæc nulla præstare potestis miracula in confirmatione vestræ fidei; nullum conveniens argumentum, ut aliquis ex Gentilismo, vel Turcismo, aut Judaismo potius vestram fidem amplectatur, quàm Calvinianam, Arianam, aut

Anabaptisticam, vel certè Catholicam. Sed supponamus aliquos Turcas, Judæos, vel Paganos converti ad Lutheranam fidem. Ad quæstionem tuam respondeo directè: Tales non converti ad veram Christi Fidem.

Instas 1. Cur ergo Pontificii tales Lutheranos non rebaptizant? Respondeo: Quia Baptismus non debet reiterari, etiamsi ab Hæreticis is conferatur, si tamen validè conferatur, hoc est, si materia, & forma Baptismi, ac intentio ex institutione Christi adsit in Baptizante.

Instas 2. Ergo per Baptismum regenerati, & per Dei verbum ad Fidem Christi conversi erant decepti. Respondeo: Omnino fuisse deceptos, & quidem gravissimè, quia pro vera Christi Fide, falsam fidem susceperunt. Nec per verbum
bum

bum Dei *verum* ad Fidem Christianam sunt conversi; sed per perverſam interpretationem & explanationem doctrinæ Christi ſeducti.

Instas 3. Ergo ſunt omnes damnati? Reſpondeo affirmativè: Si in tali fide, hoc eſt, Lutherana mortui ſunt, niſi fortè illos ignorantia invincibilis excuſet, per quam evadant ſolùm materiales Hæretici. & poſt Baptiſmum non incidant in aliquod aliud grave peccatum, & in eo ex hac vita decedant.

Redhibitio-Quarta.

VEL aliqui Lutherani ſunt in fide Lutheranæ ſalvati, vel nulli? Reſpondeo: Nullos formales Lutheranos ſalvari. Instas: Cui ergo aliqui ex ipsis Pontificijs Doctoribus aſſerant aliquos ex Lutherana-

theranis salvari posse? Respondeo:
Eos loqui de Lutheranis materialibus, qui aliunde bene vivunt,
& gravia vitant peccata, uti paulò ante, etiam nos concessimus.

Redhibitio Quinta.

VEL aliquos Sanctos habuit Pontificia Ecclesia, vel nullos?

Respondeo: Habuisse quàm plurimos, imò innumerabiles Sanctos Confessores, SS. Martyres, & SS. Virgines. Imò nullum Sanctum vos nominare potestis Novi Testamenti, qui non fuisset Romano, Catholicæ Fidei.

Instas: Unde nobis constat de illorum Beatitudine, & salute, cum Concilium Tridentinum teneat, nihil certi hac de re defini posse Sess. 6. Can. 9. Respondeo: In loco à te citato Concilium Tri-

den-

dentinum, nullam planè mentionem hujus rei facere, & Canonem illum, quem citas toto cœlo esse de alia materia. Sed fortassis citare voluisti Canon. 16. & Can. 17. Eiusdem Sessionis in quibus definitur: Neminem certum esse absolutâ & infallibili certitudine de sua perseverantia usque ad finem, nisi hoc ex speciali revelatione habuerit, aut se esse justificatum. Verumetiam hi Canones, nihil faciunt ad tuum propositum, loquuntur enim Concilium de hominibus, qui adhuc in hac vita sunt.

Nam ut S. Augustinus Sermone 35. de verbis Domini, inquit: *Quamdîu hic vivimus, de nobis ipsis nos ipsi judicare non possumus, non dico, quid cras erimus, sed quid hodie sumus.* Aliud verò est de vita functis, qui amplius gratiam, & eidem convenientem Beatitude.

ritudinem amittere non possunt.
 Certitudinem autem de illorum
 Beatitudine, ex definitione Ecclesie
 habemus, quæ sicut errare non
 potest in definiendis alijs articu-
 lis Fidei, ita nec in declarando a-
 liquem esse saluum & Beatum,
 quæ definitio ab Ecclesia non fit,
 nisi præmisso examine rigidissimo
 de illorum vita sancta, & virtuti-
 bus maximis, atque in vita, &
 post mortem plurimis miraculis.

Redhibitio Sexta.

*I*n *Empire Constantinensi Magni*,
 cum. *is* ad sui conversionem
 omnes *Doctores Ecclesie* convo-
 caret, *vel erant in rerum natura*
Ecclesie Papalis Doctores, *vel non*
erant? *Respondeo*: Fuisse quàm
 plurimos. Et talis fuit Sylvester,
 tunc temporis Romanus Pontifex,
 à quo

à quo Constantinus Magnus in Fi-
de instructus est, & ab eodem bap-
tizatus, tales fuere præter alios
318. Patres, qui Concilio Nicæno
interfuerunt.

Instabas: Si erant, ostenderunt
se valde ignaros, inertes, & ve-
cordes, nullumque penitus anima-
rum zelum habentes, quod non illi-
eò accurrerint, & prædicarent. Pon-
tificem summum rei Christiana, ut-
potè infallibilitatem Papa, tanquam
Universalis Episcopi. Respondeo:
Omnino illos illicò accurrisse, &
hanc ipsam veritatem prædicasse
in eodem Concilio sic definiendo
ac decidendo: *Qui tenet Sedem
Roma, Caput est & Princeps o-
mnium Patriarcharum. Quandoqui-
dem ipse est primus, sicut Petrus,
cui data est potestas in omnes Prin-
cipes Christianos, & omnes popu-
los eorum, & quod sit vicarius
Chri-*

Christi Domini nostri super cunctos populos, & cunctam Ecclesiam Christianam. Et quicumque contradixeris à Synodo, excommunicatur. Subsumo : Atqui Lutherani huic Decreto Concilij Nicæni contradicunt. Ergo.

Redhibitio Septima.

Ecclesia Romana in Concilio Tridentino, representata & Græca ante sæculum sextum, vel erat visibilis, vel invisibilis? Respondeo : Ecclesiam Romanam semper fuisse à temporibus Apostolorum visibilem.

Instabas 1. Si fuit visibilis, quis illam vidit? Respondeo : Omnis quicumque cæcus non fuit. Vidit ipse S. Paulus, qui ad Romanos scribens testatur Fidem Romanam esse Fidem suam, & Fidem suam esse

Fidem

Fidem Romanam. Viderunt SS. Patres primorumquinque Sæculorum, & Scriptores omnium subsequentiū Sæculorum, qui illam doctissimis suis Scriptis propugnaverunt.

Instabas 2. Quibus constabat hominibus aut Nationibus? Respondeo: Primò quidem Latinis, & Græcis, successu verò temporis, Hispanis, Gallis, Germanis, Anglis, Hungaris, Polonis, & omnibus Nationibus.

Instabas 3. Ubi locorum erat, ut illam quis audire, & ad eam recurrere potuisset? Respondeo: Romanam quidem Religionem fuisse per totum Orbem diffusam, sed Sedem Romani Pontificis fuisse Romam, ad quam proinde omnes recurrere poterant, & eundem audire tenebantur. Audi hac de re ipsum Justiniani Imperatoris Codi-

Codicem, lib. 1. titulo de Summa Trinitate leg. 6. Custodiamus constitutionem Unionis Sanctissimarum Ecclesiarum, cum Papa Senioris Romae. Neque enim sustineamus quidquam eorum, quae ad Ecclesiasticum Statum spectant non referendum ad eum, utpotè qui caput est omnium pijsissimorum Sacerdotum.

Instabas 4. Idem, & eodem jure de sua Ecclesia omnes Graeci dicent? Respondeo: Graecos id de sua Ecclesia nullo jure posse dicere, nam ante Schisma Graecorum, omnes Christiani Graeci dicebantur, ac fuerunt Religionis Romanae, & Constantinopolitana Ecclesia, sub universali Romana continebatur. Audi iterum eundem Justinianum Imperatorem Novellâ 13. lege 1. Sancimus vicem Legum obtinere Ecclesiasticas Regulas, quâ

qua in Sanctis quatuor Conciliis, Ni-
cano, Constantinopolitano, Ephesi-
no, & Chalcedonensi firmata sunt.
Predictarum enim quatuor Synodo-
rum Dogmata, sicut Sacras Scriptu-
ras accipimus, & Regulas sicut Le-
ges observamus. Et Lege II. Ideo-
que sancimus secundum earum De-
finitionem Sanctissimum Senioris
Romae Papam, primum esse Sacer-
dotem: Beatissimum Archiepiscopo-
pum Constantinopolitanum secun-
dum habere locum post Sanctam A-
postolicam Senioris Romae Sedem:
Idem habetur & ex Concilio Chal-
cedonensi Actione 3. ad Leonem
Papam. Confirmamus Patrum Re-
gulam, ut post nostram Sanctis-
simam & Apostolicam Sedem, ho-
norem suum habeat Constantino-
politana, quæ secundo est ordina-
ta. Ergo Græci non possunt id di-
cere de sua Ecclesia, quod Romani
de sua.

I

Rea-

Redhibitio Octava.

Ecclēsia Romana, vel tenet omnia ea, quae tenuit primitiva Ecclesia primis quatuor Saeculis, vel non? Respondeo: Ita omnino.

Inſtas 1. Si ita: Ergo admittere debet omnia, quae docuerunt & crediderunt SS. Patres, & Concilia eo tempore? Respondeo: Iterum ita, & vel maximè. Subsumis. *Hujusmodi autem sunt Sacra Scriptura perfectio.* Respondeo: Romano-Catholicos defacto quoque eandem perfectionem Sacrae Scripturae tribuere, eandem siquidem venerantur ut verbum Dei, eamque afferunt & tenent esse certissimam, veram, omnis erroris atque falsitatis expertem.

Subsumis 2. *Hujusmodi est Ju-*
stifi-

ustificatio per solam Fidem. Respon-
deor: Nullum omnino ex SS. Pa-
tribus hanc doctrinam tenuisse, sed
oppositum planè credidisse. Lege
testimonia eorundem, quæ adduxi
in *Responsis* non *responsis* Timo-
thei Philaleti ad hoc ipsum Dilem-
ma. Et hinc apparet, quomodo
vos Lutherani perfectionem Sacrae
Scripturae aestimetis, cum eidem
additis *per solam Fidem*, quæ par-
ticula ly *per solam Fidem* non ha-
betur in Scriptura Sacra.

Subsumis 3. *Hujusmodi est
Communio sub utraque Specie?*
Respondeo: Neque hanc doctri-
nam ab ullo Sancto Patre teneri,
sed tantum, quòd in Eucharistia
sumamus verum, & reale Corpus,
& verum ac realem Sanguinem
Christi, quæ sunt æquè sub una,
ac sub utraque Specie.

Subsumis 4. *Hujusmodi est etiam
bene-*

bonorum operum imperfectio? Respondeo: Imperfectionem dupliciter sumi posse, vel pro negativa imperfectione, vel pro positiva. Negativa imperfectio est negatio majoris perfectionis, & in hoc sensu, & veteres SS. Patres; & moderna Ecclesia Catholica agnoscunt esse imperfecta nostra opera; omnia siquidem nostra opera possunt fieri cum majori & majori semper perfectione, vel ex objecto motivo, vel ex intentione, vel ex extensione. Alia est imperfectio positiva, cujusmodi est oscitantia, negligentia, languor, &c. in exercitio bonorum operum: & hanc frequenter intervenire in bonis nostris operibus notum est. Sed de his non est inter vos, & Catholicos quaestio. Sed haec: Utrum bona opera Divinae gratiae ope subnixta, digna sint ac meritoria vita aeter-

æternæ, & affirmativam tenent
Catholici; ac tenuerunt omnes o-
mninò veteres SS. Patres, qui vi-
xerunt etiam primis quatuor Sæ-
culis, & tota primitiva Ecclesia.

Redhibitio Nona.

Doctrina Papistica, prout nunc
in Hungaria viget, vel est
conformis Concilio Tridentino, vel
non? Respondeo: Esse omninò,
& per omnia conformem.

Instas 1. Si est conformis Con-
cilio Tridentino, debent Papista
omnia admittere, quæ hoc Con-
cilium admisit. Respondeo: Omnia
illa omninò nos admittere.

Instas 2. Atqui Concilium Tri-
dentinum admisit corruptionem
doctrina in Romana Ecclesia. Ses-
sione 6. de reformatione cap. 1.
Respondeo: Tu verò corrumpere

intendis textum Concilij Tridentini loco citato. Quod ibi loquitur, non de corruptione doctrinae, sed de corruptione disciplinae Ecclesiasticae, & de depravatione morum in Clero, & populo Christiano ut ipse titulus praefert de *Reformatione*. Duplicia siquidem Statuta, & Canones fuerunt in Concilio Tridentino. Primi generis, de doctrina, occasione novarum Haresum excitatarum, quas inter fuit prima Haresis Lutherana. Secundi generis fuere de Reformatione morum: sicuti est locus ille, quem tu citasti.

Instas 3. *Concilium Tridentinum dicit sub pœna anathematis esse eos, qui docent Clericos in Sacris Ordinibus constitutos, posse matrimonium contrahere.* Respondeo: Ita sanè, & hoc etiam Romano-Catholici nunc quoque diligentissimè observant, in Hungaria etiam. Sub-

Subsumis deinde : *Romano; Catho-*
tholici in Hungaria neutrum ad-
mittunt ? Respondeo : Id quod
jam asseris falsissimum est.

Instas iterum : *Romano; Catho-*
lici in Hungaria negant constan-
tissime Ecclesiam Romano; Catho-
licam unquam corruptam fuis-
se. Respondeo : Omninò id ne-
gant & rectè, vera siquidem Ec-
clesia Christi, & Dei vivi, est Co-
lumna & fundamentum veritatis.
Adeoque in Doctrina Fidei erra-
re non potest. Neque unquam
Concilium Tridentinum aliquem
errorem quoad doctrinam Fidei
agnoscit in Romanam Ecclesiam
irrepsisse. Sed bene morum, quod
etiam nos admittimus & deple-
ramus. Si enim temporibus, quibus
incepit delirare Lutherus
contra Ecclesiam, incorrupti mo-
res fuissent Religiosorum, & Ec-
cle.

clesiasticorum, statim ad initium Lutherus in suo stercore oppressus fuisset.

Subsumis ultimò. Si juxta Concilium Tridentinum in Sacris Ordinibus constitutis non licet Matrimonium contrahere. Cur ergo in Hungaria Apostatis (conversis à suis erroribus ad veram Fidem) ex ministerio Lutheranò deficientibus, uxores hætenus indulserunt cum potestate baptizandi, & concionandi, quos etiam novo nomine Licenciatorum appellaverunt. Respondeo: Planè hæc responsione in Jure Canonico, uti in priore in Jure Justiniano, te minimè versatum esse ostendis. Jus enim Canonicum & Concilium Tridentinum, (quæ fuit praxis primitivæ quoque Ecclesiæ) solum inhibet matrimonium contrahere Clericis in Sacris Ordini-

dinibus constitutis. Quia ve-
 rò, qui ex ministerio Lutherano
 ad Catholicam Ecclesiam redie-
 runt in Hungaria, non sunt con-
 stituti in Sacris Ordinibus (nullus
 siquidem apud vos ordinatus hos
 suscipit) sed meri Laici sunt, & nec
 quidem Clerici, ideo illis uxores
 indulgemus, cum potestate etiam
 baptizandi, & concionandi, quod
 Jus habent apud nos etiam nati
 Catholici, illi quos Licenciatos
 vocamus, quibus impertimur ha-
 nc licentiam, sed non licentiam
 Sacramenta Eucharistiæ admini-
 strandi.

Redhibitio Decima.

*R*omana Ecclesia, vel habet ve-
 ram Scripturam Sacram, vel
 non habet? Respondeo: Eam o-
 mnino habere Scripturam Sacram,
 atque illius conservatricem illius-

que interpretem esse, & hactenus,
& à sui exordio fuisse.

Instas 1. *Si habet, unde illam accepit?* Respondeo: Romanam Ecclesiam Scripturam Sacram accepisse ab ipsis Apostolis, & eorundem Successoribus per continuam traditionem Ecclesiæ. Nam sicuti S. Augustinus lib. 28. cap. 2. ait de Evangelio Matthæi: *Istum librum credo esse Matthæi, quia ex illo tempore, quo Matthæus ipse vixit, non interruptâ serie temporum Ecclesia certa connexionis successione usque ad tempora ista perduxit.* Et lib. 15. de Civitate Dei cap. 23. *Authoritas in veracium Scripturarum, à Patribus ad nos certissimâ successione pervenit.* Et contra Epistolam fundament. c. 5. *Actibus Apostolorum necesse est credere sacro Evangelio, quoniam utramque Scripturam similiter mi-*

hi Catholica commendat Ecclesia.
 Quod ipsum debent fateri etiam
 ipsi adversarii. Nam Calvinus lib.
 1. cap. 8. n. 9. sic habet: *Querunt,*
quis nos certiores fecerit, à Moysse
& Prophetis, hæc fuisse Scripta,
qua sub eorum nominibus legun-
tur? cerò certius est, ipsorum Scri-
pta non aliter pervenisse ad poste-
ros, quàm de manu ad manum, ut ita
loquar, perpetuâ annorum serie à
Patribus traditione. Et Kemnicus
 Lutheranus in Examine Concilij
 Tridentini Session. 4. sic scribit: Ubi
 non possunt proferri certissima do-
 cumenta, primitivæ Ecclesiæ, ex
 testificationibus veterum, qui non
 longè post tempora Apostolorum
 vixerunt, Libros illos fecisse, sine
 dubitatione, & sine contradic-
 tione pro legitimis acceptos, non va-
 lent, ulla humana decreta. Et Hun-
 ni Colloq. Ratisbonensi Sess. 11.

sic loquitur: Quod Epistola ad Romanos citata sit Pauli, habemus ex primitivæ Ecclesiæ testimonio. Non ergo opus fuit Romanæ Ecclesiæ Scripturam Sacram, hoc est, Canonem Sacræ Scripturæ à Judaica Synagoga accipere: imò hæc omnes novi Testamenti Libros à suo Canone rejicit, & vicissim Romana Ecclesia ex Libris veteris Testamenti pro Canonicis habet aliquos, quos Synagoga Judaica non habet, ut inquit S. Augustinus lib. 18. de Civitate Dei cap. 36. Libros Machabæorum non Judæi, sed Ecclesia pro Canonicis habet. Unde tua Redhibitio seu retorsio, quam firmas in supposito, quod Ecclesia Romana à Judaica Synagoga acceperit Scripturam Sacram, penitus corruit.

Redhi-

Redhibitio Undecima.

VEL omnes Libri Scripturae Sacrae reprobati ab Ecclesia Judaica, & antiqua Christiana, sunt verè Apocryphi, vel non? Respondeo: Omnes esse apocryphos, quos Ecclesia antiqua Christiana reprobavit tanquam apocryphos; Non autem omnes quos reprobavit Judaica, nam alias omnes Libri novi Testamenti essent apocryphi. Instas: Si ita. Cur ergo ex ijs, qui initio Ecclesiae pro apocryphis habebantur, nunc pro Canonicis, ver. gr. Libros Machabaeorum Pontificij habent? Respondeo: Nomen Libri apocryphi vario modo accipi à Scriptoribus Ecclesiasticis: primò pro illo, cujus Author quiscumque fuerit, procertò nescitur. Secundò pro eo, de quo dubium

est, an sit ab Ecclesia acceptatus pro Canonico, & tales Libri dicuntur apocryphi tamdiu, donec non declarentur ab Ecclesia esse Canonici. Tertiò pro illis, qui sunt, permixti aliquibus erroribus, & ob id positivè sunt ab Ecclesia re-
jecti, & in hoc tertio sensu dico omnes esse apocryphos, quos tales esse, Ecclesia antiqua Christiana judicavit. Tales verò non sunt Libri Machabeorum, & alij qui sunt postmodum inter Canonicos ab Ecclesia relati.

Redhibitio Duodecima.

Liber Machabeorum II. aut est apocryphus, aut Canonicus?
 Respondeo: Esse Librum Canonicum. Infers: Ergo & Liber IV, Esdra est Canonicus? Respondeo negando illatum. Urges: Utriusque
 est

est par ratio. Ergo. Respondeo negando antecedens, diversitas rationis est, quòd Liber II. Machabæorum sit ab Ecclesia declaratus esse Canonicus, Liber verò Esdræ declaratus ab eadem Ecclesia apocryphus. Probas antecedens: *Æque non habebantur hi Libri à vera antiqua Ecclesia pro Canonicis.* Respondeo negando antecedens: Quia Liber IV. Esdræ est positivè reprobatus etiam ab antiqua Ecclesia tanquam in aliquibus erroneus, Liber verò II. Machabæorum nunquam est taliter reprobatus, sed tantùm in suspenso aliquamdiù habitus, postea pro Canonico ab Ecclesia computatus, & approbatus, & priùs adhuc ante approbationem hanc, ab alijs Sanctis Patribus pro Canonico estimatus, ut à Cypriano (qui vixit tertio Sæculo) in Libro ac exhort.

hortatione ad Martyres cap. 11.
 à S. Gregorio Nazianzeno (qui
 vixit quarto Sæculo) in oratione
 de Machabæis, à S. Ambrosio) qui
 vixit pariter quarto Sæculo. De
 hujusmodi igitur generis Libris
 apocryphis licuit sentire Scripto-
 ribus ante declarationem Ecclesiæ
 pro suo libitu, an sint, & quo sen-
 su sint apocryphi, non verò post.
 Sic etiam maxima controversia
 fuit inter Doctores Ecclesiæ, utrùm
 illi, qui baptizati sunt ab Hæreti-
 cis, quando redeunt ad Ecclesiam
 Catholicam, debeant iterum re-
 baptizari, & utraque pars habuit
 suos propugnatores, postquam au-
 tem Ecclesiæ determinavit, ac de-
 claravit non esse rebaptizandos,
 cessavit omnis controversia in Ec-
 clesiæ.

Redhi-

Redhibitio Decimatertia.

Vel Pontifices Romani fuerunt fallibiles in sua doctrina, vel non? Respondeo? Quòd quando Pontifices aliquid decidunt publicè circa doctrinam Fidei, vel mores, tanquam Vicarij Christi, & visibile caput Ecclesiæ, seu ut loquimur ex Sede Apostolica decisiones illas esse infallibiles. Idq; ex compromissione Christi Domini, S. Petro facta verbis illis: Rogavi pro te, ut non deficiat Fides tua, & tu conversus, confirma fratres tuos. Lucæ 22. Si autem ex Cathedra publicè decidens posset errare, non tam confirmaret aliquando Fratres, quàm fortè deciperet, nec tam fulciret, quàm fortè pessunderet Ecclesiam Dei.

Instas 1. Si non sunt fallibiles

Pon-

Pontifices dicentes publicè, & ex Cathedra S. Petri aliquid de doctrina Fidei, vel morum. Ergo tu Papista omnia illa quæ Pontifices Romani sic deciderunt, debes quoque admittere. Respondeo: Omnia omninò nos Catholicos debere admittere, quæ sic deciderunt Romani Pontifices circa doctrinam Fidei, & morum.

Subsumis nequiter: Atqui Bonifacius I. Anno 720. Moniales concionari posse docet, & actu permisit. Respondeo: Bonifacium primò gubernâsse Romanam Ecclesiam ab Anno 418. usque ad Annum 423. Ergo Bonifacius I. non potuit dare hanc concionandi facultatem Monialibus anno 720. Deinde toto Sæculo octavo, hoc est ab Anno 700. usque ad Annum 800. nullus Romanus Pontifex fuit Bonifacius nomine; Ergo nec alter

alter hujus Nominis eandem facultatem iisdem dare Anno 720. ut tu asseris potuit eandem illis communicare. Tertiò: Frustra adducis hoc in puncto pro teste Emmanuelem Sá ex Aphorismis Confessoriorum in verbo *Fæmina*. Ibi enim Emmanuel Sá aliud non habet quàm hanc propositionem: *Fæmina non potest predicare nisi ex Papa licentia*. Quæ utique si aliquando daretur fœminis aliquibus in particulari, deberet ea ex gravissimis causis illis concedi. Quodd autem hac in parte facitis vos Lutherani? Certè in multis locis diebus Dominicis apud vos in Hungaria, etiam à fœminis præleguntur Postillæ loco concionis Prædicantium, & memini me quoque puerum tunc, interfuisse tali lectioni. Et quod plus est, proximis annis Leutschovix in Hungaria, quæ-

quædam honesta Matrona (quæ etiam nunc vivit, & conversa est ad Fidem Catholicam) vobis Lutheranis non solum Postillam prælegebat diebus festivis, & Dominicis, sed & Eucharistiam ac alia Sacramenta administrabat. Quid ergo vos hac in parte triumphare vultis cum malè citato Bonifacio?

Subsumis 2. *Atque Gregorius VII. Sacrilegia & Nicremantiam licitam esse docuit.* Respondeo: Manifestissimam hanc calumniam ab Hæreticis impingi. Sanctissimo huic Pontifici, occasio autem hujus calumniæ fuit rancor, & vindicta nonnullorum Germanorum Scriptorum, quos interfuere *Benno*, & à te pro teste adductus *Urspergensis*, ex eo capite ortum ducens: Quod Gregorius VII. Imperatorem Henricum IV. ob gravissimos illius excessus, & plurima sceler-

scelera excommunicaverit, & à communione Fidelium separaverit, ac tandem etiam Imperio privaverit. Cæteri autem Scriptores illius temporis, Gregorium VII. à Doctrina, Sapientia, & Sanctitate mirè deprædicant, non solum exteri, sed & plurimi Authores alij. & Historici etiam Germani, quos videre est apud Bellarminum lib. 4. cap. 13. quorum authoritas, & multitudo prævalet duorū passionatorum Scriptorum temeritati.

Subsumis 3. *Atqui Joannes XXIII. Resurrectionem mortuorum negavit.* Respondeo: Hanc quoque subsumptam esse pariter meram calumniam, vel ad minimum instantiam hanc nihil esse ad propositum. Joannes enim XXIII. non fuit certus, & indubitatus Pontifex, unde etiam in citato à te Concilio Constantensi demost-

tus

rus fuit, sed non propter hanc doctrinam, verum propter illegitimam suam Electionem. Occasio autem hujus erroris imputati Joanni XXIII. fuit solum communis vulgi opinio, quædquæ videbat Joannem vitæ esse dissolutæ, existimare coepit atque etiam dicere eum non credere vitam æternam, & carnis resurrectionem.

Instas 2. *Atqui Sixtus V. Papa Sodomiam in tribus mensibus æstivis licitam esse docuit.* Respondeo: Hanc quoque calumniam esse supra omnes alias calumnias & mendacium mendacissimum. Quis enim tibi credat hunc Pontificem, qui ex infimo planè statu per suam Doctrinam & Prudentiam ad Summum Pontificatus Statum pervenit, tantum scelus licitum esse docuisse. Nonnè omnium Doctorum Catholicorum

hæc est unanimis doctrina, quòd Pontifex in ijs, quæ sunt prohibita Jure Divino vel naturæ, minimè possit dispensare? Ubi legisti hujus Pontificis hac de re Bullam, vel Privilegium, vel dispensationem, aut ubi relatio authentica hujusejusdem doctrinæ habetur? Certè ex omnibus hujus Pontificis actis, patet illum semper proniorem fuisse ad severitatem, quàm ad laxitatem, inducendam. Tota igitur hæc fabula est à vobis Hæreticis conficta, neque enim vestram Religionem firmare potestis contra Fidem Catholicam aliter, quàm mesis puris mendacijs, calumnijs & figmentis contra eandem, sic miseram plebem in odium illius concitantes, ac in gravissimis vestris erroribus confirmantes.

Rede

Redhibitio Decimaquarta.

*VEL omnes Sectæ hujus sæculi
sunt vera, vel una tantum
Romana est vera, & reliqua falsa.
Respondeo: Unam & solam Ro-
manam Fidem, ac Religionem esse
veram, reliquas autem omnes in
mundo Sectas esse falsas.*

*Instas: Si una tantum Romana
Fides est vera, debet hac adducere
tale argumentum pro sua veritate
nequit eodem Jure pro se adduce-
re contra alias. Respondeo: De-
bet omnino.*

*Urget: Tale autem argumentum
Papalis Secta non potest pro se ad-
ducere: Ergo. Respondeo more Hi-
spanico: Mentiris antecedens. Ta-
lia autem argumenta ego adduxi
in Xenio vobis oblato anno cur-
renti.*

renti 1702. non unum sed 50.
 ex quibus paucula hîc repeto. Pri-
 mum sit : Quia, verum est alia-
 quos & quàm plurimos in Roma-
 no, Catholica Fide salvatos esse,
 adeoque Deo placuisse, ergo fue-
 runt in vera Fide ; sinè vera Fide
 siquidem Deo placere nemo po-
 test 2. Quia doctrina Ecclesiæ Ro-
 manæ per omnia est conformis
 doctrinæ SS. Patrum primitivæ
 Ecclesiæ, aliarum autem Sectarum
 penitus difformis, uti ostendi in
 varijs meis opusculis & nomina-
 tim in *Responsis non responsis*: in
Lutheranico Nunquam & nus-
quam, in *Solutione sex precipuo-*
rum dubiorum A catholicorum. 3.
 Quia omnes Sancti Novi Testa-
 menti fuerunt hujus Fidei, etiam
 illi quos vos pro Sanctis tenetis, &
 quorum festa celebratis. 4. Quia
 pro veritate Fidei Romano, Ca-
 tho-

tholica tot millia Martyrum mortem subivêre. 5. Quia Romana Fides fuit Fides S. Pauli, & S. Pauli fuit Fides Romana. 6. Quia habet successionem doctrinæ suæ, & Pastorum ab Apostolis usque ad præsens tempus. 7. Quia ad hanc solam Fidem omnes Gentes ex Paganismo sunt conversæ. 8. Quod in sola Romano-Catholica est unitas doctrinæ Fidei. 9. Soli illi convenit Nomen Catholicæ seu universalis Fidei, utpotè per totum Orbem diffusæ. 10. Sola hæc Religio docet declinare à malo, & facere bonum. 11. Sola syadet non tantum servari Præcepta Christi, sed etiam consilia sequi. 12. Sola hæc Religio est miraculis firmata, & à tot Tyrannis, & Hæresibus impugnata, semper tamen mansit invicta. vide plures rationes in citato libello, *Quinquaginta Rationum*.

Primum, cur Romano-Catholica Fides sit omnibus alijs modernis Sæctis præferenda.

Redhibitio Decimaquinta.

Vel datur aliquis Hæreticus, vel non datur? Respondeo: Dari quàm plurimos, prohi dolor! & tales sunt moderno Sæculo. Lutherani, Calvinistæ, Puritani, Anabaptistæ, &c.

Instas 1. Si ita: Unde scio Arium, vel Lutherum, vel Calvinum fuisse Hæreticos? Respondeo: Quia ille, nempe Arius, ut talis declaratus est per Concilium Generale Nicænum, & hi, per Concilium Generale Tridentinum.

Subsumis: Etiam Papistæ sunt damnati à Concilio, in formulâ Concordiæ octo millibus Theologorum Lutheranorum constante. Er-

go. etiam Papista sunt Hæretici & eorum doctrina est Hæretica?
Respondeo : Ridicula est planè hæc tua Instantia , & Subsumpta. Annè ideò Augustissimus noster Imperator non est Rex Hungariæ : quia Ugocsiensis Comitatus reclamavit ipsius Coronationi ? licèt eidem consenserit totum Regnum Hungariæ. Fuitne hic Conventiculus Concilium Generale ? fueruntne ad illum convocati Episcopi , & Doctores ex toto Orbe ? certè Conventiculum hunc omnes Catholici irriserunt , & Calvinistæ exploserunt , sed multi etiam Lutherani eidem contradixerunt , & subscribere pleriq; Principes , & Civitates Lutheranæ recusârunt , quin & scriptis publicis eum refutârunt , & eos qui eidem subscripserunt pro risu habuerunt , his versiculis :

In

In libro vitæ, qui non potuere
notari

Nomen in hunc librum com-
posuere suum.

Et sanè ex pauculis prædicanti-
bus, hic Conventiculus constabat,
postmodum verò, multi quidem
non Theologi sed Ludimagistri,
& sæculares, partim metu, partim
minis adaçti, vel dolo inducti ei-
dem subscripsere. Mox & Theo-
logi Palatinales Calvinistæ ex-
posuerunt hujus libri 32. crassis-
sima mendacia, item 18. gravissi-
mas falsitates, ac duas & sexaginta
contradictiones, quæ in eodem
continentur.

EPILOGUS.


Vides jam, quàm sint debiles
hæ tuæ Redhibitiones seu Retor-
siones, quæ magis confirmant mea
Dilemmata, quàm à te adductæ
illorum solutiones ea infirmant.

Nam duæ nullæ non augent summam, & duo errores minùs firman-
 mant veritatem quàm unus. Et
 planè videris mihi in his tuis Red-
 hibitionibus seu retorsionibus, si-
 milis illi asino Æsopico, qui vi-
 dens catellum pedibus assilientem
 ad Dominum, benevolèque ac-
 cipi à Domino, eidem abblandien-
 do, illúmque mulcendo, ipse quo-
 que luto infectus suis pedibus ten-
 tavit assilire in suum Dominum,
 similem apud eum gratiam & fa-
 vorem sperans se accepturum, sed
 Dominus inique id ferens, man-
 davit famulis suis, egregiè illum ba-
 culis delumbari, ob tam temera-
 riam præsumptionem. Neque e-
 nim Dilemmata quadrant præ o-
 mnino omnino materia, sed in ma-
 teria tali, ut quidquid tu neges,
 vel affirmes, incurras in alterum
 cornu, & æquè forte. Redhibi-

siones autem & retorsiones, majorem adhuc requirunt considerationem. Per se enim nihil valent, ut si exempl. gr. puer aliquis reprehensus à maturo viro, reponat, quidquid is eidem dixerit, novissimè autem ei dicat ut taceat, quia infans est, & hic eidem reponat: tu ipse infans es, sanè puerili esset hæc, pueri reductio seu retorsio: Hæc tu tibi applica.

F I N I S





Errata typi sic corrige.

Pa	li	Errata.	Correcta.
6	2	est	lege esse
	22	quod	quod
15	3	vobismetipsis	vobismetipsis:
23	23	posse ea	posse
24	7	est est	est, Est
43	13	sequella	sequela.
	17	sequellam	sequelam
48	23	ostenderis	ostendes.
70	13	non non	non
80	17	aut	ut
83	21	minorem.	minorem.
107	6	Antiquitas.	omittitur
113	22	cubmurmuras	submurmuras.
121	11	quznam	quinam.
123	15	Au gustini	Augustini
	16	etia m	etiam
	17	M chabeorum	Machabzorum
	18	declaratu	declaratus
134	3	sumpseram	subsumpseram
137	4	Igitur, viventē igitur.	Igitur, viventē
	12	sumpseram	subsumpseram.
	17	suscipatur	suscipiatur.
145	13	certe	certē
147	2	ac	ab
158	14	quod	quod
168	15	75	15
168	13	&	neē
194	16	Scriteuræ	Scripturæ
201	13	ha-ne	hanc
205	15	Machabzorum	Machabzorum,
211	3	illis	illis
212	18	interfuere	inter fuere

Reliqua attentus Lector facile corriget.

